

後村居士集卷第九

詩

挽陳北山二首

雖拜龍圖號自稱紫澗翁生難招此老死可見文公斷簡功夫久深衣笑語終
空餘藏藁在虹氣貫山中
掘筆臨池慣殘書映雪勤今寧無古篆宋復有唐文荒草周顯宅空山董相墳
何時携斗酒一酌墨溪雲

送五六弟赴四明倉官成

子去為倉氏人應重客卿須憐春簸苦勿愛釜鍾羸羊貴脾神厄後佳肺氣平
親闈最閔念頻寄雁傳聲

挽龔汀州二首

早日曾廬墓中年懶建牙的無金遺子僅有笏傳家窮巷觀時事叢祠閱歲華
天平清白吏名位止斯耶
所守老尤剛清風凜不吐洞房無粉黛壘室屏縑黃東閣遵遺令南山獻吉藏
百年耆舊盡里社轉淒涼

送戴復古謁陳延平

倉部當今第一流艱難有詔起分憂城危如卵支羣盜膽大於身蔽上游應是

孔明親治事豈無子美可參謀君行必上轅門謁為說披簑弄釣舟

挽外舅林明道二首

開處功名少閑中歲月長漢曾招綺季魯僅有靈光玉雪生難流淵冰死未亡
兩州殘父老懷惠各悲涼
少小親函丈而今白髮生居然明我穢久矣愧翁清川逝悲賢淑山顏惜老成
年來得瘖疾相挽不能鳴

東陳寺丞築城

事變相尋智亦新爛泥堆起石嶙峋斷無餘力謀蒸土頗有旁觀哂冥薪自古
虛心容議者即今枵腹役耕民姑尤聊攝皆齊境莫遣郊封有詛人

荅楊弁

一生忠孝發於詩不為桃根與柳枝棗本流傳容有偽篋家穿鑿苦求奇偶全
要領慙輕典虛嘔心肝悔少時澤畔纍臣搔白首孤吟不敢累親知

挽方岳倅

昨解已陵紱將尋洛社盟壁埋真可惜玉立尚如生舊轍水天遠新塋雪瀨清
惟應帶來鶴解作斷腸聲

梅雨隳城自用前韻

疊石黏灰事尚新忽因霑清減嶙峋晉陽昔僅存三板瓠子今誰助束薪恃陋

竊憂難禦寇加工却恐倍勞民狂生亦豈前知者曾是邊城荷杆人

跋某人詩卷

元祐賦律古熙寧經義新請君忙改藝詩好誤終身

城壞復修又賦

補罅扶傾手段新舉頭千丈又嶙峋主謀何止堪尸祝妄議真當抵鬼薪見說
傳更增邏卒已聞犯夜少奸民小偷不辦公輸械遙望須驚彼有人

留山間種藝十絕

梅

鄙事閔人智淺深漆堪成器楮堪衾自憐到死猶迂濶純種梅花作墓林

菊

羞與春華艷冶同殷勤培溉待秋風不須牽引淵明比隨分籬邊要幾叢

松

一生着數落人先白髮栽松故可憐待得伏菟堪采掘此翁久矣作飛仙

蘭

蕭艾敷榮各有時深藏芳潔欲奚為世間鼻孔無憑據且伴幽窓讀楚辭

桃

歲歲春風花覆牆摘來紅實亦甘香當時若種瑤池本却恐河清未得嘗

桂

謬言自昔架空虛惹以非珠偶似珠半夜庭中金屑滿老夫明日費分疏

柚

兩樹亭亭薜砌傍未論包貢奉君王世無班馬堪薰炙且嗅幽花亦自香

笑花

春風滿面喜津津縱有嗔拳不忍嗔尚恐傍觀安注脚笑他何事與何人

末利

一卉能令一室香炎天尤覺玉肌涼野人不敢煩天女自折瓊枝置枕傍

芭蕉

攪醉妨眠挾雨聲碧叢宜看不宜聽而今一任蕭蕭滴華髮繚翁徹夜醒

寄題邵武死事胡將祠堂

士各全軀命惟侯視死輕張巡鬚盡怒先軫面如生短刃猶梟寇空券尚背城

新祠簫鼓盛人敬比神明

寄題沙縣死事祝將祠堂 文蔚之子

淮右多良將吾猶識祝侯虎生能肉食豹死有皮留鐵漢為揮淚水翁與雪讎

童侯獲賊標名忠義傳榮甚復何求

挽王簡卿侍郎三首

先帝初更化公曾以諫聞身雖遷柱史袖尚有彈文晚境圖成佛它山預作墳

那知非變幻止在石橋雲

末着尤奇特杯行忽坐止無香分侍女有硯遺諸郎長樂旌旗改平泉竹石荒

公今呼不應浮議果何傷

已矣孤知已顏蒼鬢髮稀曾雖參話柄終未契禪機尚欲扁舟訪俄傳隻履歸

無因拜公墓稽首懺前非

題高九萬菊硯

胡公飲菊潭八十冠貂蟬高叟飲菊硯六十雪滿顛胡公死無名高叟生無權

權隨糞土盡名與穹壤傳劉生勸高叟世事不兩全飢且拾落英渴且對寒泉

快吟三千篇多活五百年

挽陳師復寺丞二首

已奏囊封墨尚新又携袖疏榻前陳小臣憂國言無隱先帝如天笑不嗔闕下

舉幡空太學路傍卧轍幾遺民愚儒未解天公意偏壽它人天此人

歲晚滄洲築草堂却將逢掖換軒裳市朝共歎鳳高翥世俗或疑麟不祥童子

舉扶猶忼慨門人要經各淒涼衰殘無復相鐫切遺墨常留几案傍

別高九萬

花翁徒步悲詩境菊硯春糧哭復齋眾客食魚彈缺去幾人白馬素車來尋思

舊事成三歎，斷送諸賢入八哀。信矣兩生俱烈士，有金當為築高臺。

贈建陽醫士楊椿老二首

當年琴調絕平平，安意先賢宰武城。邑有澹臺猶欠識，始知令尹未聰明。晚愛明書義味長，無身始與患相忘。殘年頗覺飢難忍，未敢貪君不死方。

挽潘柄

復齋之客潘夫子，生死相從未忍分。薛守頗曾泰道潔，志完何可欠承君。魯生邀飲猶同去，龐嫂來呼已不聞。敢舍一卮真永訣，老無脚力拜翁墳。袁既字道季，宣從之學易。

贈輝書記二首

野老柴門不慣開，有僧飛錫自天台。前身莫是寒山子，携得清詩滿袖來。棒喝機鋒捷似飛，推敲事業費尋思。師歸定被叢林笑，腹裏無禪却有詩。

答黃鏞

少年安意假韶鳴，憂患欺人兩鬢星。此去真當盟社友，向來不合誑山靈。百年如夜何由旦，萬古惟天只麼青。若到桐城逢舊友，為言多醉少曾醒。

答陳琬主簿

主簿佳公子，何曾染綺紈。果能磨鐵硯，真可軟銅盤。君壯雷驚蟄，吾衰月缺團。太玄云：月缺其團。不如開明於西。家貧無瑤貝，珍貺欲鼎難。

寄題南康胡氏春風堂

芋魁菜甲必同食，石田茅屋不忍析。有時對床聽風雨，有時共燈窺簡冊。大兄獨抱古人道，羣季各修弟子職。一門和氣常如春，紫荆花開庭草碧。宛然生在舞雩時，又若坐於明道側。吾嘗三復棠棣詩，周公千載有慙色。共梨分棗能幾何，摘瓜煮豆堪太息。區區錐刀未足讓，伯夷遜國采薇喫。君能聚族真卓行，余亦為兄愧涼德。莫年有意觀廬山，因作春風堂上客。

送孫明府兄弟維為邑宰

三年於赤子，摩拊極殷勤。令尹留方寸，吾民受一分。宛如小滕國，突過大馮君。四境風謠美，諸公必采聞。

答陳璘司戶

丞相詩高妙，諸孫亦復奇。惠連康樂弟，子美審言兒。三舍猶當避，偏師未易支。老來怯鼎唱，欲速反成遲。

辛卯滿散天基節即事六首

老作黃冠返舊山，尚支驛料破衙官。孤臣毫髮皆君賜，獨坐風廊不覺寒。門廡無人殿未開，白頭散吏久徘徊。年年歲歲千秋節，長占羣官第一來。聞說都人競出嬉，御街簫鼓倍年時。相公入奏天顏喜，半夜揚州送捷旗。約已隆親禮不同，鈞天無讌錫臣工。太皇勲德伴高帝，陛下謙恭似孝宗。

野衲云云祝聖躬亦拈拂子漢宗風恨渠僻陋無聞見不識光公與杲公
小臣無狀挂丹書選着青袍兩載餘物色依然如碧鶴階街久矣削鯨魚

挽王華甫提刑二首 兄作行狀

牛角從諸老麻衣客五侯風雲疑反手江海不迴頭寂寞生堪笑皇皇死未歸
空餘老知識閉戶著窮愁
何必求佳傳家庭論自公頽濱碑玉局曲阜狀南豐轡遠方追電筆調每值風
深知有遺恨不見提旗紅

還黃鑄詩卷

曾伴靈芝湖上吟當年一悟至如今源流不亂知歸趣篇什無多見苦心貫蚤
功夫須切近贈鯨力量要雄深暮年誰可談茲事益有村醪且自斟

徐懋功餉酒用其韻

少時酒伴盡豪雄歲晚餅壘一併空方歎獨醒吟澤畔忽勤分餉到籬東鯨鯨
有量真溟滓螟蠃無知妄異同老矣此身何處着便應埋向醉鄉中

答陳瑄修職

陳氏源流遠吾猶及紀羣昔惟知伯氏今又識即君後學尊師友先賢賤藝文
滄洲書冊在努力緝前聞

挽陳孺人

昨弔室閨涕未收忍聞緋翠向斯丘不為尚子了家事似與龐公圓話頭天下
斷無膠可續人間最有劍難求潘郎文筆尤宜誅想見新碑字字愁

壬辰春上冢五首

城南

一閉幽堂十九年萬松手種已參天懶隨人乞郭東祭自與母耕綿上田試問
拂雲施鶴表何如藉地薦豚肩此身只合安閭里長為先君掃墓阡

西樓

溪草林花爭碧紅傷心黃壤悶芳容短松明月易陳迹斷雨殘雲難覓蹤伊昔
老盆常共酌即今敗絮倩誰逢白間一斗倉陳粟薄暮歸來獨自春

郭西 高大父

自古佳城屬吉人郭書王識豈能神掃松稍喜衣冠衆薦芟何妨俎豆負委巷
起家基世德分山葬友等天倫側傍即是黃香冢冥漠之中尚卜鄰 黃翁李楚
名士也死
而無子大父葬之於高祖墓傍

中峰

憶昨隆乾致太平諸賢聳聽鳳先鳴奏篇不愧登瀛選拂袖難留出畫行當日
伯夷兄弟瘦至今楊震子孫清定知千載墓陵路尚有行人酌董生

壽溪

水如綬帶山如抱畫手難摹一段奇松下可澆三奠去墓傍安用萬家為虹來
昂首寧非瑞蛟從無蹤若有知卍角釣游今白髮重尋陳迹不勝悲曾大父臨
室墓前昔皆深潭蛟所窟宅也

訪李鋼草堂不遇

細路縈紆入野田遙瞻竹樹已欣然青苔地滑跌盧老蒼耳林深迷謫仙不羨
玉堂在天上徑須茅屋占雲邊極知謝客非為亢貪省林花聽澗泉

題陳遂卿隱居

蚤日稱雄翰墨林暮年里巷且浮沉諸公自負遺賢媿此士元無謗國心杜牧
處士序處士之名送薛子佩子衿輸少俊某丘某水棟幽深明時莫作逃堯計忽有
自負也謗國也
弓旌底處尋

綿亭林逸人扁所居室曰藏暉求詩

先生讀易注參同築室雲山第幾重昔遇壺丘疑見怪今於老子信猶龍方靈
有物司丹竈符驗無妖血劍鋒只恐欲藏藏未得世人往往或知蹤

題白渡方氏聽蛙亭

塘水拍隄科斗生想君亭子俯幽清黃梅雨足野田潤牡麴烟收村墅晴莫信
人嫌無理鬧頗疑渠有不平鳴畫堂方喜聽琴阮誰愛天然律呂聲

贈鍾主簿父子

旗鈴接跡向西馳丹桂靈椿並一時競說即君能跨竈頓令老子欲筮兒妙年
不患雖無穎前輩曾言木就規相國晏公元楚產何須千里遠求師

寄趙簡叔知宗

造物方將貴此翁煌煌三印屈盤紅殿天不受珠犀流表海新兼鉄鉞雄詩滿
名山留妙墨船歸外國說清風何當把臂登雲榭共看鯨波浸碧空

贈豫知子

隔膜能知人肺肝瞭如燭照與龜鑽敏於一行推棋子妙似堯夫測牡丹道是
鬼來疑太點驚然仙去覓應難身今槁木寒灰樣慙愧至咸子細看

簡叔和詩再寄

棄置而今成秃翁君思量給太倉紅着鞭縱落諸公後揮塵猶堪一世雄花月
三千篇絕唱海天九萬里剛風胃中本自無冰炭况讀君詩益掃空

寄章貢姚別駕

贛江當日血成川誰肯身馳不測淵尺檄約降諸峒靜單車禽畔一城全帶刀
俗染惟新化橫梁詩刊第幾編想與元龍談世事亦憐疎拙老林泉

三寄簡叔

屢有詩貽田舍翁燈花常至夜深紅莫嫌雲榭文書冗稍喜氷衙職任雄健吏
安知元結事貪夫愧死伯夷風得君厚祿吾何患從此樽中酒不空

寄章貢姚使君

度在江西尤鉅麗極知君相選侯難昔多法從懷州絃今少詩人上將壇飲成
官兵申拆洗放衙豁洞報平安衰頹欲納轅門謁却怕崆峒臘雪寒

蔣邁說易

新圖別義初拈出四座皆驚昔未聞定是宵中通象數或於夢裏見義文向來
夫子編三絕近世名儒說七分自笑腐生尊古注可能挾冊便從君

讀金鑿密記

仗下千官走似麕倉皇誰危屬車塵禁中陸九艱危共殿上朱三苦死嗔當日
橫身抗岐汴暮年避地客甌閩小窗細讀金鑿記始信香奩屬別人香奩集和疑作非致光也

哭鄭君瑞長官二首

自解銅章後終身恥折腰偶然安舊隱非不戀清朝薪水終能給弓旌未易招
噴山梅似雪猶足配清標

史著陶潛卒何妨爵秩卑竟無乞米帖止有采薇詩舊友誰為誅新阡尚欠碑
中年哭同志孤立可勝悲

獲硯

二硯温如玉琢成信知天地有精英馬肝紫潤尤宜沐鵠眼青圓宛似生未愛
潘郎呼作友便教米老拜為兄今年几案多奇獲應是窮儒命漸亨

再獲一硯自和

三硯聯翩買券成絕勝玉杵聘雲英拊摩無粟向肌起塗抹有花從筆生韞匱
每愁逢暴客傾囊或笑費方兄古來事業由勤苦不信磨穿道不亨

蔡偉叔通講書

蔣君易學高無助蔡子重來講杏壇絳帳先生移席聽青衿學士堵牆觀舉揚
霽月光風易箋注先天太極難穩坐虎皮揮麈尾豈知春雨客氈寒

遺編

短髮蕭蕭老日侵遺編未敢廢研尋薰蕪理慾迷通義袞斧忠邪害恕心篤信
聖賢常事左稍知治亂每憂深人生有腹當盛酒誰遣吾儕著古今

一念

一念終萌帝已臨豈容纖芥自欺心夜猶養氣操存熟晨偶料頭警懼深跌宕
少曾希管葛歛藏晚欲學柴參小窗稍覺春宵冷自設篝爐置楮衾

貧居自警三首

昨者匆匆擲印歸六年岑寂閉柴扉歲荒奴僅拾殘穗日晏婢方羹苦薇寧渴
莫賒鄰近酒儘寒不著借來衣中年但祝身強健要卧松風坐釣磯
赤粟黃蘗味最深此生不恨老雲林鬼神每瞰高明室天地皆知暮夜金夸士
燃臍猶殉貨先賢覆首或無衾一瓢千駟同歸盡莫為浮雲錯動心

客過吾廬語至哺旋營盥酪刈薪芻酒兼麟脯不時有飯與魚羹何處無荆公云何處無
飯羹力穡勿忘家世儉堆金能使子孫愚俗兒未識貧中樂妄議書生骨相矍

寒食清明二首

寂寂柴門村落裏也教挿柳記年華禁烟不到粵人國上冢亦携龐老家漢寢
唐陵無麥飯山蹊野徑有梨花一尊徑藉青苔卧莫管城頭奏暮笳
過眼年光疾彈丸桐華半圻燕初還漢宮有燭朱門煖墨突無烟白屋寒寧復
闔雞陪戲社頗思携鶴訪孤山今年秋與金同價偶得茅柴且盡歡

上巳

櫻筍登盤節物新一筇踏遍九州春似曾山陰訪脩竹不記水邊觀麗人豪飲
自憐非少日俊游亦恐是前身暮歸尚有清狂態亂挿山花滿角巾

村墅

村墅溪亭處處嬉新年海岱悉清夷盜平四野無驚柝虜去三邊有捷旗子美
間閑離亂際堯夫生死太平時從今一洗窮愁語多賦看花飲酒詩

進德

進德功夫有淺深一毫間斷即參差醉無謬誤明持敬怒亦中和見養心為善
豈須朋友責積勤常若父師臨向來歲月悠悠過垂老方知痛自箴

答梁文杓

二梁太學同袍舊晚識即君亦雋才柳永詞堪腔裏唱劉义詩自膽中來老夫
一榻何曾下吾子扁舟作麼迴見說桐柳方調卒未應能築禮賢臺

哭章泉二首

自有箴歌樂那須璧帛迎後凋仁者壽獨往聖之清古不稱千駟今猶重兩生
吾衰久無淚一慟為耆英
小扉通水竹幽絕少比鄰家似巢栖者詩非火食人於今無宿士若昔有先民
疆作徵君誄居然語未親

贈馬相士二首

姬貌何妨至輔臣猴形亦有上麒麟伏波眉目空如畫不是雲臺劍佩人唐人嘲歐陽詢云誰令麟閣上畫此一獼猴

荀卿粗了心形者蒯徹安知背面哉別有精微書不載待君見了季咸來

余為建陽令遣小吏王堪為西山翁之後翁留之仙游山房招崔亭之
上令抄道書久之若有所悟棄家不歸後六七年訪余田間傲裘跣足
真為道人矣自言欲謁翁於桐城作五詩送之

向來刀筆充書佐歲晚衣巾學道流畢竟賢於人一着醉中夢裏忽回頭
拂袖歸來久閉閑道人剥啄訪平安要知對面劉高尚即是翻身靖長官
去去尋師莫遠尋蓬萊何處海深深山房幸有栖身地且讀西山夜氣箴

聞說周仙有後身出山不為兩朱輪白雲丹竈俱無恙憑汝殷勤謝主人
或盤碧漢喚清宵幾載山中伴寂寥今日鶴來翁已出他年却恐費翁招

和南塘食荔歎

君欲和詩無匆匆唱首天下文章公今年荔子况倍熟亭亭錦蓋高張空猿偷
鴉啄牧童采林間殘顆猶殷紅在昔唐家充歲貢吟諷何止杜陵翁南窮交州
西蜀土快馬馱送如飛龍絳裳冰肌初照眼玉環一笑恩光濃惟聞以遠幸免
泥一顆不到溫泉宮自從陳紫無真本嫩玉晚出尤稱雄邇來雞舌擅瑰璋贊
香譽味萬喙同麟臺仙人親題品天為此菓開遭逢乃知微物似有教聲價亦
與時汗隆列聖儉德被華戎微如淮白不敢供奈何置驛奉私室安得木鐸觀
民風山蹊谷塹日力窮血肩蹶足馳筠籠請公移此食荔歎置在薰風殿閣中

後村居士集卷第九

後村居士集卷第十

詩

送真西山再鎮溫陵

父老香花夾路催朱幡那忍更徘徊弓張至此尤宜弛珠去安知不復迴海上
有艘堪致粟洛中無篋勝生財泉人畢竟修何福消得西山兩度來

水仙花

歲華搖落物蕭然一種清芬絕可憐不許淤泥侵皓素全憑風露發幽妍騷魂
洒落沉湘客玉色依稀挹月仙却笑涪翁太脂粉誤將高雅匹婬娟

葵花二首

植物雖微性有常人心翻覆至難量李陵衛律陰山死不似葵花識太陽
下了江南奏凱回曹公鞅鞅未忘懷爭知野老門庭冷旌節無心忽自來

題鄭寧文卷

西山作跋

昔侍西山講習時頗於函丈得精微書如逐客猶遭絀辭取橫汾亦恐非第笛
豈能諧雅樂綺紵元未識深衣嗟余老矣君方少勤向師門扣指歸西山先生
編文章正
宗如逐客書之類止作小字附見內詩歌一門初委余哀輯余取秋風辭西山
欲去之蓋其議論森嚴如此鄭君試以此意求之可也

悼阿駒七首

吾老方期汝亢宗愛憐不與衆雜同豈知希世千金產止作空花賺乃翁
長兄開卷每隨聲大母繡經亦諦聽眉目分明無天法恐緣了了與惺惺
北轍南轅有返時吾兒掣手去何之夢中玉雪來懷抱愁絕鄰鐘喚醒時
隔日猶能喚女兒兒於孝友殆天成直須見汝蓮花上終得會中一點平

富貴威權得自由，收融二子殺楊修。開人於物無恩怨，那得倉舒只麼休。
眼有玄花因悼亡，觀書對客兩茫茫。洋情知淚是衰翁，血更為童烏滴數行。
人生憂患本無涯，強取瞿聃語自排。吾母白頭尤念我，吞聲不敢惱慈懷。

鄭寧示邊報走筆戲贈

曾客嫖姚與伏波，慣騎生馬擁琱戈。金臺有命終須築，鐵硯無功亦且磨。見說
帛書來汝洛，又傳羶帳迫淮河。只今西北多機會，吾子南歸意若何。

挽劉學諭

徐尤溪鹿卿之婦翁豐城人名履

少游鄉校至華顛，常以齏鹽養浩然。科舉法行無譽士，立園禮廢有遺賢。劉蕡
下第人稱屈，李漢編文後必傳。聞道諸郎皆秀孝，拂雲華表看它年。

送陳戶曹之官襄陽二首

珉

丞相曾參督府謀，即君今復贊邊籌。彼哉金谷飲長夜，去矣玉關防盛秋。尺度
豈能拘快士，功名斷不在中州。習池水滿堤花艷，安得相陪賦遠游。

幕府秋風事日生，恭軍匹馬去兼程。起為楚舞何其壯，吟退峴山碑有跋不愁。
江表傳無名老儒，那復封侯夢。止願躬耕看太平。

盱士張季携所注三畧訪西山先生，既跋其書，余復題二絕於卷尾。
張生快士非拘儒，袖出一編相斫書。撲虱拍蚊吾不忍，斷蛇刺虎子何麤。
千里從師細講評，橫渠昔亦謁高平。自從受得中庸了，止說西銘不說兵。

送湯伯紀歸番陽

華宗所產必人英，久見諸賢說父兄。荀氏晚添文若出，楊家又有敬之生。進堪
負荷斯文責，退亦流傳後世名。身老荒邨無可恨，獨於佳友尚關情。

病後訪梅九絕

夢得因桃數左遷，長源為柳忤當權。幸然不識桃并柳，却被梅花累十年。
鄂侯云青青東門柳，歲晏必憔悴。楊國忠以為譏已。

先生歲晚被人疑，梅畔渾無一字詩。明月清風愁併案，野花啼鳥怕隨司。
區區毛鄭號精專，未必風人意果然。犬豕不吞舒亶唾，豈堪與世作詩箋。
和靖林間款嗽時，一邊覓句一邊飢。而今始會天公意，不惜功名只惜詩。
老子無糧可禦冬，強鳴飢吻和寒蛩。舍南舍北花如雪，止喚清香飽殺儂。
與梅交絕幾星霜，瞥見南枝喜欲狂。便欲佩壺携鐵笛，為花痛飲百千場。
一聯半首致魁台，前有沂公後簡齋。自是君詩無警策，梅花窮殺幾人來。
春信分明到草廬，呼兒沽酒買溪魚。從前弄月嘲風罪，即日金雞已赦除。
菊得陶翁名愈重，蓮因周子品尤尊。後來誰判梅花案，斷自孤山迄後村。

陪西山游鼓山一首

先生廊廟姿，非直藩翰才。南州彩旗留，北闕丹詔催。重臣方暑行，停驂小裴回。
客中載枚柳，物外尋宗雷。遂窮天海觀，一豁風雲懷。眷言此靈山，自判宇宙來。

登臨幾朱輪滅沒隨飛埃堂堂蔡與趙繼者其誰哉共惟勲業倅况乃名節偕
伊余忝載筆適值祖帳開離陪叔子游獨抱湛輩哀餞詩堪覆甌不敢鑄蒼崖

鼓山用餘平趙相韻

城郭區區一聚埃江山如此信佳哉扶龍相國騎箕去招鶴仙人再節來試問
炊梁成短夢何如煨芋撥殘灰危亭更着文公扁日落山空未忍回

題真仁夫畫卷

草木黃落水雲蒼孤舟卸帆凍雁失行昔余遠游沿滌沂湘埃長店踈僕痛
馬僵行李蕭然有詩滿囊今其老矣寧志四方撫卷追思歷歷不忘

題龍眠十八尊者

嘗聞天台境肉身往無從仁夫示此圖恍惚游其中應真一一若舊識或路怪
石臨飛淙山鬼投牒何敬恭天女問法尤丰茸盆魚鬢鬣等針粟放去天矯孛
空濛山深無人地祗出被服導從侔王公前驅驚獸後夔魍徐行殿以一瘦筇
巉巖蒼壁設設松下有老宿眉雪濃石橋滅沒雲氣斷似是鬼國非天宮層冰
融結挾怒瀑毒虺噴薄含腥風至人于此方入定壞衲暮首枯株同等閑一坐
六十劫汝技有盡吾無窮書生往往談性命怵以禍福猶兒童倒持手版口勸
進對此寧不面發紅我知龍眠筆外意要與濁世鍼盲聾退之云釋善變幻愷
之謂畫能神通幻耶神耶兩莫詰與子持叩西山翁

米元章有帖云老弟山林集多於眉陽集然不襲古人一句子瞻南還
與之說茫然歎久之似歎渠偷也戲跋二首

大令云此筆不傳世無行草已千年偶然遺下鷲羣帖生出揚風與米顛
二集一傳一不傳可能寶晉勝坡仙蘇郎不醉常如醉米老真顛却辨顛世傳米老
有辨顛帖

跋周忘機畫一首

周郎詞藝妙天下似是詩家非畫家寧與嵇公寫琴操不為盛尹作梅花

題林戶曹寒齋

取鄭介夫積雪冒寒齋之句

舉世爭馳勢利場君於冷處看人忙不營摩詰散花室只說蘓州聽雨床種果
園林無虎守勘書窗几有螢光直須喚起西塘老來向齋中伴石塘

呈黃建州

當年虎穴挺身臨匹馬平欺萬綠林余欲関弓常掩涕汝能賣劍即回心歌廉
民已嗟來暮微管吾安得至今欲謁鈴齋參嫡派管蠡何敢測高深

過建陽二首

溪上重來兩鬢絲豈知拙政久猶思旄倪欲見葉公面香火共存朱邑祠爭勸
令君持酒琖不容老子閉車帷誰言俗薄今非古我與斯民各秉彝
白布帟襦雪滿顛携扶僂倮拜車前皆言庾氏相因粟猶是君侯不飲泉自昔

活民須有備即今去客愧無權愚公老矣癡如故長把心燈望後賢

過章戴二首

魯叟新阡何處尋橋邊感舊獨沉吟一生欲唾姦諛面千古難磨道義心溪昔
放魚晴鱖鱖門今羅爵冷泠泠發潛賴有西山筆何日碑成勒碧岑橋下魚萬計
居所放也
曾向明時雪李邕又聞名在聘賢中憶言鴟吻施茅屋忍見龜趺立柏宮杯酒
昔常陪賀老隻難終待哭喬公情知客淚先難制鄰笛那堪咽晚風君為閩漕
欲請余為
屬既而曰茅屋設鴟吻乎遂止

答李泉州元善

平生陳無已白首欠吟債未嘗交馬呂况肯見章蔡附熱生可鄙中寒死亦快
吾方尚此友巾車與同載前瞻有膺滂却顧有融泰要當堅一壁詎可立兩界
恕乎行誼虧希也名節壞史君惠良箴下走敢不拜懷哉道義交異彼姑息愛

送趙信州二首

君於朝列號名流信在江東亦望州保抱彼民思父母癯咨吾輩惜交游香凝
應物吟詩榻虹貫元章載畫舟澗上泉邊今寂寞豈無遺藁待搜求
貧者惟言可贈行臨分握手盡交情馬於轡力窮時駭鷗向機心動處驚齊士
豈無堪客禮蔡人便遣作牙兵遙知陌上羅敷女競看雙旌出勸耕

題趙子固詩卷

紫芝仲白俱飛去晚秀惟君擅士林字肖率更新手作詩疑賈島後身吟九成
合奏音方備三染為繡色始深老去尤於朋友篤未忘几研琢磨心

題湯伯紀程文

詔書選後宮衆女競媒致拂鏡濃画眉臨風高縮髻朝猶東鄰居夕已金屋貴
彼姝絕代姿綽約乘雲氣箴史合古趣佩服與今異宜哉寤寐求惜也憔悴棄
君門深復深歲遣花鳥使

和高九萬雪詩

添盡綿衣體未和小窗奈此苦寒何極知上竺仙人喜不道長安貧士多窮巷
都無晨噪鵲邊城應有夜驚鸞君才堪續梁臺賦早晚樓船濟汴河

答曾無疑校勘

詩到黃初字永和半生西望溯明河已招學士來儒館更欠山人拜諫坡李渤
種放
四庫舊書存有幾五朝遺老苦無多傳聞將講臨雍禮小駐驪駒白玉珂

題袁秘書文蒙

場屋聲名淳紹初同時一輩晚星踈舉人尚記前鄉貢天子亦呼行秘書出蜀
詩編堪杜集涉湘文可補騷餘中朝典策須鴻筆何必然蔡照靈魚

題廬陵羅生詩卷

門巷蕭然人迹少華裾客子袖文過織千機錦非常巧熏一鉢香已覺多持贈

白雲情厚矣暗投明月愧如何桃花水煖鱸堪繪恨不相携買短蓑

陳夫人哀詩 同父之女

龍川天下士女子節尤奇孟母遷鄰訓共姜誓已詩生無封國分沒有表阡時
曾識雙珠樹聊為補些辭

挽連夫人 陳侍郎公益之母代洪侍郎作

渡江門戶已華簪嫁得黔婁作藁砧昔曾為賓截髮暮年親見子腰金瀧阡
新刻豐碑妙防墓重封宿草深憶與夏御聯禁路些辭題罷一酸心

參預陳公挽詩二首

人歎稿毫妙天知補衮忠力猶挽元氣身已御長風家譜伴洪氏官稱似范公
獨憐尊鯽莫不得至苔中

聖主初調瑟煩公數寄聲已來周大老尚致魯諸生未至餘尊盡西歸隻履輕
中年知己淚銷得幾回傾

又二首 代洪給事作

世道方憑藉云胡不慙遺重如鎮喬嶽寬可納須彌鷗閣開無日墓陵寧有期
嗟余衰久矣告第乏雄辭

不謂斯人天堂堂在目中曾參黃面老肯戀黑頭公性理天淵徹榮華露電空
獨餘章奏在聖主記遺忠

送王實之

欲去還留每自憐竟為吾子著先鞭孤忠盡見萬言疏十口同登一葉船屈法
相全煩聖主上書俱貶愧前賢南歸定過西山下細把行藏告墓阡

重餞趙信州分韻得寢字

近甸騷屑餘當宁焦勞甚剖符寄非輕弄印擇已審益然春風和解此寒色凜
吾聞守四鄰豈必衛堂寢惡馬易調伏小鮮難烹飪臘前况屢白秋杪定一稔
我戾但凝香彼州自奠枕英英尚書即餞詩麗如錦驪珠忽滿軸繼者皆曹沈
顧予如病鶴欲鳴聲復噤寧論思抑掄行以親來諭南歸掣齋鈴倘留故人飲

鄭丞相生日口號十首

陌上塵飛勅使來親傳天語賀元台門庭如水無珍獻惟有黃華伴壽林
王呂紛更尚治安史韓椽伐始凋殘迺知元祐調絃易却是端平變局難
金塢銅山二紀中可無玉雪洗貪風從今中外多廉吏家有錢神賦一通
小范登庸面稍腴惟公不以位為娛宅家亦自臨朝說丞相都因國事矐
舒黯淹留守相間平津千載有慙顏惜渠不見端平相召了西山台鶴山
忤旨嬰鱗不自安明朝密啓與遷官百僚舉笏私相語相國育中得許寬
曠懷未許衆人窺細行猶堪百世師廣厦千間無地起靈臺一片有天知
轉了頭廳屢乞歸已將傳舍視黃扉江湖不欠魚羹飯直為君恩未拂衣

筐苞不復入脩門民力微糴物漸蕃見說海邊停艦局介麟亦被相君恩
不用占着更訊龜功成尚有赤松期由来壽與仁相贊李主君平未必知

出宿環碧

逐客挑包水榭中忽聞乾鵲噪東風若非閩嶠安書至即是襄州吉語通
環碧寒甚移宿客邸

桐廬舟中即事

香歇朝衣懶更熏夢殘宮漏遠難聞漫即不稱青綾被退士惟堪白布帟
車前響帽同聲散閑外華簪一揖休惟有浙江潮好事肯隨逐客到嚴州

朱買臣廟

翁子平生最苦貧晚將丹頸博朱輪老儒五十無章綬歸去何妨且負薪
江山道中

徐偃王廟

純綿未覺中年暖薄酒難禁二月寒可惜一溪桃李樹貪程不得過橋省
仁暴由来各異施秦徐至竟孰雄雌君看驪岫今無墓得似柯山尚有祠

漁梁

淺溪忽漲尋常水朽樹猶開千百花有酒可沽魚可買造門莫問是誰家
馮唐廟

當饋而今渴將材豈無梟俊尚沉埋不曾薦得雲中守也道身從省戶来

新蓬二嶺

路入雲端一綫微行人竊笑僕交譏空囊非有連城璧作麼携從間道歸

春陰

春陰欺得病夫身偶值晴天一欠伸客舍無誰相管領半簷紅日苦留人
宿小寺觀主僧陞座

靜處尤宜策睡勳徑投禪榻炷爐熏恰為蝴蝶春游美忽吼華鯨曙色分僧袒
右肩方說法我聾左耳若無聞平生不作桑間戀草草挑包下白雲

田舍即事十首

去年贏粟尚儲餅又見新秋蘸水青野老逢人說慙愧長官清白社公靈
却落羊看烏角巾畧談北事向南人百年只有中州樂世世無為塞下民
古來觀社見春秋蒞袂銀釵盡出游欲與魯人同獵較可憐身世尚它州
蹴鞠鞦韆塵不浣臂鷹袖窄樣新裁社中年少相容否也待鮮衣染鬢來
鄰壁嘲啾誦學而老人睡少聽移時它年謹勿如張禹帝問床前謬不知
田舍諸雛各雅馴男兒盍有藝資身古來醫卜多名世莫學文章點泥人
條桑女子兩鬟垂車馬過門未省窺生長柴門蓬戶裏安知世有二南詩
草草衣裝挈自隨墾貧畢竟與齊眉絕勝京洛傾城色鑠向侯門作侍兒

兒女相携者市優縱談楚漢割鴻溝山河不暇為渠惜聽到虞姬直是愁
溪上漁郎占斷春一川碧浪映紅雲問渠定是神仙否艣去如飛語不聞

寄題趙廣文南墅

博士才名賀白流詎應蚤計到菟裘宮中未索清平調海上聊為汗漫游隱几
飽看山變態開軒惟對竹清脩買鄰有志嗟無力肯與羊曇共賭不

寄和湯仲能

憶昨挑包返故鄉意君束帶待明光一書似坐窮為祟百計無如去最長蟻穴
夢殘何足記墓陵願在莫須償即今臺閣多收召定有名公雪孝章

送湯季庸監獄

季子真奇士聲名亞長君尚難友裘牧何敢吏朱雲江國無生業沙場有異聞
臨岐各珍重世故屬紛紜

送徐鼎夫用廬陵通守博士戴文韻

一春風雨郡齋寒荒了麻姑老子壇余嘗主仙吏抱文書排闥至客携詩卷退
都玉局觀衙看愁來鏡裏絲難染老去曾中錦已殘若棹扁舟見安道為言歲晚習申韓

次韻王元度二詩袁侔之子

留落而今兩鬢秋暮年出處愧前修敢云余補韓公處極喜君來謝客州奇甚
寶鐔騰紫氣清于玉瓚薦黃流後生不作先賢遠便合相推出一頭

向來綺語禍機深幾効靈均欲自沉周廟人曾銘在背管城子已禿無心今誰
伯樂能訓價後有鍾期必賞音老矣尚須君警策昔人一字答千金

送趙叔愚赴潯州理掾

未奉三雍對聊為五筦行鄉書踰嶺少詩思入湘清遠宦身差穩中州事日生
向來幾離別此別最關情

離郡五絕

自傷臨郡淺有愧在民深稽首文公廟由唐直至今
既收其印綬猶送以車船回首柱下史江邊更可憐
昨日專城守今朝失國人乾坤如許大無地着孤臣
赫赫戎衣定區區扣馬非如何孤竹子嫌粟不嫌薇
丘筆鄭克段軻言象愛兄回天力不足削地罰猶輕

後村居士集卷第十

後村居士集卷第十一

詩

寄徐直翁侍郎二首

銳情皆由氣所為浩然不屈是男兒未知重入脩門後何但初攀折檻時已有
客貽絕交論豈無人取送行詩勿令一種求疵者妄議君侯鳳德衰
憶昨紛紛眾喙鳴怪君噤斷久無聲得非家客留廷尉或是閨人沮仲卿白璧
微瑕終古在黃金橫帶霎時榮從來公議無情甚莫遣蒙齋獨擅名

和仲弟十絕

懶窺戶外問晴陰靜向窗前閱古今江國事稀聊袖手鈞天夢斷久灰心
慈母清齋奉竺乾平生功行默通天遙知靜坐修禪觀永晝爐中一穗煙
即今江表尚怙熙忘却前迴飲馬時淝水豈無風鶴助平涼莫受欺
樓頭吹徹幾寒梅推枕穿衣曉帳開蟻鬪蝸爭求子決老夫身世自難裁
一春簷溜不曾停滴破空階薜暈青便是兒時對床雨絕憐老大不同聰
行遍高臺到曲池閑將白髮照清漪未應官舍無幽事亦有臨流嘯咏時
少工文字老安施不但才慳力已疲無復滴泉來上綆惠連入夢偶成詩
弟兄雖幸忝朱輪各是人間五十人只合共娛千歲母可能少補二州民
雁回杳杳渾無報鵲語啾啾似有憑忽得遠書看百過眼昏自起剔殘燈
千古堂堂一孔明尚咨幼宰訪州平諸君應悉倦倦意老子寧希赫赫聲

丁酉重九日宿順昌步雲閣絕句七首呈味道明府

傍邑曾為劫火塵獨茲猶是太平民兒時所歷今三紀便喚溪山作故人
老子癡頑耐遠游平生腹不貯閑愁今年天賜登高地身在雲峰最上頭
小休綠樹濯清泉垢盡身輕意欲仙豈必魯儒知此樂舞雩風止在溪邊
九月南州菊未黃芙蓉取次獻新粧不妨折取繁紅挿四海皆知兩鬢霜
只了年年作逐臣衣冠縷面埃塵偶逢令尹留連我不畏狂生點澆人
先倩清風掃水軒更呼涼月倒金樽定知明府歸侵夜縣郭留燈未閉門
長君論事天為動季子居官水似清雙眊不能鈔諫草偏聾尚可聽琴聲得茂
實封事日昏字小不能傳錄

友人李先輩丑父嘗以夷成詩二帙示余莫知為何人所作心甚愛之
過延平客有袖詩一章見訪始知夷成者蓋葉君之別號也鬚髮皓然
矣詩與人皆可重因用其韻為謝

筋力都非少壯時不煩攬鏡覺吾衰展禽出仕曾三已表聖歸休有四宜飽閱
交情悲世道差強人意賴君詩此生到死慙三士本自難招况易麾端平初元
余預馬惟張洽趙端順范炎三君子力辭不至

丁酉九月十四日黃源嶺客舍題黃瀛父近詩

不但行吟又卧披掩編因有感於斯競為蛙蚓號鳴態烏覩龍鸞天矯姿損挹
嬾人稱大好琢磨容我指微疵自慙學識非康禹安敢陪君共說詩

次王元度韻

占盡靈島願盡雲君恩寬大放歸闈一區二頃生緣薄萬緒千條素髮新鐵馬
即今徵戰士金雞何日赦累臣殷勤說向西飛雁多謝交游與吏民

送范守仲治二首

二年田里內民不識追胥官府絕無事使君惟讀書儉于住家日矐似下車初
太末方凋弊公行不可徐
放逐諳時態惟戾意味長醴為狂客設羹許老人嘗南國留棠舍西郊閉草堂
臨岐先作惡未可倚剛腸

挽趙漕簡叔二首

雖擁軺車貴蕭然似布韋家依僧舍住俸買古琴歸海內勝流盡民間廉吏稀
空餘詩卷在展玩一沾衣
恰訝書題少俄驚訃問臨死方拋筆研貧不浣珠琛劫火難隳節浮雲肯動心
悲哉廣陵散舊譜有誰尋

曹路分贈詩次韻一首

古來詩律推曹氏不數河梁與董逃唐季三家松最勝荆公選唐百家詩曹勣
一首曹唐二首曹松十
首建安七子植尤高短檠尚課兒精選老筆真堪僕命騷極欲留君橫槊賦舟
人苦報粵江濤

用曹帥侍郎韻贈曹路分

曹侯書滿腹非以劍防身馬上檄尤速囊中詩不貧人情工變詐時論主和親
旗鼓何時建方知國有人

永嘉曹君贈詩次韻一首

開卷沉吟首屢搔想提詩律比戎韜清於學士茶烹雪狀似將軍弩射濤再苗
三纁由染漬勺泉卷石可淡高蠅廬自笑無卮酒不得澆君道路勞

余大父著作嘗以所得沈元用給事歛硯遺水南林府君後七十年林
氏子大鼎以端研遺余答以小詩

隆乾手澤稀疎甚數帖凄其在水南但看吾翁貽歛石固應之子餉端巖丁寧
後裔藏為好羞愧先民實不貪自笑老猶耽筆硯少年莫也肯同參

挽鄭子敬都承二首

重入脩門兩鬢絲延和累疏竭忠規立朝頗慕汲生薏謀國不知晁氏危老去
故人能有幾古來君子例無時傳聞舊事堪悲慨說向重泉亦皺眉

向來俱觸相君嘆里社追隨二十春尚記殘編燈下共忽省華表路傍新行車
不忍過三步臨穴應難贖百身歲晚空山風雨橫莫窮歸去倍傷神

次韻寶之二首

孤臣去國四經春迹遠安知罪尚新蚤亦曾譏秦氏者晚為與議濮園人懶箋

光範干時宰且伴田家賽社神醉倒不能愁世事情他煙柳替含輝
向來歲月半投閑莫歎朝朝首宿盤身後芬芳聊自詵眼前腥腐飽曾餐蟲雞
一笑何須較花鳥相踈恐被彈清議自為儒者設未應羈束老黃冠

再和二首

借屋城中又一春桃符萬口說清新向來曾上慶曆頌老去甘為元祐人健論
真堪驚詣子固窮不肯媚錢神吾評此士西塘比後進紛紛謾效顰
與君未得便安閑邊警偏能惱澗槃草地寒紅猶索闌田家柏白可能餐誰將
鐵綆橫江鎖莫靠琵琶出塞彈處處衝梯樓上舞不應諸老自巍冠

三和二首

主聖時清萬宇春禽魚花草各懷新如何丹鳳樓中手未作金雞竿下人家有
寧馨堪跨竈囊無阿堵可通神客談江北狼煙息暫展雙眉不用顰
厨人無職主君闕春日惟供菜滿槃山下鷓肥聊共飽堂中羊美得常餐徧嘗
憂患肱三折已過光陰指一彈老去有中宜澆酒笑它楚客切雲冠

挽戴丞

戴氏多人物君尤月旦推能傳后倉禮亦擅叔倫詩故里懸車蚤名揚解褐遲
它年端有恨椿桂不同時
題永福黃生行卷

廢詩二十餘年矣忽讀來詩眼暫明處士梅曾如許瘦化人酒莫過於清蛩鳴
競起為唐體牛耳誰堪主夏盟事澗語長殊未竟跨驢作麼問歸程

送方清孫泰學

僕負輕裝主倚轅交游握手若為言須求沂水風雲樂勿愛沙河夜市繁曩日
士曾宗郭泰它時我欲傳何蕃殷勤待折津亭柳老怕春寒不出村

挽南塘趙尚書二首

起掌端平制蕭蕭素髮新更生宗室老太白謫仙人貴矣狝施馬悲哉筆絕麟
誰為篆華表題作宋詞臣
自從水心死塵柄獨歸公於易疑程氏惟詩取晦翁二箴家有本孤論世無同
不復重商榷騎鯨浩渺中

次韻實之春日二首

向來文字擅中朝留落而今賦大招才子左遷追屈賈相君高蹈友松喬山行
或與樵爭席澗飲聊將掬代歌借使終身無一事亦令千載仰孤標
梅醖朝衣塵滿靴曾穿細仗對延和角巾久已尋初服錦帳何須戀舊窩能讀
書人天下少不如意事古來多半生寂寂因迂澗垂老方驚歲月蹉

再和二首

榮陽相昔獨當朝曾泰弓旌第一招無力不能救房瑄有書安敢托洪喬如聞

徒步輕千駟未覺堂厨勝一歎
節禹封侯子陵釣君看二者孰風標
少小從軍事袴鞬秬今廟筭主通和
來復去兔三窟民散未收蜂一窩建炎有盜
名一病覺風光於我薄老知書冊誤人多
罪言著就深藏取自笑狂生壯志蹉
窩蜂

三和二首

豈有絲毫補聖朝去來擾擾費麾招
不能履屐供羣謝未暇綸中擁二喬
着老萊衣侔服冕食於陵粟勝操瓢臣之少也
猶踈懶何况頭今挿素標陶詩素標挿人頭
長劍拄頤刀納鞞得如曝背趁陽和
買鄰底用百萬價好事爭為十二窩
異日史臣應有考同時朝士欲無多
與君死守西山學莫遣人譏末路蹉

四和二首

夢魂久不到清朝縱遣巫咸未易招
塞北今惟一草叢江南前此幾陳喬
扶顛个个無長策排悶時時引大瓢
它日松根深掩骨何須竹帛有名標
朱門畫鼓舞官靴應笑在歌侶采和
露坐一生無步障春游是處有行窩
紹興謹議誰當續元祐全人本不多
辦取九年同面壁未應末後話頭蹉

五和二首

尚記諸賢聚本朝當時君相急旁招
蕭韶九奏鳳諧樂金彈一聲鸞下喬
強項昔嘗攀殿檻飢腸今欲把僧瓢
蚤知不得文章力却悔從初奪錦標
頽然一榻懶巾靴二月東風尚未和
雀闌屋簷來作宿蜂街窗紙去為窩
牢愁

余髮五分白健思君才十倍多欲訪東臯
賢鼻祖幾迴路與醉鄉蹉

六和二首

那復熏衣事早朝杖藜時赴野人招
謀身不善交韓呂度世惟堪訪賀喬
杖有百錢尋酒垞家無一物止詩歌
君看莘渭三王佐何似夷齊萬世標
生怕將軍手浣靴安能柔軟舞靈和
艱虞夷甫方謀窟老懶堯夫少出窩
時事索棋如許急春愁抽繭未為多
終南一徑非常捷自是吾徒問路蹉

別張李

昔謁西山過里中談兵論易氣如虹
若非遇彼負苓者必是傳于墜履翁
翁至竟白袍無諂屈何曾黃策有英雄
秋風定訪蒙齋否為說馮唐老更窮

挽淮東丘升撫幹

子美曼卿流遠携書劍游惜攀丹桂晚
勇赴白檀秋尚喜前籌壯聊紓左社憂
時危奇士天無淚可供愁

五月旦日雞鳴夢袖疏墀下先君問言何事答曰猶素論也先君太息

稱善聞追班聲驚寤以詩識之

夢中候對殿東廂邂逅先親問答詳
確磨不能移素論曝芹終欲獻清光
觸屏訓誥生猶臭攀檻傳名死亦香
君父臨之安所避凌晨起坐涕淋浪
劉安世確搗磨磨止說元祐是

和張使君一首

里巷傳呼府座來柴門草戶亦榮哉相忘金鯽忽然躍慣見白鷗渾不猜墨客
堵牆觀落筆花神步水出行杯定知入奉吾丘計萬一君王訪草萊

題趙別駕委齋

乍看華扁費尋思徐叩微言極坦夷無可奈何安命者吾非惡此欲逃之萬羊
賦祿渠前定二鳥蒙恩彼一時搥被委齋參透了不求符竹止求祠

次張使君韻

欲架茅堂久不成蕭然身世托專城日無車轄非常靜月有食錢未是清髡首
向來輪白髮短衣老去斲黃精絕憐不及梁間燕歲新歲巢巧自營

讀印報二首

並驅華轍適通達中路安知判兩岐邪等惟余尤甚者好官非汝孰為之累臣
放逐無還理陛下英明有寤時聞向蕭山呼渡急想追前事亦顰眉

瑤編對秉初修筆粉署同携夜直衾虎既蒙皮甘搏噬鶴因瘡羽久呻吟盡歸
一網機猶淺橫說三網害最深想到鄧山多暇日軻書毋惜細研尋

自和二首

橫身久塞楊朱路灑泣俄悲墨子岐陋矣射鉤而中者壯哉鳴鼓以攻之侍讀
自無遷府分梅詢晚年指其旦曰是中丞還有儆艇時舒亶去國八風舞罷君

思歇贏得閒愁上兩眉

貴豪渠已重金帶貧病懷猶舊布衾鍾阜解仇無宿憾荆公與呂荆江感事有
新吟山谷有荆江書事早知餘耳交難保晚覺玉何罪未深白首還鄉應閉戶

斷無保社肯追尋

和王實之讀印報四首

祝鮀非是佞莒僕未為凶鬼谷縱橫舌終南詭秘蹤斷無麟在數獨有鼠穿墉
千古誰倚匹依稀似敬宗

穿鑿彊揮塵跳梁勇執弓矯誣天亦怒驅逐國為空笑裏刀常有盟邊甲已衷
拾遺端可拜誅佞筆生風張萬福拜拾遺王仲舒等於延英門下

外觀殊偉岸內稟極愴柔欲取漢清議盡投唐濁流鬼車鳴甚惡猛虎死方羞
芳臭須臾判哀哉不善謀

一枰初駭聽雙淚漫求哀極口誣賢者甘心譽彼哉其人嘗引早知豺不食安
用鴿為媒試問高陽里迎車幾兩來

再和四首

狐鳴工作崇鴉噪每為凶魯觀初尸罪丘門永削蹤謀身真有窟鑿趾欲無墉
鑿墉之趾力擊延齡去堂堂伯亢宗

舊知偏下石遠避亦傷弓留落周南衆蕭條冀北空萬言徒飾詐雙淚却由衷

王績何曾醉劉黃本不風

啞人伴虺毒害物比猫柔李義府柔而清議姑驅逐寬恩未放流劍誅張禹佞扇障褚淵羞諫筆非私忿倦倦為國謀

伏閣何其壯登舟得許哀人多稱快者上豈少恩哉惡草毋留種天桃不待媒
九重方遠佞寧放鄭詹來

挽李卿儔老二首

苦說兵財少臣非怯塞垣上思前語驗人歎左遷寬老大雲中守風寒國北門
故交頭白盡空為賦招魂

人物今衰少惟戾勇智兼悲風起閔塞斜日薄崐崙老子無從涕諸賢不及髯
知心惟蜀李應為發幽潛

後村居士集卷第十一

後村居士集卷第十二

詩

洛陽橋三首

周時宮室漢時城廢址遺基剝已平乍見橋名驚老眼南州安得有西京
羸氏曾驅六合人蔡侯只用一州民立犀豈不賢川守鞭石何須役海神
面跨虛空趾沒潮長鯨吹浪莫漂搖向來徒病川難涉今日方知海可橋

泉州南郭二首

閩人務本亦知書若不耕樵必業儒惟有桐城南郭外朝為原憲莫陶朱
海賈歸來富不貲以身殉貨絕堪悲似聞近日雞林相稔博黃金不博詩

同安

城不能高甫及肩臨風搔首一懷賢當時矮屋今存否曾着文公住四年

龍溪道中

曠土茫茫無主名朱門惟恐藉分明老農猶記淳熙事太息文公志未行

木綿鋪

庵遠人稀行未休風煙絕不類中州何須更問明朝路終出南門極目愁

靈著祠

甘寧閑羽至今傳名將為神自古然生不封侯三萬戶死猶廟食數千年

韓祠三首

柳祠韓廟雙碑在孔思周情萬古新不信二公俱絕筆別無詩可送迎神
一宵醜類徙南溟靡待仙官勅六丁宗閔與紳室並世可憐不似鱣魚靈
萊相竹今供戍卒武侯柏亦付胡兒南來獨有昌黎木神物千年尚護持
留衣庵

潮惠道中

老子今年五十三諸方參了又重參誰能遠禮文殊佛且訪顛師海上庵
春深絕不見妍華極目黃茅際白沙幾樹半天紅似染居人云是木綿花

循梅路口四首

賴客紛紛露刃過斷無微吏敢譏訶身今自是牢盆長較爾能賢得幾何
導吏倉忙乞調兵未應機動遣鷗鷺傳聞老子單車至慚愧偷兒讓路行
鈔法如弓末愈張可堪於此更求詳秬應新執牙籌者拾得研桑肘後方
三十年來邊宿兵大農無計飽連營元來有箇浮鹽策南渡諸賢未講明

白雲庵

太行以北海豐南我與梁公各有慙兒五十餘親八十可堪來宿白雲庵

叱馭庵

所立未如温太真詎宜跣步暫忘親乃知峻坂驅車者有愧高堂扇枕人

將至海豐

漢鹽舊俗慣恬熙兵火新民脫亂離石路樹陰三十里今猶髣髴太平時

東坡故居二首

嘉祐寺荒誰與葺合江樓是復疑非已為韓子騎驎去不見蘓仙化鶴歸
惠州刺史是新差定武端明落舊階盡遣秦郎晁子去只携周易魯論來

豐湖三首

岷峨一老古來少杭穎二湖天下無帝恐先生晚牢落南遷猶得管豐湖
小米侍即生較晚龍眠居士遠難呼不知若箇丹青手能寫微瀾玉塔圖
作橋聊結衆生緣不計全家落瘴煙內翰翻身脫犀帶黃門勸婦助金錢

羅湖八首

平生不作賈胡留怪底江邊未發舟瀧更不須前白事更忙定要看羅浮
中州無地堪投足垂老携家泛瘴江不愛朱丹畫車轂且貪紫翠入船牕
歲晚南游訪稚川苔封丹竈尚依然不知的在山中否萬一歸來說內篇
頽水箕山未脫然直須斷盡世間緣野人曾被朱韜浣不作天仙作地仙
異境微茫在半霄仙人垂手下相招老來尚有君親念未敢相陪過鐵橋
衡嶽仙都迹已陳雲臺玉局勅猶新暮年擬乞冲虛觀長向山中祝聖人
浪迹人間狀似顛草書壁上筆如椽吾評二士皆奇怪未是真仙亦鬼仙

王蟾字併懷黃天谷

五更海底湧金輪咫尺蓬萊不遠人欲和蘓詩臨絕頂可憐漢節尚隨身

扶胥三首

一陣東風掃壘霾天容海色豁然開何須更網珊瑚樹祇讀韓碑也合來
賜谷扶桑指顧間馮夷得報平安為言博望乘槎至莫作師襄擊磬看
前祭京師奉祝詞尊嚴不比百神祠臺家今歲籌邊急黃帕封香已過時

兼鮑一首

鬻策飛舄瘴海瀕扇遮不斷庾公塵而今更遣蕪琛節羞寫水街寄故人

兼諸司二首

白頭忽有印纍纍符牒如山退食遲但見旋添庭下事不知頓減集中詩
只是從前踈拙身而今結駟昔懸鵝伯鸞老去無遺恨獨憶同操井曰人

唐子西故居二首

一州兩遷客無地頓奇材方送端明去還迎博士來
無盡頗縱橫晚方攻蔡京猶稱賢宰相應為客先生

風旛堂二首

告子早不動先師四十餘乃知虛行者暗合秀才書
夜夜各跌坐朝朝同打齋不知那箇子曾夢祖師來

羊城使者廟

山川殊壯麗井邑亦繁雄獨有羊城廟蕭然瓦礫中

江南五首

已報行營入猶夸僭壘堅何曾陵谷變但見市朝遷
銀也駭孺子井蛙徒自尊如何南武帝面縛向夷門
具艦逃安往焚巢潰不支區區一州力不足辱王師
宣勸猶疑鳩寵顏笑引觴絡鞍奉明主執珽長降王
身是假皇帝國由內太師偽朝舊宮殿歷歷有遺基

即事十首

香火萬家市煙花二月時居人空巷出去賽海神祠
東廟小兒隊南風大賈舟不知今廣市何似古揚州
俗情重蒲飲故事按舟師莫倚無山越閑將作水嬉
占斷百花白摘來三伏涼着身素馨國首令未為香
瓜果踞拳祝喉羅撲賣聲粵人重巧夕燈火到天明
名荔絕甘冷與蒲爭長雄不逢蔡公譜埋沒瘴煙中
吾生分裂後不到舊京游空作樊樓夢安知在越樓
突薪初不戒鯁在始言功累質為墻壁前人智人工

復閱無雅操涉渭有遺音未可繩三尺檳榔當委禽
沐髮眼常晏濡脣飲不多誰云五瘴毒常備四時和

藥洲四首

非有干時策聊為避地謀昔人補勾漏老子管仙湖
從民如犬馬國破作降俘往往湖中石宣和良嶽無
怪怪奇奇石誰能辨醜妍莫教贊皇見定輦入平泉
觀寺臨湖上亭臺出柳間都忘來五嶺將謂在孤山

登城五首

尉佗故秦吏堪執節戾鞭箕踞問使者吾方帝孰賢
已作南夷長那為北面臣未忘真定冢畢竟是華人
漢人稱勁粵累世不加兵狂卒纜三百如何便絕城
漫費人蒸土常如物潰隄傍疑為息壤下恐有蟠泥

州治後

城南

瀕江多海物比屋盡閩人四野方多壘三閭欲卜鄰

題蕭令山則文編二首

繭紙銀鈞寫一通殷勤投贈愧空空轍環晚乃交吾子相載天將富此翁著論

未容符獨步操琴欲與愈爭雄兒童錯認眉間喜疑有珠犀滿篋中
咄咄人皆怪老夫奈何此客去難呼招温處士為羅否待穆先生設醴無我有
青芻堪秣馬君言白髮久占烏人生蟬冕腰金印未抵斑衣膝下娛

題唐察院詩卷二首

細讀公詩屢絕編心知妙處口難傳言言箴儆堪垂世歷歷行藏自譜年但覺
朱絃餘倡歎不煩玉斧更雕鐫小儒可是通身膽擬為坡仙注大全
不見林夫與子方坦翁健筆亦堂堂孝誠親有終身慕忠愛君無一飯忘銘坐
六章章作佩入臺五字鐵為腸未應徑欲投吟社諫草長留御榻旁

次黃殿講鳴珮亭

誰引扶胥水入城循除終日愛琮琤天風何許珮環響秋色自然竿籟聲盡洗
珠犀寧受澆少留琴鶴未須行它年父老傳都漕名與濂翁一樣清

廣州勸駕一首

庚子權郡

番禺文物於今盛閩浙彬彬未足夸丞相宅曾住南郭鼎魁坊止在東家好陳
董子三篇策莫看唐人一日花珍重詔書相勉意士先器識後詞華

廣州都試

時攝帥

自昔番禺統府雄君恩暫許領元戎不羞短髮垂肩白且愛前旌照眼紅筆久
不靈妨草檄脣新無力法開弓即今超距多臬俊安用輜車載此翁

燈夕二首呈劉帥

士女如雲服珥鮮暫陪獵較亦欣然清於坡老游杭市儉似垂崖在劍川使指
何功煩卜夜遊頭此念可通天粵人擁道千層看不見戎鞍三十年
陌上游人趁筦絃豈知君相尚籌邊細聽野老交談處猶記兵端未動前草市
收燈如許早端門瞻蹕定何年書生晚抱憂時志歸畫殘灰理舊編

次韻二首併呈倉使

晚霧徐收月色鮮承平物態尚依然斷無颯母起吹海應有蚌胎還媚川遠俗
熙恬猶樂土孤臣流落謾憂天夜歸聽得輿人語且願新年勝舊年
歸念常如危柱絃春來夢繞白雲邊不知新雪添頭上但見繁星滿目前即事
有詩聊記節救時無策但祈年二公語妙堪傳遠嚴杜何因可共編

余哭蟾子潮士鍾大鳴有詩相寬次韻

愁眉暫展賴君詩欲以先知覺後知歷引竺乾寬此老未甘羸博空吾兒寄阿
蘭若俄經昔耐短松岡會有期欲訪巫咸何處在憂來自向理中推

再和

彭聃俱未離乎死况汝孩提未有知自昔丈夫憐少子即今王母惜孫兒探環
尚記曾游處建鼓應無再見期三紀七揮兒女淚孰尸壽夭莽難推

蒲澗寺

齊人陳跡此流傳班史蕪詩豈必然故老皆言家即寺癡兒誤入海求仙莫將
劉項分羹鼎來泥巢由洗耳泉欲採菖蒲無覓處且隨簫鼓樂新年

越臺

南帝當年此築臺稱雄亦豈偶然哉謾通異國求陽燧不道偷兒飲漆杯能使
越人存舊跡始知秦更有奇才秭今黃屋歸何處但見牛羊夕下來

次韻劉帥出郊一首

競逐朱韞載酒行熙熙物態與人情浴沂我欲尋儒服涉渭公方厭鄭聲試問
冶容遊夜市何如赤脚儘春耕故山瓜圃應無恙老去深知愧邵平

次韻李倉春游一首

秋馬從今漸可行林鳩未好便呼晴敢云使者乘輅傳聊為君王式耦耕有一
日留夏職曠無三宿戀覺身輕此生不復持高論願友臺終與尚平

挽崔丞相三首

先帝謀元帥煩公護蜀淮軍皆歌范老民各像垂崖北顧猶闕慮西歸已卷懷
早令扶日月寧不掃氛霾
麻卷揚庭久蒲輪就道遲虛傳楊綰用不奈蔡謨辭柱從渠誚推梁得許悲
流傳千載下猶足勵清規

昔侍瓊花宴回頭二紀餘嵇康作書懶魏勃掃門疎尚意開黃閣安知尾素車

蕭然旋馬第人指相君居

陸賈二首

田橫死士今亡矣陳豨從軍安在哉獨有尉佗尚黃屋故應兩費陸生來
鄧烹未久蒯幾烹陸子優游享令名南帝稱臣橐金返更推餘智教陳平

浴日亭一首

歸客飄然一葉身尚能飛屐陟嶙峋危亭下瞰嶠夷宅積水上通河漢津叱馭
為臣前有志乘桴從我更無人暮年筆力全衰退甘與韓蘄作後塵

又追和坡韻一首

亭傍喬木拂雲天亭下高梳泊晚灣白是張騫曾泛水青疑徐福所求山羊城
隔霧愁回首鯨浸收風喜見顏却笑金烏并玉兔辛勤出沒雪濤間

白鶴故居

天稔中原禍朝分黨部爭當年誰宰相此地着先生故國難歸去新巢甫落成
如何鯨浸外更遣打包行

唐博士祠

博士位尤卑投名入黨碑今觀名世作多在諳官時太史沅湘筆儀曹永柳詩
新祠綿蕞爾未盡復遺基

六如亭

吳兒解記真娘墓杭俗猶存蕪小墳誰與惠州耆舊說可無抔土覆雲朝
再題六如亭 余既修廢墓立什碑或者未解此意明年北歸賦此解嘲

十五里沙

昔人喜說墜樓姬前輩尤高斷臂妃肯伴主君來過嶺不妨扶起六如碑

道中讀字若題壁有感用其韻

只見如山白浪飛更堪動地黑風吹渺茫直際九州外洶湧常如八月時河伯
豈能窮海若靈昏僅可嚇吳兒惜無散髮騎鯨友共了南游一段奇

後村居士集卷第十二

淮雪江風裂面寒往來萬里一征鞍三千客謾曾彈鋏十九人誰肯捧盤自古
英才多頓挫只今世運尚艱難空餘敗壁龍蛇字黃鶴高飛不復還

後村居士集卷第十三

送項使君季約二首

世有凝香樂君侯搃未知清齋燈火夕閉閣荔支時郡小留難住民愚去始思

詩

後村居士集卷第十三

兩年案頭筆一字不容私
但見兩眉顰何曾一饌珍節如僧更苦家比郡尤貧琴鶴均為贅尊鱸頗切身
蕩山有來雁莫惜寄聲頻

送王梅州二首

州境與潮鄰徐行止泱旬瘴鄉均一氣鹽子亦吾民日晏煙嵐斂兵餘戶口貧
定將田里事閉閣細條陳
禍始自三槍苗猶被一方帝將安渤海君肯薄淮陽老手何憂斷新眉尚費粧
漢庭褒郡最蚤晚入為郎

癸卯上元即席次楊使君韻二首

初陽收久雨淳祐第三春聊與眾行樂稍欣農食新俱蒙青帝力莫問紫姑神
座上遨頭作流傳遍郡人
縱觀姑游目殷憂欲碎心馬嘶淮浸惡鷓叫蜀冤深玉座方停箸椒塗亦脫簪
好為諫臣論莫作醉翁吟

辛卯春日

甫報弓旌召俄聞彈射攻匹如飲甘露諸不能受人惡言如飲甘露者又似斬
不名為有力大人語見佛書
春風雲夢吞伊輩須彌納箇中故山多芋栗不必問狙公
挽林煥章二首

昔在端平際臨朝想老成但聞轅固召不見伏生行霜柏無寒暑朝華有悴榮
由來天所靳上壽與高名
束帛徵諸老深衣立一儒鄉人偕獵較童子共風雪屑屑羞來徃兢兢追舉扶
自慙衰竭久書墓覺詞無

送趙阜主簿

罷稅無兼局蕭然古僻寒士稱為善類民說是清官力薄難推轂身輕易起單
竹林逢大阮試為問平安

挽游勉之侍郎二首

不假黃金貴居然比玉溫諸公從上雍一老立東門伯氏推難弟先師有嫡孫
耆英凋落盡舊事向誰論
昔在高陽里曾登夫子堂武城愧言偃畏壘化庚桑病臂書全闕驚心鑑忽亡
平生芻一束道遠不能將

挽唐伯玉常卿二首

身自無安處昇州更廣州逐教子方去死到了翁休鳳至虞廷喜麟亡魯野愁
憂時兼悼友白却九分頭
久欲携尊卿呻吟去未能甫封陶母墓俄弔董生陵言立何曾死騷招更不應
那須論惜草身盡淚方冰

送居厚弟堂稟二首

俱被先華遣同歸寂寞濱吾突因抱槩子咎在埋輪記憶煩明主招徠到遠臣
要須留晚節他日白先人
怕與親朋別那堪送子行天威難俟駕秋暑勿貪程若見知名士為言不慧兄
孤危托君相耕釣畢殘生

居厚不果行次韻二首

物色來林下安排起海濱居然蒙錦井幸未駕蒲輪非我瑕疵女云誰毀譽臣
只愁從此去未易致虞人
祖帳方消吉公車已尼行若非露消息未免迫期程水菽姑娛母茅柴且酌兄
未應天祿閣便欠一更生

聞居厚得祠復次韻二首

諸賢談稷下孤士卧漳濱母亦為投杼兒宜勿斷輪無書留逐客有些弔繫臣
一室終容榻笑煩問疾人
穉欣公議白又報噴言行上漫招東馬人方駁李程迎來新觀主伴取老師兄
漢士方雲合何須魯兩生
贈蜀士盧石受二首
蜀郡盧夫子沉冥不偶時幽深病梨賦奇怪磔墓詩古有巖并李今無曠與夔

何當短檠下歷歷叩犀疑
井絡纏兵慘瞿塘下棹輕命寧一錢直腹載五車行始覽無諸跡休聽望帝聲
世無韓十八誰識玉川生

送陳震之官連州

郡接湖南境孤城若箇邊茹寮愁問宿峽石善驚舡官小無迎吏詩工有續編
古人高妙處不過覽山川

挽林承奉

性與冊書合平生寶儉慈鹿門妻采藥蟾窟子攀枝君可先賢傳吾慙幼婦碑
衰年窘才思呵凍課哀詩

挽姚漕貴叔

昔建經離亂煩公出拊循魯宮恢故宇蔡卒即吾人蒼茫何傷我甘棠尚在民
悲哉元日召當宁記名臣

挽開國陳寺丞二首

昨御祥琴後多傳吉語通虛令占列宿不料奏悲風華表孫從祖生芻壻吊翁
九原一無憾金壁見先公
伯也不可作叔兮猶典刑公車玉堂薦書室鶴山銘久上通侯印新營太祝廳
衰年親舊少吟罷涕先零

挽王居之寺丞二首

元老登庸晚同年召用初惜哉武公耄甚矣董生迂汾曲廬旋返平津閣寢跡
空令雙鬢白猶待兩輪朱
憶昔陪真率華居甫落成坐賓來墮憤侍女出彈箏無復吳趨曲空餘楚些聲
九泉見忠簡應問老門生

挽方彞貢士

秋賦曾賓送春卿偶脫遺羣嗟老境同隊記兒時終制從家禮高懷見墓碑
亦如陶處士自作誄兼詩

題永嘉黃仲炎文卷二首

書坊黃冊誘兒童朝取封侯夕拜公賈董奇材無地立歐蕪精鑿與人同安知
李薦麾門外不覺劉幾入教中早晚君王求極諫莫教豪傑泣途窮
龍泉筆絕文章熄此作居然可貴珍激處翻嫌董生緩新來却笑退之陳假令
覆醕無知者尚可藏山待後人外物區區均糞土祝君愛取不貲身

和吳教授投贈二首

三徑荒涼手自開旋移花竹剪蒿萊休休豈不綠迂情屑屑何為費往來明主
秬今蒐墜典故人大半客翹材索臣方卧漳濱疾錯夢釣天聰樂迴
衮衮登瀛更上坡且容老子釣煙波鳳麟自合呈祥瑞鳧雁何曾繫少多時有

耦耕人共語亦無問字客相過倒囊欲答驪珠贈奈此家徒四壁何

和張簡簿尉韻

舊案依稀在柏臺寄聲杭本莫翻開騎驢導從西照挾羅爵門庭發客來務觀
可堪供史草補之不會作宮梅男兒盡建橫行策免使君王嘆乏材

用王去非侍郎韻二首送林元質提幹秩滿造朝併呈侍郎

成滿歸來薇亦剛策名不覺十年彊素無沂國三場志曾有西山一辦香晁董
未能免科舉孔顏方可語行藏要為天下奇男子寧論區區國與鄉
叔季滔滔未見剛每聞健論意差強向來曾劾燈籠錦老去聊凝畫戟香世運
橫流安所止聖朝未舍豈容藏幾回欲上鈴齋謁衰病無因可去鄉

送李用之察院赴潮州二首

烏府名臣暫擁麾霜稜聊復變春熙行人猶謂驄當避聖世初無難可移粵俗
相携看上日韓祠配食付他時極知不作周南滯禁闥須君補闕遺
昔在番禺帶筴時謫言不敢計從違固知國有三室患又欲民無再推譏翁裏
為生尤瘠薄牙籌所積恐纖微公卿文學方矛盾應待囊封決是非

賀王實之得第二子

臞翁活計未全迂老驥新生汗血駒攀桂肯輸郎罷否分梨還讓阿兄無應陳
俎豆為嬉戲想見詩書被抹塗報與厨人多釀酒王家例合有三珠

塗抹詩書如老鴉王

送方蒙仲赴省

童年背距已專場何况而今益老蒼天網恢然罩鸞鵠朝陽鳴矣羊蠅塘士誰
與賀爭同進眾亦推弘詣太常可惜祠官無氣力不能措笏誦阿房
書事二首 潘炳考亭門人陳均福公族子皆年七十餘而客死

謙之拂髮迎歸福平甫灰釘送返蒲空累兩家營後事借留四壁遺諸孤學徒
誰是單傳者史藁曾經乙覽無貧富皆當終牖下招魂何處有神巫
二士平生極好修單軌之外尚何求暮年更傍誰門戶故國寧無某水丘華萼
殊非愛曾子短衾白可覆黔婁小車處士差安穩十二行窩取次游

送葉士巖二首

曾約還轅訪爵羅幾迴掃榻佇經過待先生敬雖如此與老人期奈後何走馬
省花消許急殺雞為黍誤儂多吳中故舊還相問一臂偏枯兩鬢皤
向來參請徧諸方恍惚如癡亦似狂雪與膝平猶未退斤從鼻過了無傷拈花
弟子知誰悟撼樹羣兒不自量極欲為君露消息天寒日短話頭長

甲辰春日二首

買牛搜粟向蠻煙衰病安知璧偶全使者召歸曾四輩臣之得罪又三年柳劉
漏語誰云爾絳灌憐才定不然縱使有泉堪洗耳先生此媿若為滿

學問過時已悍堅文章垂老未精專董琴何患無賡載秋扇明知有棄捐舊讀
溫尋渾不記新吟鍛鍊久方圓此生幸不當詞翰免被人嘲上水船

題小室二首

已向深林卓小庵是中僅可着禪龕士師何止無三愠中散居然七不堪一去
重華那復得方當盛漢勿多談近來弟子俱行脚誰伴先生面壁參
阡陌東西山北南半生常帶散人街何曾雲夢散八九一任狙公芋四三閣上
大夫投欲死瘡間吏部寢方酣可憐子駿無家法下見先人面有慚

送表弟方時父

棄置空村飽世情高軒乃肯顧柴荆韓甥敢浩貧親戚李益盧綸外弟兄兩鬢
蕭疎驚老大一燈明滅話平生刺桐花下逢予季多致詩人未害清
葉桂發助教從李用之祕監于潮陽李持節使廣部葉辭歸福堂小詩

話別

賀監空多惜別情木綿花得似三荆打包便是參禪客垂索何須使鬼兄小郭
今寧無趙子四門古亦有歐生 歐陽詹為南轅不涉貪泉境歸去詩腸徹底清

寄題建陽馮氏晚香堂

自鉏空曠汲潺湲占斷清溪第幾灣傍九日開侵歲晏居于花殿覺天慳食英
飲露平生事遺臭流芳一念間菊不負君君負菊年年秋不在家山

贈施道州二首

施先生學有源流家自長安徙益州時昔建牙當一面秬今失國托諸戾身僑
嶽麓無生計日斷岷峨起暮愁聞道漢廷須黼黻蜀珍那得此淹留
明塵突過劍門關西顧於今尚未寬早晚相如通楚道蒼皇子美問長安拮据
自笑營巢拙杓鑿明知合轍難縱有望鄉樓百尺淡烟衰草莫凭欄

送楊彥極提刑二首

閩蜀相望萬里遙敢圖丰壘屈魁杓南州處士蒙殊禮魏府牙兵不更驕
伯如今安得結國人它日會思僑辦香垂去猶精禱果有甘霖溉旱苗
繡斧翩翩向福唐百城欽社避風霜夢迴桑下初何戀手植棠陰故未忘判筆
有神皆可錄抄書無數即行裝從今病吏牢扃戶莫望嚴公訪草堂

題陳霆詩卷

讀它人作多遺恨君似連城璧少瑕楮葉國工如許刻菖蒲靈物偶然花今無
摩詰携同宿後有荆公選百花不惜矮牕殘燭下與將朱筆擷菁華

夢方孚若二首

仙鬼微茫果是非不如遼鶴有歸期鑄成范蠡何嗟及繡作平原未必知歌扇
舞裊風雨散野田荒草古今悲可憐一覺寒窓夢猶記聯鞍出塞時
寤寐中原獨着鞭往來絕域幾餐糧封侯反出李蔡下成佛却居靈運先八百

里烹饗軍餉九千緡輦作碑錢秬今誰是田橫客回首荒坵一慨然

哭孫季蕃二首

歲晚湖山寄幅巾浩然不見西眉顰看花李益無同伴顧曲周郎有後身厚祿
殷勤營葬地隱君歡喜得吟鄰唐人題李白墳云誰移看來造物於君厚判斷

風光七十春

每歲簷花要主盟一生風月最閑情相君未識陳三面兒女多知柳七名自有
菊泉供祭享不消麥飯作清明老身獨殿諸人後吟罷無端雪涕橫

懷曾景建二首

造物生才自昔難此君天矯類龍鸞聖賢本柄藏椰子佛祖機鋒寓棘端時昔
諸人多北面暮年萬里着南冠傷心海內交游盡篋有遺書不忍看

曾有舂陵逐客篇流傳哀動紫陽仙安知太白長流處亦在重華野葬邊碎板
一如坡貶日蓋棺不見檜薨年誰云老眼枯無涕聞說臨川即泣然蔡季通貶
之云四海朱夫子微君獨典刑青雲伯夷傳白首太玄經有客憐孤憤無人問
獨醒瓊琴空鎖匣絲斷不堪聽悔翁喜之手書其詩君亦貶死道州異矣

內翰洪公舜俞哀詩二首

憶昔端平典冊新三麻九制筆如神內庭喚作真學士晚輩推為老舍人垂死
遺言尤苦口平生諫疎最嬰鱗建邺不作於潛死誰為君王說厚倫
回首揚州一夢餘故交已直玉堂廬寒暄未省通君實窮薄空煩誦子虛甚媿

丈人於南學孰云夫子不如回君除中舍殘年無復陪精論開闔平生幾幅書

送李漕用之二首

斜飛慶曆皇華遠提出熙寧使指新但記歐公更此職不知趙濟是何人為常
富公剡章徧及孤寒士奮筆先誅聚斂臣自歎暮年衰颯甚羨君老手獨埋輪
漢廷鹽鐵議交攻有詔姑惟舊法從聞道嶺南歌聖主一如河北感仁宗向舒
自是堪王佐桑孔安知富大農它日公歸奉清問可無鯁論贊烹封

答謝法曹

二詩簡澹掃穠華作者幾無以復加璧十五城方定價桃三千歲一開花選騷
意度卑唐體晋宋文章讓謝家莫道老夫今耄矣平章此事不應差

次王實之家整韻

新畝朱甍映碧岑高門誰識慶源深時郊已解傳家學石禮皆堪直禁林介甫
七葉文章真有種二即官職本無心庭前玉樹成陰未着手栽培昉自今王筠
有七葉之中名德重先爵位相繼人人有集如吾門者云未

喜湯伯紀登第

老覺人間無一忻怪來乾雀耳邊聞休喚窮鬼揶揄我絕喜春官摸索君疇昔
先生有高第即今後死與斯文不應也躍看花馬忘却江天樹與雲

三月二十一日泛舟十絕

少游款段何從借伯厚雞栖未易求看取後村翁簡徑百錢聊稅一漁舟
退之歲晚南溪上把釣聯詩得幾迴便與烏衣羣從約及身強健更頻來
向來平勃頗相知使粵歸來歲月移只以一篙為導從亦無劍馬可相隨
橋低水漲過船難旋拆船篷復旋安未免屈蟠篷底坐誰教君愛切雲冠
弟兄玉映更珠聯豈減元暉與惠連却笑漢人無具眼羨它李郭作神仙
眉洲峽隔雪濤中聞此山川髣髴同但是至人游息地邦人處處作離宮
雖沉璧馬計安施倏忽桑田變渺瀰說與神通君看取潮頭不到艮山祠
溪北溪南一雨通山村佳處便掀篷老身不怕無安處着在漁翁保社中
稚子呼牛婦饁耕早秧水足麥風清老農喜極還垂涕白首安知再太平
本朝耆舊數吾宗老監軒昂洛社中後五百年人定說過江復有戴花翁

三月二十五日飲方校書園十絕

終入中年會面難安知白首此團欒不妨時駕柴車出只作初騎竹馬看
伯兄乃漢司徒掾季子亦唐行秘書只願荆花常爛熳莫令瓜蔓稍稀疎
自古根深枝葉蕃百年喬木到今存只留諫草傳家世莫着輶車辱戶門裕彥
輶車給從弟焯焯大怒曰着此辱門戶

西舍鳴笳索賦詩東家拽石請書碑眼中除却壺山外多是新知少舊知
呼來不許望清光麾去奚堪作省郎莫是後身劉快活插花重入少年場

石室千年不復開庭花無語委蒼苔席開薦客惟枚叟白髮重將屐齒來
空留薜石仆斜陽不見奇章與贊皇何必雍門彈一曲蟬聲極意說淒涼
百年如電復如風昨日孩提今日翁乍可生前稱醉漢也勝死後謚愚公
早退分明勝一籌年行六十復何求東門瓜與南山豆誰道君恩薄故侯
後有良工識苦心今無善聽孰知音老來字字趨平易免被兒童議刻深

題江貫道山水十絕

野處有樓名萬幅平遠

世間平遠景萬幅在洪家晚至番君國方知不是夸
一棹微茫裏孤亭紫翠間恍疑涉彭蠡又似訪廬山
江險不容極禹功胡可忘向來小龍子袞冕食干羊
夾立朝羣玉濃粧列萬笄中州不敢頓拋在瘴雲西
茆山千萬疊不得見天全帆出扶胥口無山只有天
雪冒禹碑石雲埋泌草堂早知抱遺恨悔不扶乾糧
半夜黃天蕩樓船雪浪中當年草檄客今日負樵翁
大武求波處之初着鍊邊淮風晨裂面淮浪夜驚船
展卷嗟丘也東西南北人昔還行脚債今作卧游身
一匹好東絹天寒家未溫儘教兒拆繡閑管婦無禪
後村居士集卷第十三

後村居士集卷第十四

詩

雜咏一百首

長弘

宗周危可憫長叔死非難臣血三年碧臣心一寸丹
柳下惠

不怨窮并佚能安小與卑何須立奇節展季即吾師
樂毅

忿懣及韓馮荒唐入郢鞭樂生端可拜寧死不謀燕
屈原

芋姓且為虜纍臣安所逃不能抱祭器聊復著離騷
賈誼

寄聲謝絳灌勿致洛陽人歲晚治安策諄諄禮大臣
虞翻

孝廉已稱帝賓佐盡封侯不道投荒客交州白了頭
顏魯公

鬼質內持衡胡雛外握兵一朝臨白刃乞米老儒生

李白

幸自忤將軍那堪觸太真世無郭中令誰贖謫仙人

陸贄

飲食晚由竇門庭誰敢闕禁中無急詔不記奉天時

劉蕡

貂璫竊大柄韋布獻孤忠勝出惟風漢無名在選中

右十臣

尹伯奇

不愁兒足凍惟恐甘心傷所以子范子惟彈一履霜

宜曰

莫親于父子天性有時移竟以婦為厲空令傳作詩

申生

君父如天地雖逃安所之可憐共世子死不恨驪姬

曾子

親劬何以報子職貴乎勤梨本非難熟衣殊未易耘

伍尚

伍奢呼二子一至一奔馬逃父吾無取讎君亦未然

扶蘓

詔自沙丘至如何便釋兵君王令賜死公子不求生

東海王疆

聖經非拒父古誼有傳賢據以兵求勝疆能智自全

姜詩

晨興風色惡日晏汲婦遲寧與閨中訣莫令堂上飢

王祥

禮律通稱母寧分繼與親乃知履霜子絕似卧冰人

寧王

智出建成上賢於子糾多至今稱讓帝當日喚寧哥

右十子

伯夷

木主來西土檀車濟孟津只應千萬世瞻仰首陽人

嬰曰

賢矣兩家臣存孤極苦辛後來有曹馬亦是受遺人

王蠋

稷下空多士誰為國重輕列城七十二死者一書生

魯仲連

六國鈞南面甘為北面臣向微生一叱幾帝虎狼秦
豫子

龔勝

紛紛荆聶輩猶有利而為智氏已無後先生欲報誰
已設床臨牖何須綬着身遂令移鼎賊知愧飾巾人
陶淵明

甄濟

卜築堪容膝休官免折腰寧書處士卒不踐寄奴朝
唐德雖中否猶能愧畔臣盡驅汗賊者往拜詐暗人
何蕃

司空圖

城去曾聯疏宣收亦舉幡向令無太學安得有何蕃
節將飛颺去牙即賣再餘唐臣不負國惟有一尚書
右十節

許由

一聞堯禪後洗耳急歸休鄰叟嫌泉濁牽牛飲下流
沮溺

荷篠丈人

皇皇問津者藐藐耦耕人不識吾夫子寧非古逸民
客云自孔氏不覺喜逢迎止宿見二子執云無世情
接輿

四皓

上古聞巢父衰周有楚狂由來豪傑士不必待文王
去避坑焚禍來成羽翼功留戾不自語驅使紫芝翁
西生

巖光

尚恐公汗我何妨史失名深衣與短製同召不同行
幸自沉冥去無端物色求蓑衣亦堪釣何必被羊裘
梁鴻

龐公

肅宗漢明主猶惡五噫詩一旦拂衣去世人那得知
採藥棲遲穩燃其暮奪危景升不愛子却念德公兒
汾亭釣者

太公輔西伯嚴子客東京獨有汾亭者無人得姓名

右十隱

荀卿

歷歷非諸子駸駸及聖立乃知焚籍相亦自有源流

穆生

决去先生勇懷安二子慚向令猶在坐楚市赭衣三

伏生

偶脫驪山厄龍鍾九十餘誰知漢掌故傳得不全書

韓固

面折公孫子堂堂負直聲安知上前議那復有黃生

申公

縮減不自保強致老先生魯即今朝罷蒲輪昨日迎

兒寬

茂陵輕樸學寬對乃忻然口謾談三代書終說一篇

劉向

竊弓俱奮臂窺鼎迭磨牙同姓餘中壘昌言抑外家

周堪

舊德臣學淺晚召主恩深莫鑒蕭張否重來遂病瘖

鄭司農

新筭傳後學古訓發先儒不擬狂年少燈前罵老奴

王通

當時三晉地已有聖人生不曉河汾氏為隋策太平

右十儒

孟之反

弃甲爭先去收兵殿後回但云馬不進應自聖門來

曹沫

數戰數敗北軍非將畧疎收功一匕首安用讀兵書

廉頗

浪說三遺矢猶堪一據鞍君王不自試耳目信人難

李牧

說客為秦謀君王信郭開向令名將在兵得到叢臺

白起

太息臣無罪胡為伏劍銜悲哉四十萬軍不訴蒼蒼

蒙恬

後漢書卷十四

漢書卷十四

絕漢功雖大長城怨亦深但知傷地脉不悟失人心

魏尚

塞外傳烽急雲中調守難誰為帝言者白髮老郎官

李廣

飛將無時命庸奴有戰勳誰憐老衛尉身屬大將軍

馬援

土室不堪處其如瘴毒何莫年款段馬有愧少游多

劉琨

除却祖生外餘皆在下風老奴口耳小安得肖司空

右十勇

廣成子

不能戰涿鹿聊復隱崆峒揮手謝軒帝毋煩順下風

彭祖

活得如彭老憂愁八百春頻為哭殤叟屢作悼亾人

老子

了不見矜色眸然真德容先生新沐髮弟子歎猶龍

列子

肉身無羽翼那有許神通會得冷然意人人可御風

徐甲

白骨因誰活青牛與爾俱未鼎再生德更索積年逋

王子晉

宿有驂鸞約飄然遊碧霄不為君主宅却伴女吹簫

安期生

子羽徒扛鼎其如欠轉圜不能決王霸聊去作神仙

劉安

忽棄國中去疑為方外游早知守都廁何似莫仙休

梅福

忽去為吳卒深逃安漢公翻身天地外脫屣市朝中

孫思邈

藥品用昆虫遂虧全活功至今仙未得只在蜀山中

右十僊

瞿曇

世傳漢明帝始夢見金身曷不觀列子西方有聖人

維摩

後村集卷十

佛言

面色削爪黃眉毫覆雪長安知四天下只在一禪床

善財

放勛訪吾叔魯史問弘明所以此童子諸方亦遍參

達磨

直以心為佛西來說最高始知周孔外別自有英豪

盧能

明鏡偷神秀菩提犯卧輪更將舊衣鉢占斷不傳人

馬祖

若非大氣魄只是小機鋒老子一聲喝學人三日聾

德山

此老手中棒輕輕也有癡佛來與三十某甲莫須餐

支遁

若以色見我幾於貌夫人林公少鬚髮澄觀欠冠巾

澄公

值亂行何造隨緣住亦安能將石虎輩只作海鷗看

誌公

寺甲於江左身迎入禁中如何淨居殿餓殺老蕭公

右十釋

衛姜

俱著錦衣裳憑誰辨綠黃可憐君老矣賢嬖不賢姜

阿嬌

甫聞阿嬌進又報衛娘留莫倚金為屋重重只鎖愁

烏孫公主

玉座吞聲別羶車觸目悲如何漢公主去作虜闍氏

平后

歌已作佐命雄甘為大夫獨餘黃室主不肯面新都

辟司徒妻

倉皇問君父忠孝兩關心絕勝杞良婦惟知哭棠砧

冀缺妻

昔有二人貧耕田與負薪朱妻志求去卻婦敬如賓

黔婁妻

夫節獨高古婦賢傳至今既為加美謚復不用和衾

齊人妻

不敢怨夫子徒悲誤妾身安知同穴者乃是乃塋人

齊人妻

儒仲妻

彼雖飾容服吾穉業耕鋤不以貧慚富賢哉婦傲夫

廬江小吏妻

尊嫜有嚴命妾不獲從夫去去復回首諄諄別小姑

右十婦

召南媵

貴賤有定分勤勞無怨心若令逢呂武亦化作姜任

李夫人

恍惚疑如在纏綿愛未休明知已仙去猶欲出神求

馮昭儀

獸不能加官傾身障赭紅安知丁與傅他日鷲于熊

班婕妤

妾命薄如紙君恩冷似冰生當事長信死願奉延陵

蘇秦鄰妾

主命亦危矣媼謀真拙哉煩君賜妾杖嗔妾覆君杯

樊通德

粧束姑隨世風流亦動人等閑擁髻語千載尚如新

銅雀妓

誰謂曹瞞智回頭玉座空向來臺上妓盡入洛陽宮

房老

殘香猶在筭舊曲尚書展不及新歌舞樽前奉使君

綠珠

向來金谷友至此散如雲却是娉婷者樓前不負君

柳家婢

忽見牙郎態吁嗟悔失身不虞小婢子曾是柳家人

右十妾

後村居士集卷第十四

後村居士集卷第十五

詩

雜詠一百首

毛遂

兩國爭衡際諸君袖手觀羣然着珠履誰肯捧銅盤

荆軻

把袖謀幾售開圖計忽窮室遺千古恨不中祖龍宵

項羽

頓無英霸氣尚有婦人仁聞漢購吾首持符贈故人

陳勝

辛苦傭耕久飢寒謫戍餘竟令秦失鹿首為漢毆魚

博浪壯士

殿上俄流血沙中竟脫身乃知燕刺客有媿漢謀臣

朱家

貴不見渠面危曾活爾身奈何施一飯便責繫桑人

田橫

南面稱孤貴西京謁帝卑誰能如李密更望一台司

劇孟

向令從七國是自列陪臣太尉室稱賞非知劇孟人

孫策

魚服俄離網龍泉忽缺鉉却將江左業分付紫髯郎

周戴

戴昔劫名士周嘗暴里人少年一蕩子歲晚兩忠臣

右十豪

鬼谷子

遺書今羽化傳者匪真書此老縱橫祖儀秦得緒餘

二術

雖以賓師待幾於妾婦然不羞君割地謾對客談天

韓非

韓子流于慘聃書妙造微百年同一傳誰是復誰非

莊子

夸大帝傳由形容跖侮丘僅傳聃禦冠共載一虛舟

疾羸

白髮夷門老能興晉鄙師魏王備它盜曾不備如姬

范雎

不待精神契惟憑頰舌求莫年薦燕客差勝似穰侯

穰秦

常產常心論平生不謂然晚知穰季子佩印為無田

穰秦

田光

北面老先生人間事飽更不聞求樂氏但見薦荆卿

茅蕉

焦子如天膽秦王似屋嗔如何刀机上活得解衣人

蒯通

鄒生方橫死蒯徹亦陽狂設不逢劉李同趨一鼎湯

右十辯

墨程

墨子城無恙公輸械有窮要須能壁立未可恃梯攻

樗里子

石馬殘陵下金鳧出藏中誰云樗里智卜墓近秦宮

陳平

巧言愚冒頓厚賂解閼氏秘計言之醜剛云世莫知

龜錯

危晁知不免荆楚慮空長東市哀朝服西京號智囊

楊脩

老賊有肝鬲多為德祖窺誰令預籌事更與共觀碑

倉舒

全活啣鞍吏平章秤象船丕乎真有幸舒也竟無年

荀彧

殺身明逆順濡足救危亡未必荀文若甘為操子房

劉備

華容蘆荻裏一炬可無遺歎息劉玄德平生見事遲

杜預

征南滿腹智實似小兒癡漢水有涸日沉碑無出時

李衛公

肘後臣非靳胷中彼未純乃知兵妙處不可妄傳人

右十智

韓起

帶從內府頒枕出古陵間却笑韓宣子區區愛一環

富平侯

童作夫人紡藏錢百萬多不知三篋內還記舊書麼

董卓

虎視無強對鷓鴣張有篡心可憐臍裏燭不照塢中金

王戎

惜李常鑽核商財自執籌如何稽阮輩放入竹林游

石崇

金谷觴豪友珠樓擁艷姬南交來處悖東市悔何追

祖珽

左氏譏懷璧楊公却袖金安知機巧者藏得巨羅深

張說

玉檢匪頒隆珠簾餽遺通更揮諛墓筆飛讚死姚崇

元載

三千兩鍾乳八百斛胡椒不悟口中韞猶貪掌上腰

杜兼

沒有財遺臭生無善可傳向來堆白屋盡是窟郎錢

桑維翰

五季驕諸鎮終朝易十人使無孔方癖猶是晉名臣

右十貪

尹氏

聚斂并番梟今猶唾姓名國人深可畏尹氏更須平

太宰茹

西子宴姑蘇靈胥賜屬餒如何居上宰忠越不忠吳

呂不韋

豫建無長慮旁窺有敗心絕贏由呂相繼馬乃牛金

李斯

焚餘寧有藉坑後更無儒不解愚劉項翻令二世愚

公孫弘

極力排舒贖聯翩去不迴惟應刀筆吏時得到翹材

孔光

佞幸傳呼至師臣偃僕迎暮年靈壽杖幸自可扶行

李林甫

二相去留際中原治亂分異時馬上淚還灑曲江墳

盧杞

僭偽蟠宮闕忠賢血賊庭相君無喜愠面色只藍青

崔昌遐

本欲除閹腐安知召寇戎緇郎不為相朱賊得稱雄

馮道

...

坐閱數朝主竟為何代人漢官駁歷過更作虜師臣

右十愴

巷伯

哆侈何其甚憂傷只自知雖經夫子筆不廢寺人詩

梁丘據

國漸移田氏人誰悟景公牛山兩行淚據與寡人同

臧氏

嬖與賢分國賢踈嬖在旁未嘗無樂克其奈有臧倉

景監

但見顯朝久誰知媚竈動紛紛由嬖進非特一商君

趙高

歸自沙丘後因專定策功國中府令帝在望夷宮

曹騰

費亭侯在日亂已有萌芽養得螟蠕種猶能覆漢家

張讓

舉國排閻尹還鄉少弔賓太丘窮一束全活幾多人

高力士

五十年間事渾如曉夢餘三郎南內裏何況老家奴

仇士良

國老辭機密閹兒叩緒餘殷勤傳一訣莫遣上觀書

張承業

勅使為唐患唐獨有君晚知王自取悞教老監軍

右十嬖

神農

盡識後無毒明知堇有灾安知嘗試者百死百生來

素女

厥初賦形貌固已具陰陽素問無人讀流為采戰方

扁鵲

疾始於榮衛衰哉不豫謀貪生諱聞死天下幾桓庚

醫和

壽有可延理醫無不死方扁曾憂國髓和亦畏膏肓

李醯

自昔名高世皆由藝入神未應除扁鵲世人便無人

夏無且

秦法嚴堂陞秦兵遠殿廬如何危急際只有一無且
華陀

古來神異少天下妄庸多文帝能全意曹瞞竟殺陀
壺公

跳入無人見誰知有路通長房非點者草草出壺中
陶隱居

方差能腊腹學誤至漸襟幸有經文在休於注脚尋
韓伯休

女子乃知我明朝變姓名可憐逃不密猶迫詔書行
右十醫

巫咸
列書詫知死楚些說招魂尚莫窺壺子安能返屈原

史蘊
繇語幾於識流傳信有諸王何謾幸苦易自是占書

詹尹
魚腹累臣訣蛾眉衆女仇靈均空發問詹尹若為訓

季主
宋賈兩名士茫然立下風信知古賢聖多隱卜醫中

洛下閤
巧歷雖千歲先知一日差未能下筭子亦道是占家

嚴君平
賈卜本逃名下簾無市聲如何穹壤內知世有君平

京房
元帝何曾諭京生自此踈區區推卦氣欲撼石中書

管輅
平叔知幾語疑於易學通歲朝不相見隔日問三公

李淳風
逆知生女主預說覆唐宗誤殺五娘子安知在後宮

袁天綱
似有人推背相傳果是非請君看秘記若箇泄天機

右十卜
項橐

義理無窮盡雖立或未知老聃與項橐聖豈有常師

甘羅

函谷非無士登庸乳臭兒空令園綺輩頭白不逢時

外黃兒

子羽力扛鼎諸侯屈膝臣能從小兒語盡活一城人

終童

武帝有荒志終童無遠謀長纓自繫耳莫繫越王頭

童烏

擊蒙鑿帝竅疏等草玄經混沌死七日童烏夭九齡

荀陳

或作操謀主羣為丕上公暮年翻有愧膝上與車中

孔融

二穉吁何罪寃猶在史書老瞞渾忘却只記哭倉舒

通子

但愛梨并栗不傳琴與書乃翁莫惆悵它日舉籃輿

阿宜

牧有諄諄誨宜無赫赫聲假令如叔父一世得狂名

阿買

座上交游廣城南講讀餘如何萬金產只解八分書

右十穉

漆室女

舉國聽桓子呼天誅孔丘可憐倚楹女徒為魯君憂

東家女

神女登徒子微詞未必然感襄通一夢窺玉費三年

散花女

狡獪疑為幻姝妍復似魔殷勤把花去莫惱病維摩

緹縈

天子覽書悲肉刑無復施不惟嘉烈女亦自活神醫

曹娥

穹壤有時赦娥名萬古垂直從彤管筆便到色絲碑

阿承女

古人重言德初不論傾城切莫傷容鬢猶堪嫁孔明

戴良女

竹筍并練帔何妨托妾身若逢夫壻問向道乃翁貧

木蘭

出塞男兒勇還鄉女子身尚能吞北 斷不慕西鄰

投梭女

琴挑何曾動梭投未免慙女即循古禮元不解清談

靈照

首如飛蓬亂家賣漉離供老漢驚吾女禪機捷乃翁

右十女

後村居士集卷第十五

後村居士集卷第十六

詩

讀竹溪詩一首

不敢匆匆看晴意幾絕編參他少陵隨饒得奕秋先友願低頭拜師曾枕膝傳
已將牌印子牒過竹溪邊

甲辰書事二首

捷書猶濕謗書隨太息斯人得禍奇文舉舊曾稱一鷲退之亦自喜孤羆彼諛
因極身羅織吾意憐才力髮絲老去眼中神駿少諸君莫怪道林師

往昔曼卿曾奪救後來同甫竟成名草茅匹士謀身拙槐棘諸公議法平囚服
若為探禹穴明時定不血秦坑何當拜舞難竿了沽酒剗羊與壓鷲

再和

動而得謗亦名隨生子者來不必奇爾輩真堪丹豺虎君王安用獵熊羆人言
李白文如錦誰信盧能命若絲迴首世間機穽惡子婦閉戶有餘師
鵝袍再着姑行法雁塔重來定策名大尹前呵寬賈島相君十友訪州平故溪
舊有釣魚石平地今多陷馬坑不信天公囚兩鳥一鳴會遣百面鷲

三和

自古名高易毀隨誰令做儻更權奇心知吾友必中鵠眼見乃翁初夢罷所幸
解驂逢晏子不須結客報袁絲古人進德多因此公冶臺卿即汝師
同進多為贊訟屈薄徒苦與賀爭名從教雪犬吠所怪肯學秋蟲鳴不平沙虱
伺人陰發矢蝦蟇欲客化為坑玉川答蝦蟇云我相相逢莫說當時事說着當時
尚失鷲

四和

一橐蕭然五鬼隨竟緣名盛與文奇可曾天下無麟鳳何必山中有虎羆蜂虿
尾猶如許毒蜘蛛腹得幾多絲聖賢不校吾家法車及蒲駮豈足師
誰謂斯文無定價獨憐之子坐虛名主司頭與筆俱點宰物心如秤樣平駿馬

卻還國西域病鴨墮落屋東坑老夫謝絕人間事亦為諸賢喜且驚

五和

出門機穽已相隨竟放靈均逐伯奇始者鷲膚微似蚋俄然擇肉及於羆韓詩
于熊羆肯顧鬼與狸不言快箭穿楊葉却訝長松托兔絲敗壞人材由利祿乃知曾點勝
顯師

少日父兄夸俊聲後來場屋擅文名錦囊久矣憎長吉玉枕幾於殺阿平王敦殺
平子先取其怪底鷗羣及魚隊化為虎落與蛇坑可憐彩翠矜毛羽顧影無言只自驚

六和

對策南宮恥詭隨聊攄腹憤發膏奇並驅何異牛同驥獨步方知虎畏羆罰汝
業儒磨鐵硯輸宅擁妓寫烏絲區區夢裏爭蕉鹿笑殺傍人與士師
范老登科猶別姓余公應舉亦更名人心何止矛敢險世道於今砥似平到了
赭衣同適市知他白梲欲誰坑鍾會作大坑白梲欲殺雲端別有冥冥翼不受
虛弦浪箭驚

七和

妙年文價重和隨不料東家產此奇謬者紛紛傳有虎詞人往往讓於羆探囊
已足三年艾補衮那無五色絲聞說下邳王翰了長卿安敢出偏師
南宮放榜已蜚英北闕傳臚却漏名潛救八人文最敏溫飛盡歸一網氣難平

白生作麼教持杵越石羊些已見坑王愷欲坑莫倚晴天頻吐綬兒童見了又
須驚

八和

點兒陰挾彈丸隨發巧懸知中必奇蠅本至微求附驥猶可畏况生羆李義
山詩封狼生羆羆生羆烘燁似蟲羆藏絮纏縛如蠶自吐絲玉汝于成賴渠輩何須挾策遠
從師

九和

早知抱璞煩三獻底用操觚角一名歸去驢堪馱子美向來羊尚記初平里居
僅有單歌卷壁立元無鼓鑄坑說與添丁并德曜從今熟寢不須驚

十和

羆兒孰肯比肩隨翻水成文出愈奇人欲関弓戍后羿天寧飛箭中王羆愛材
不忍淹叢棘去惡真如斬亂絲珍重阿蒙宜努力此生不可負君師
貫索星明方用事金花帖至枉標名朝無左右空鄉子家有嬋媛詈屈平忍使
衣冠同坐錮未聞逢掖自相坑還鄉何止交游絕鷗鳥逢渠也自驚

一夫倡禍翕然隨白晝通都作崇奇割肉直將人餒虎聞聲能感類求羆忽傳
先輩逢清雪失喜衰翁有黑絲自古英材須樂育謂予不信質先師
盛德能容人有技枝心尤忌士知名訓孤聲厲憎韓子鸚鵡才高累補平斑特

隱居幾負局塞鴻奴輩不煩坑客來林下温前語尚得山翁掩耳驚

送寶之倅廬陵二首

芻言當日偶然同白日家山各固窮海內僅存一畏友人間遂有兩愚公似聞黃閣登迂叟且向青原訪醉翁此士未應無着處栖栖十載六治中

君去江邊春色濃即花照席萬枝紅守分風月元非積吏白文書但托聾黃本何堪處秦觀白麻近已拜中公平時了却蘭臺史苦吟快閣中

送葉士龍歸林竹精舍

侍講開甥館三間不至奢少曾居北面老只住東家野笋庖尤美深衣袞未華何時尋舊路去謁玉川茶勉齋依文公以居雲叟勉齋高第也

題李耳南詩卷

君家兩詩人詩名滿天地大者扶宿醒入論金鑿事小者乘天風去草玉樓記却後五百年之子豈苗裔奈何不神仙亦復未富貴抱瑟諸公閉索米長安市

題安仁陳慧父詞卷

已著西山序集端欲添一字愧才慳平生行脚千詩裏歲晚營巢萬竹間後有揚雄寧不好世無孔子孰能刪歸舟他日溪邊過珍重先生莫掩關

夜讀樂平吳榮書鈔用與伯紀韻

病思羈懷少豫忻暮年猶幸友多聞千枝管秃因稽古一啜芹甘欲獻君明主

何曾輕樸學後儒大率讀今文藏山俟聖吾儕事何必時人好子雲

挽湯仲能二首

拔去真三秀分飛祗二難怕趨丞相熟寧忍后山寒 老徒書局徂徠不諫官如何令國奕白首局傍觀

訃至聳三日悲來贖百身太丘州里化伯起子孫貧零落歐門士消磨濮議人殷勤齋掬淚一洒素車塵

無題

主聖如天忍棄遺臣愚何地着孤危白虹貫日殆虛語中野履霜無怨辭寶玦已隨屍血浸鐵鞭未必鬼脣知莫年一寸丹心在却怪湘纍有許悲

十一月二日至紫極宮誦李白詩及坡谷和篇因念蘇李聽竹時各年

四十九予今五十九矣遂次其韻

翰林兩僊山偶來聽風竹蕭蕭玉干竿采采綠一掬少時負不羣中歲乃見獨嗟余長十年所至戀三宿徑當還笏歸奚俟揲著下夜即與僊耳老大費往復宜州殿其後路險車又覆山中採芝去舍下炊梁熟

答王侍郎和紫極宮詩

侍郎如蒼官歲寒友梅竹步行以當車瓢飲不如掬舊人存者少靈光巋然獨朝野推意新州閣敬齒宿嗟余詩學淺未敢窺衛下衛宏朱絃總一倡白圭費

三復共談端平事前局尚堪覆願言介眉壽江鄉秫田熟

答廬陵彭士先

昔牧昌黎州嘗負君詩債今使番君國又辱君訪逮稍訝顏髮非因感歲月過
君氣不情歸君詩有光怪乍觀祛目肯徐聽驚耳聵奈何行推敲不使坐履載
茫茫蠡津泉水之所匯投竿煮堪釣拔劍鯨可膾茲事要力量斯文極變態
吾方因詬簡君亦挑布袋人生并合難况復各老大

題弋陽方友民所藏紫巖西山二帖

摩挲妙墨憶微言故篋總餘二帖存往昔翁為紫巖客後來子及浦城門晚生
多說奉諸老它日誰堪見九原自歎西河索居者暮年歸夢遠田園

題方友民詩卷

刪定實惟曾大父文忠况是老先生力行所學斯無愧偶發於詩亦有聲合止
笙鏞成雅奏扶挑草木示微情嗟予公事君歸興不得相從細講明

答陳懋伯二首

乃翁良玉不勞攻之子天葩特地紅海道扁舟明日具江東尊酒幾時同上樓
誰伴老元德薦座今逢小孟公回首暮雲千里合有書何處托征鴻
聖處分明世鮮知古人豈是異肝脾謂鰲可釣無傳法視豈如輪有悟時老子
夢中還說夢即君詩外試求詩向來枉立埋腰雪妙在心通不在師

送王允恭隱居

一葉撐來江浪濶兼金却去客囊空都将歲月供甘寤不要功名上景鐘古有
禮羅招處士今無書幣起逋翁南陽祗在荊州北時一登高弔卧龍

送方時父

向來羞作繞枝飛劉表區區不足依索飯兒嗔即罷出畫眉人約藁砧歸食魚
底處容長缺射虎今方尚短衣老縛一官行未得羨君去采故山薇

題宋謙父四時佳致樓

吟者多矣率為環翠亭章下注脚惟張公元德兼取別詩佳興與人
同之句以互相發明余不識張公端平初同召審張辭不至余所愧
也故拙詩本張遺意

題宋謙父詩卷

四序推移景迭新二詩體認理尤親愛蓮亦既見君子看竹不須通主人領畧
春風來廣座分張月色過比隣端能着我西家店客戶何妨贊一民

佳山祠畔結茅茨猶記吹埴更和荒蕪氏舊稱小坡賦秦家晚重少章詩交游

一老今華髮疇昔諸昆今白眉子不可來吾欲去壁間塵榻拂何時

寄楊休文高士

未答前書每有慙忽收近訊自開緘繳回玉笥山人號換得金門羽客銜石鼎

聯詩塵滿硯竹宮應制草盈函可憐予與君俱錯投老方思卸戲衫

題倪上人詩卷

故交歲晚各西東解后斯人慰老窮莫把冠中况澄觀更添鬚髮惱林公強牽謝客為禪客閑伴涪翁作釣翁行矣余方有公事異時倘肯訪山中

題羅亨祖叢菊隱居

令君抱送當秋晚手種寒葩占斷清伯始厚顏貪飲水靈均滿腹飽餐英要頌晚節分香臭寧與朝華角悴榮父老方夸琴調古未應高興慕淵明

題餘干姚三錫書卷

頃傳湯序心傾挹茲得姚鈔手闔開朱子所疑非孔傳漢儒之罪甚秦灰時清縱未經筵台歲晚寧無掌故來攬轡遠臣慙力薄不能為國論遺材

挽李秀巖二首

耆舊凋零尚秀巖可堪華表揭新街甘泉頌就拋荷橐寶苑方收入枕函宿昔山人來少室暮年太史滯周南嗟余去速公歸晚不得埋腰立雪參

獲麟以後更休論化鶴而歸亦浪言過眼忽有遺老傳終身不及長公門山房

惜未從公擇書局聞曾擬道原今丞相游公嘗言秀巖欲以史局見辟六合茫茫千載遠些成無

路可招魂

追用南塘韻題尹剛中潛齋

幽士慕鱗潛通人笑蚶廉誑腸齏味美節腹筍生添諸老徒推轂先生且下簾

食惟陳簋二餽不費金兼和靖招延晚方齋仕進恬緒言傳粹密古調掃穠纖

紫氣來傍境靈氣告吉占因思眠雨艇得以曝晴簷無已游坡谷徂徠客彌淹

芻言輕一羽未必動巖瞻

追和南塘韻呈湯伯紀尹子潛

誅南浦了誅餘杭各掩新立若芥堂不見天球在東序競吹宮籥奏西涼後生

誰附青雲傳故吏唯餘白首即浩歎縹緲雙鳳遠老身如雁漫隨陽

題蔡炷主簿詩卷

詩作平生祟因而廢不為君豪類挑戰吾老怯交綏哨騎來無定網船發尚遲

日長無職事半是搵髭時

又七言

舊止四人為律體今通天下話頭行誰編宗派應添譜要續傳燈不記名放子

一頭嗟我老避君三舍與之平由來作者皆攻苦莫信人言七步成

題汪道士雲庵

觸石鱗膚寸垂天忽怒飛道人不出戶笑汝出還歸

次韻湯伯紀送別二首

尚在朝廷記憶中敢於父命擇西東獨憐家有百歲母可使人喚六十翁芝製

子能華歲晏專美吾亦感秋風書成藏向深山裏莫貴君王遣所忠
比似前杭傾蓋時更崇古雅點新奇久相衡泌寧非樂不倚門牆未易庖析理
自應重講席論文吾合監降旗撫絃欲奏成三歎何處而今有子期

餞送高大著出鎮嚴陵

抗流鳴陽易翻身出畫難無家歸蜀道有勅管嚴灘席藁臣言慙分茅聖度寬
空令同館士極目認帆竿

進經筵講禮記徹章詩

惟王建邦國以禮定乾坤大分嚴堂陞彌文及冠昏徐行非日遜亟拜不為煩
臣豈容私量人誰越短垣秦惟捐則覆魯以秉而存制備周京奠儀成漢帝尊
民彝何可泯經籍未嘗燬明主親臨決諸儒共講論裨謚漫求野戴聖自專門
汲學方垂範冊書盡塞源四篇殊建武百問陋開元會粹新編鉅芟夷聚訟繁
但辭羞狗曲小辨戒猩言舞蹈威顏近傳宣詔語溫昭回洒犧畫燕行洽堯尊
寶帶放藏府名駒出大宛棟持叨象版烹啜試龍園羈賤均螻蟻清華綴警鷄
諛聞慙倚席朽質謬乘軒佔畢無嘉頌將何報上恩

恭和御製禮記徹章詩

臣某恭惟皇帝陛下蹈堯稽古法禹惜陰臨政已二紀于茲典學靡一朝而
輟屬者禮經徹卷講集第勞錫御府之珍藏張鈞天之廣讌被以昭回之飾

洋洋雅正之音其在宮庭已踐成湯制心之訓及形翰墨不忘孔氏克己之
言皆上聖知行之所克非諸儒誦說之能贊臣猥從遠服甫侍細旃夫何螻
蟻之微忽覩龍鸞之妙非但詭殊榮於流輩又將傳至寶於子孫仰止明良
方賡喜哉之作退惟狂簡輒裁斐然之章謹昧死仰和聖製一首陳謝以聞
臣無任瞻天仰聖激切屏營之至

臨決遺經自聖衷固殊野與淹中五三典禮勤稽古十六星霜久積功倚席居
然慙寡淺登床安敢紊卑崇防民不在文為末端繫宮庭實踐克

丁未春五首

端平淳祐兩匆匆過眼光陰掣電同六十一翁無出理孤山長寄夢魂中
生死榮枯一付天誰能裸露自求全敢勤寄語袁司隸濫及無翬或可憐
道是生薑樹上生不應一世也隨聲暮年受用堯夫語莫與張程幾箇爭
屢批龍鱗眷未衰孤臣萬死負恩私玉階方寸從容語惟有天知與上知
朝領諸儒上木天夕同野老話茅椽何須支枕思殘夢宮錦漁蓑揔偶然

和鍾子鴻二首

匹雛欲投佞山難還救區區慕守官持虎自憐餘勇在狎鷗似責昔盟寒新麻
斷腕無容草墮甌回頭不更看老子平生差耐事肯于得喪置悲惟
清吟頗覺續貂難衙袖勤于發熱官怪子車輪行地遠愧予門戶似冰寒春梁

禮數呼兒具覆舊文章怕容看老去商歌聲滿屋孰云野處寂無權

題端溪王使君詩卷

社友凋零雅道窮使君於此信英雄性情所發無前無古騷選雖高不必同蚤日甫曾懷渭北莫年丘只在家東何時偃伯興文治盡採新吟獻法宮

疊前韻謝元邃

愈叩新新愈不窮小儒氣索敢爭雄安知太白心腸異但見曹公口鼻同顧我牢愁來澤畔放君獨步向江東南朝人云江東無我卿當獨步他時應制金鑾殿定有蛾眉妬入宮

三疊

文字無窮才有窮可能纖艷敵渾雄蚤知大將壇場峻晚作鄰翁保社同臣向警書曾殿北本傳石渠在未央殿北君公避世且墻東後漢避世墻東王君公男兒遇合由時命豈必詩名滿六宮

挽陳惠倅

昔預八仙飲深知七子才云何埋玉樹不復倒金壘錦製曾三試羅浮欠一來吾哀慙謀筆搔首寄餘哀

挽姚隋州直夫元泰之弟

太息龍川守專城美績傳方聞歌叔度俄有謗文淵舊府黃茅外新丘紫帽邊

二姚俱已矣懷昔一凄然

荔支盛熟四絕

繡行御國說兒童錦裏宮城擅長雄看取後村真富貴屋山丹繪半天中曾攀玉李青冥上亦摘蟠桃縹緲邊定是三生有靈骨諳婦猶作荔支仙牡丹姚魏荔方陳歐蔡亡來罕識真縱使有文堪續譜未知措法屬何人吳兒一夏甌生塵染藕炊菱不療貧安得風檣馳萬樹屬饜菜色覓腸人

石塘感舊十絕

浮空紫氣何須爾度世金丹豈有之函谷不煩閔尹出城南莫遣樹精知鹿門陳迹有餘哀猶記龐公返自崖行到當時相送處不知老淚自何來余往來甥館外舅未嘗相送惟戊子悼亡而歸送至延慶

沈郎院閉彩雲收寂寞秋花折樹頭留取斷絃來世續此生長抱百年愁比丘會泣別瞿曇秦失三號弔老聃自笑此翁非鐵漢白頭來此哭同參鬢邊雪映眼中花更閱人間幾歲華丁未老人開七袞尚携雞絮到君家光霽丰標今寂滅靈明根性詎消磨夜來一段佳風月不見堯夫只見窩三瑩相望一牛鳴來埽新松百感生季札旋封丘哭墓晉人謬謂聖忘情禪學年來亦自衰大叢林屬小閣梨寒翁菴子如蝸殼却有彌天釋住持中軍晚歲甥辭去左相今朝客不來看取少陵誠長老死生林下伴寒齋

久作遼天獨鶴飛鏡驚餘念尚依依荒山野水蘓溪路愁絕鯨魚影歸

九日登辟支巖過丁元暉給事墓及仲弟新阡二首

絕巖萬籟靜沉沉重倚闌干感慨深古佛龕中苔上面故交宰上樹成陰山無
白額妨幽討野有黃花且滿斟莫怪裴徊侵暮色老人能得幾登臨
歷歷向時游覽處重來年已迫桑榆大衾尚欲同林下華表安知忽路隅自古
曾悲摘瓜蔓即今不共掃茱萸人生患不高年爾到得年高萬感俱

題林璞經屬平寇錄

儻爾蜂窩起俄然鼠首梟果能歌競病不在事嫖姚瘴嶺收氛祲朝家賞爛焦
祝君深養勇稍北有天驕

季父習靜哀詩四首

閔浴源流遠乾淳輩行尊一葉常對卷貳篋亦開樽編素幾空卷玄練不及門
異時遺逸傳誰定訪丘園
憶在嬰兒日常依少父傍不嗔仲容小猶記阿宜長誨語祛蒙吝埋辭愧惰荒
從今有疑義無復叩山房
習靜先生子劉子新阡即此是標題便無華表翔雙鶴不有生舅藉隻雞在昔
陶潛書處士從他孟德揭征西原頭一慟閨倫紀始信彭殤未易齊
易學紛紛各著書獨于師說着功夫浩翁舊傳七分止印子先天一畫無不遺

耆英陪講讀空留章句授生徒即今黃策方施用姑可藏山待後儒

工部弟哀詩二首

忽然吹散恨難平六十年間老弟兄春草池塘生昨夢夜床風雨付來生歸謀
甫里田差晚去與端溪石共行部曲出門情態異不如籠鶴有哀聲
去歲書來欲解麾數行遺墨半傾欵斑衣不遂娛親志白髮因吟哭子詩讓棗
猶如前日事摘瓜空抱暮年悲情知衰淚無堪滴原上寒笳苦死吹

挽方德潤寶學三首

龔勝乘車晚陽城伏閣初自云臣語慙不是上恩踈黃壤全名節青編載諫書
始知年與德造物有乘除
憶被烏臺劾非傳偶同誓言拚萬死明詔赦孤忠全活皆英主淹留各秃翁
傷心古遺直不返瘴雲中
晚賜延和對言公去國深遂良垂白髮臣甫抱丹心馳驛無銀信移麾有玉音
遙知遺奏上未免動宸襟

挽方孺人一首 寶學之女

壺範經親授笄年詠好述謂迎荷索返豈料薜華休斷雁元方恨離鸞小宋愁
鄰翁億無力不及送原頭
陪諸先輩題名春臺曜軒即席次故相陳魏公韻某繼作

臺荒屋老閱人深拂拭留題重整襟科目一朝來券外姓名三世在碑陰公孫
晚歲叨明詔裘氏當年費苦吟報與曲江先輩道老婆非復少時心
遨頭唱首各高深才薄難披作賦襟已覺鶯花成一夢尚貪螢雪競分陰即今
空負臺萊意宿昔曾履殿閣吟北望鈞天搔白首區區終有祝堯心

答循倅潛赴

別後書稀夢亦稀忽傳尺素到柴扉不知天驥方徐步將謂雲鵬久怒飛向律
斬新過似舊姓名畧是復疑非長官仙去賓朋散存者依稀有杜微此友鄭君
宰君為主簿余始識君于縣齋

過季父新阡

父兄俱映漢藜青獨老空山聚凍螢生不肯扶靈壽杖死堪上應少微星向來
枕鄰傳師學末後懸棺合禮經惟有書房舊時月夜深得得照疎櫺

後村居士集卷第十六



後村居士集卷第十七

詩話上

故事經筵徹章宸翰賜講讀官詩率取前人絕句淳祐丙午講禮記畢錫宴秘
書省御製七言唐律一首云鰲極開先已降衷上天下澤禮居中三才義理維
持力萬世綱常建立功孔聖法言多纂輯漢儒師學共修崇經帷講徹資羣彥
克已功夫在廣克詩既雄渾而奎文絢爛行草適麗各為一體侍讀少師鄭公
以下拜賜者十有四人克莊與馬徹章賜御製自今上始

施罟濊濊鱸鮓發發葑茨揭揭庶姜蕤蕤庶士有揭鄭氏曰庶姜謂姪娣董氏
曰庶士謂媵臣毛氏曰蕤蕤盛飾余始悟屈原九章云魚鱗鱗兮媵予之意本
此

詩四言尤難以三百五篇在前故也章氏云誰謂華高企其齊而誰謂德難厲
其展而使經聖筆亦不能刪也

曹公短歌行末云山不厭高海不厭深周公吐哺天下歸心且孔融楊修俱斃
其手操之高深安在身為漢相而時人日以漢賊乃以周公自擬謬矣

魏文帝善哉行云人生如寄多憂何為今我不樂歲月如馳當操無恙植以才
倉舒以惠幾至奪嫡謂之多憂可也及受漢禪足快其所大欲矣帝既猜阻鮮
權而諸侯王就封者皆為典籤侵迫多見削奪其末命乃托國于狼顧之仲達

是帝之憂至死未已何時而可樂乎

曹植以蓋代之才它人猶愛之况於父子乎使其少加智巧奪嫡猶反手爾植素無此念深自歛退雖丁儀等坐誅辭不連植黃初之世數有貶削方且作詩責躬上表求自試兄不見察而不敢廢恭順之義卒以此自全可謂仁且智矣文中子曰至哉思王以天下讓真篤論也

贈白馬王彪云丈夫志四海萬里猶比鄰恩愛苟不虧在遠分日親何必同衾情然後展殷勤憂思成疾疾無乃兒女仁倉卒骨肉情能不懷苦辛末云離別永無會執手持何時王其愛玉體俱享黃髮期于時諸王凜凜不自保子建此時憂傷忼慨有不可勝言之悲詩中所謂蒼蠅間白黑諛巧令親疎蓋為灌均輩發終無一毫怨兄之意處人倫之變者當以為法

彰以驍勇覽植以文義全蓋丕所忌非文人也使蒼舒在却未必可存蒼舒天操謂丕輩曰我之不幸汝輩之幸也此語失父道矣豈所以愛蒼舒故陸機弔魏武文云曩以天下自負今以愛子托人其言甚可悲也

嵇康幽憤詩云性不忤物頻致怨憎按康傲鍾會不與語與山濤書自言薄周孔而非湯武其所忤也大矣子元子上見書自無可全之理况加以士季乎雖欲採薇散髮願性養壽豈可得也

四言自曹氏父子王仲宣陸士衡後惟陶公最高停雲榮木等篇殆突過建安

矣

五言見於書詩如元首叢脞哉胡為乎泥中之類非始于蘓李也武別陵云欲展清商曲念子不能歸又云願為雙黃鵠送子俱遠飛陵雖萬無還理武尚欲拔之曰歸漢忠厚之至也

康樂稱太傅為宗家子建稱孟德為家王皆自我作古嵇康以非湯武三字教身如韓亡子房奮秦帝魯連恥之句謂之反形已具可也康樂安得全乎然康樂若以改物為恥竊負而逃可也為淵明亦可也既仕宋乃欲為子房魯連于誼未有所安悲夫

阮嗣宗云寧與黃雀翔不隨黃鵠飛黃鵠游四海中路將安歸蓋歎時人之安于卑近而自傷其才大志廣無所稅駕非謂士之抗志甘為燕雀而已嵇阮齊名然勸進表叔夜決不肯作

文章正宗初萌芽西山先生以詩歌一門屬予編類且約以世教民彛為主如仙釋閨情宮怨之類皆勿取予取漢武帝秋風辭西山曰文中子亦以此辭為悔心之萌豈其然乎意不欲收其嚴如此然所謂携佳人兮不能忘之語蓋指公卿羣臣之扈從者似非為後宮設凡予所取而西山去之者太半又增入陶詩甚多如三謝之類多不入

詩至三謝如玉人之攻玉錦工之機錦極天下之工巧組麗而去建安黃初遠

陶公如天地間之有醴泉慶雲是惟無出出則為祥瑞且饒坡公一人和陶可也

潘岳云春榮誰不慕歲寒良獨希若能卻顧長慮者然身游金谷以賈謚石崇為托歲之地悲夫

謝康樂有擬鄴中詩八首江文通有擬雜體三十首名曰擬古往往奪真亦猶退之琴操真可以絃廟瑟子厚天對真可以答天問今人號為摹擬其作求其近似者少矣

贈盧諶詩前歷叙霸王之佐下云中夜撫枕歎思與教子游又云功業未及建夕陽忽西流時哉不我與去乎若雲浮昔蒯通讀樂毅之書而泣余於越石此詩亦然

前作有甚拙者劉越石云宣尼悲獲麟西狩泣孔丘兩句一事也阮嗣宗云多言馬所告繁辭苛詆誰兩句一意也然不以瑕掩瑜

宋少帝前溪曲云黃葛生爛熳誰能斲葛根寧斲嬌兒乳不斷即殷勤其才思乃在陳後主隋煬帝之上

魏文帝有見輓船士新婚別妻詩一首庶幾熠燿宵行蠨蛸在戶之遺意呂東萊馬嵬詩云錦襪千年恨皇輿萬里程寧知輓船士亦有別離情輓船士與馬

嵬不相涉而善用之如此

焦仲卿妻詩六朝人所作也木蘭詩唐人所作也樂府惟此二篇作叙事體有始有卒雖辭多質俚然有古意徐陵所序玉臺新詠十卷皆文選所棄餘也六朝人少全集雖賴此書畧見一二然賞好不出月露氣骨不脫脂粉雅人莊士見之廢卷昔坡公笑蕭統之陋以陵觀之愈陋于統如沈休文六憶之類其藝慢有甚于香奩花間者然則自國風楚辭而後故當繼以選詩不易之論也

唐初王楊沈宋擅名然不脫齊梁之體獨陳拾遺首唱高雅冲澹之音一掃六代之纖弱趨于黃初建安矣太白韋柳繼出皆自子昂發之如世人拘目見酣酒笑丹經莫備有瑤樹安得采其英如林居病時久水木澹孤清閑卧觀物化悠悠念羣生青春始萌達朱火已滿盈徂落方自此感慨何時平如務光讓天下商賈競刀錐已矣行采芝萬世同一時如吾愛鬼谷子青谿無垢氛囊括經

世道遺身在白雲舒可弥宇宙卷之不盈分豈徒山木壽空與麋鹿羣如臨岐泣世道天命良悠悠昔日殷王子玉馬遂朝周寶鼎淪伊穀瑤臺成古丘西山傷遺老東陵有故侯皆蟬蛻翰墨畦逕讀之使人有眼空四海神游八極之興

杜審言夜宴云酒中堪累月身外即浮雲登襄陽城云楚山橫地出漢水接天迴妾薄命云啼鳥驚殘夢飛花攪獨愁杜氏句法有自來矣

杜五言感時傷事如親朋無一字老病有孤舟如敢料安危體猶多老大臣如

不愁巴道路恐濕漢旌旗其用事琢對如須為下殿立不可好樓居如竟無宣
室召徒有茂陵求如魯衛彌尊重徐陳畧散亡八句之中着此一聯安得不獨
步千古若全集千四百篇無此等句為氣骨篇篇都做圓荷浮小葉細麥落輕
花道了則似近人詩矣

古人感知已之遇李布奏事彭越頭下減洪盧諶皆不以主公成敗而二其心
叔季所謂賓客方翁翁熱時則趨附恐後及時異事改則振臂而去至有射羿
者世傳嚴武欲殺子美殆未必然觀老親如宿昔部曲異平生之句極其凄愴
至位置武于八哀詩中忠厚藹然異于幕府少年今白髮之作矣李義山過舊府
有寄諸掾詩云莫憑無鬼論終負托孤心猶有門生故吏之情可以矯薄俗
唐人善形容人情物態杜公云已經十日竄荆棘困阨極矣然腰下寶玦青珊
瑚終不辭去何也義山云不枚金彈拋林外却憶銀床在井頭亦曲盡貴公子
之態態若貫休輩自拳五色毬進入他人宅却捉蒼頭奴玉鞭打一百之句拙
俚甚矣

太白古風云大雅久不作吾衰竟誰陳王風委蔓草戰國多荆榛龍虎相啖食
兵戈逮在秦正聲何微茫哀怨起騷人揚馬激頽波開流蕩無垠廢興雖萬變
憲章亦已淪此今古詩人斷案也黃河走東溟白日落西海逝川與流光飄忽
不相待春容捨我去秋髮已衰改人生非寒松年貌豈長在吾當乘雲騎吸景

駐光彩西上蓮花山迢迢見明星素手把芙蓉虛步躡太清俯視洛陽川茫茫
走胡兵流血塗野草豺狼盡冠纓此六十八首與陳拾遺感遇之作筆力相上
下唐諸人皆在下風

古人服善太白過黃鶴樓有眼前有景道不得崔顥題詩在上頭之句至金陵
遂為鳳皇臺詩以擬之今觀二詩真敵手棋也若他人必次顥韻或于詩版之
傍別着語矣

玉川子貧甚僧送米令割俸其家必無蓋藏一婢赤脚必無姝麗所訟惡少騎
屋下瞰未必盡然既為捕管惡少不以為德反謂處置未是它人處此必怒退
之乃異辭謝之為具招之玉川赴其約又先致雙鯉亦不之卻舊史稱退之性
崛強以玉川事觀之乃一委曲人也然其與憲宗爭佛骨與御史中丞李紳爭
臺參與王庭湊爭牛元翼與河南尹鄭相爭賣餅軍人則毅然不可奪崛強于
大節而委曲于羣碎此其所以為退之歟

李翱張籍皇甫湜皆韓門弟子翱妻又會女也故退之皆名呼之如云李翱觀
濤江又云籍湜輩然翱祭退之文乃稱為兄師弟子姑未論兄妻之諸父可乎
籍祭詩云而後之學者或號為韓張有抗衡之意湜作墓碑云公疾論湜曰死
能令我躬不隨世磨滅者惟子以為屬退之乃賴湜而傳耶近世推黃配蘓亦
類此

退之性喜玩侮如呂鑿山人之類固可侮揚之果侯喜諸生也乃况之果以柏
馬又借釣魚嘲喜曰舉竿引線忽有得一寸終分鱗與鬚虛全張藉之齒長矣
於盧則云先生抱材終大用宰相未許終不仕形容其迂濶不少貸於籍則云
君乃崑崙渠籍乃嶺頭瀧譬如蟻垤微詎可陵崆嶼贈崔立之云朝為百賦猶
鬱怒暮作千詩轉道縈若服其敏者下句却云才豪氣猛易語言往往蛟螭雜
螻蛄則多而不精可以察見其於詩人中惟東野文人中惟子厚稍加敬
唐僧見于韓集者七人惟大顛穎師克嘲侮高閑草書頗見貶抑如惠如靈如
文暢如澄觀直以為戲笑之具而已靈尤跌宕至于醉花月而羅婢媵此豈佳
僧乎韓公方且欲冠其顛始聞澄觀能詩欲加冠巾及觀來謁見其已老則又
潛然惜其無及所謂善謔而不為虐者耶
柳子厚才高它文惟韓可對壘古律詩精妙韓不及也當舉世為元和體韓猶
未免諧俗而子厚獨能為一家之言豈非豪傑之士乎昔何文績嘗語李漢老
云如柳子厚詩人生豈可不學他做數百首漢老退而歎曰得一二首似之足
矣文績後從北狩病中詩云歷歷通前劫依依返舊魂人生會有死遺憾滿乾
坤雖意極忠憤而語不刻急亦學柳之驗
呂溫坐任文黨黜守道衡二州卒于衡柳子厚誄之曰遷理于道民服休嘉賦
無吏迫威不刑加又言二州之人哭者逾月坡公謂溫小人何以得此然余觀

溫集送江華毛令絕句云布帛精粗任上宜疲人識信每先期今朝臨別無他
囑雖是蒲鞭也莫施太守送縣令之言如此則子厚所書非溢美矣今世士大
夫笑溫者比肩及為二千石屬縣能督賦者蒙殊獎負賦者受嚴譴有能為溫
此言未見其人也

呂溫詩曰天下起兵誅董卓長沙義士最先來荆公云江東子弟多才俊卷土
重來未可知皆可以倡東南勇敢之氣

王建新嫁娘詩云三日入厨裏洗手作羹湯未諳姑食性先遣小姑嘗張文潛
寄衣曲云別來不見身長短試比小郎衣更長一詩當以建為勝文潛詩與晉
人參軍新婦之語俱有病

劉長卿七言云欲掃柴門迎遠客青苔紅葉滿貧家魏野林逋不能及也

洛神賦子建寓言也好事者乃造甄后事以實之使果有之當見誅于黃初之
朝矣唐彥謙云驚鴻瞥過游龍去虛憖陳王一事無似為子建分疏者

唐人叙述奇遇如后土夫人事托之韋即無雙事托之仙客鶯鶯事雖元稹自
叙猶借張生為名惟沈下賢秦夢記牛僧孺周秦行記李羣玉黃陵廟詩皆攬
歸其身名檢婦地矣

古樂府云新婦初來時小姑始扶床今日被驅遣小姑如我長回頭語小姑勿
嫁似兄夫庶幾哀而不怨矣

雍陶送春詩云今日已從愁裏去明年更莫共愁來稼軒詞云是他春帶愁來春歸何處却不解和愁將去雖用前語而反勝之

唐失河湟未久司空圖詩云漢兒畫作胡兒語却向城頭罵漢人燕山自石晉割去至本朝宣和歷年多矣議者猶以燕人思漢籍口卒召狄難

劉言史贈成鍊師云大羅過却三千歲更向人間懸阮郎此女道士豈魚玄機之流歟唐人多不矜細行李羣玉有龍門寺佳人阿最歌云何須同泰寺然後始為奴其放潑如此夫陶寫情性如閑情賦可也過則為羣玉矣

唐人多傳虛全因留宿王涯第中遂預甘露之禍全老無髮奄人於腦後加釘馬以為添丁之讖或言好事者為之全處士與人無怨何為有此謗然平時切齒元和逆黨月蝕一詩贈商人口意者羣奄因此害之太平廣記載孝廉許生遇四丈夫與白衣叟會飲于甘棠館西噴玉泉四人謂叟曰玉川來何遲叟舉壁間所見詩座中聞之皆擁面欲慟已而叟與四人者各賦一篇蓋王涯賈餗舒元與李訓與全之鬼也按甘露之謀涯餗不預元與訓雖在疎敗事其志與陳蕃竇武宋申錫何異得罪于羣奄則有之於社稷無負也身與其宗既蘊醢於寺人之手終唐之世名與叛逆同科僅嘗收葬羣奄又使人發之投骨渭水子孫或逃依劉從諫苟活且暮甚可憐矣及澤潞平被害無噍類詔書猶謂之逆賊之後此何理也李文饒實當國政刑如此豈畏奄人邪抑有宿憾于涯輩

至昭宗危亂中始有雪涯等之詔噴玉泉詩云李固有寃藏靈簡節彼無子續

清風又云雖有衾藏李固終無表疏雪王章皆可傳誦白衣叟所舉壁間詩

云六合茫茫皆漢土此身無處哭田橫妙甚此必是涯元與門生故吏所作

杜牧之聞慶州趙縱使君與党項戰死詩云將軍獨乘鐵驄馬榆溪戰中金僕

姑死綏却是古來有驕將自驚今日無青史文章爭點筆朱門歌舞笑捐軀誰

知我亦輕生者不得君王文二父皇祐中儂賊犯康州闔郡潰去惟守臣曹覲

死之妻方產子棄之草間亂後訪之尚呱呱然諸公哀誄惟元厚之云轉戰譙

門日欲瞋空拳猶自把戈鈇身垂虎口方安坐命在鴻毛更疾呼柱下果卿存

斷節袴中杵曰得遺孤空餘三尺英雄氣不愧山西士大夫欲與牧詩並驅

樊川集中有李給事詩云元禮去歸緹氏學江充來見大臺宮又云可憐劉校

尉曾詒石中書李名中敏嘗論鄭注免婦又忤仇軍容棄官二聯可謂善用事

矣

劉夢得五言如蜀先主廟云天下英雄氣千秋尚凜然勢分三足鼎業復五銖

錢得相能開國生兒不象賢淒涼蜀故妓歌舞魏宮前八陣圖云軒皇傳上畧

蜀相運神機水落龍蛇出沙平鶴鶴飛波濤無動勢鱗介避餘威會有知兵者

臨流指是非中秋云星辰讓光彩風露發精英人間世倏然是玉京七言

如洛中寺北樓云高樓賀監昔曾登壁上筆蹤龍虎騰中國書流讓皇象北朝

如洛中寺北樓云高樓賀監昔曾登壁上筆蹤龍虎騰中國書流讓皇象北朝

如洛中寺北樓云高樓賀監昔曾登壁上筆蹤龍虎騰中國書流讓皇象北朝

文士重徐陵偶因獨見空驚目恨不同時便服膺惟恐塵埃轉磨滅再三珍重
嶠山僧西塞山懷古云西晉樓船下益州金陵王氣漠然收千尋鐵鎖沉江底
一片降幡出石頭人世幾回傷往事山形依舊枕寒流今逢四海為家日故壘
蕭蕭蘆荻秋哭呂溫云遺草一函歸太史旅墳三尺近要離金陵懷古云山圍
故國周遭在潮打空城寂寞回皆雄渾老蒼沉着痛快小家數不能及絕句尤
工

夢得貞元間已為郎官御史牛相方在場屋投贄文卷夢得飛筆塗竄牛既貴
未能忘有曾把文章謁後塵之句夢得答云初見相如成賦日後為丞相掃門
人且飭諸子以已為戒然和令狐相云鮮有一身兼將相更能四面占文章則
依然故態此詩幸次楚韻若施之于絢豈止撥兔葵燕麥之怒耶同時八司馬
皆高才一亦不復或咎時宰無樂育意惟新史謂貪帝病昏抑太子之明深當
其罪後裴度為夢得免播州之行憲宗怒尚未解非但諸公忌才也

夢得歷德順憲穆敬文武七朝其詩尤多感慨惟在人雖晚達於樹比冬青之
句差閑婉答樂天云莫道桑榆晚為霞尚滿天亦且見其精華老而不竭

莫徯自生長名字無符籍市易雜鮫人婚姻通木客星居占泉眼火種開山脊
度渡千仞谿含沙不能射蠻語鈎輶音蠻衣斑斕布熏狸掘沙鼠時節祠盤歛
忽逢乘馬客恍若驚鷹顧腰斧上高山意行無舊路此劉夢得莫徯蠻子詩也

世傳坡詩始學夢得觀此二詩信然

元稹詠估客云爾又生兩子錢刀何歲平薛郁和蕃詩云君王莫信和親策生
得胡雛患更多往年黑風峒賊首詐降朝家以通直郎鎮南僉幕招之不出使
其弟來吉州謁帥帥以首妓奉之豐宅之戲云遺下賊種奈何唐廉謙寒食五
言云微微潑火雨草草踏青人本朝王元之詩亦用潑火雨

牧之譽阿宜義山譽衮師後二兒皆無聞退之不譽子姪直言阿買不識字
李義山答令狐綯補闕云人生有通塞公等繫安危于升沉得喪之際婉而成
章簡齋南渡初被台東同時台客云共談太極非無意能繫蒼生本不同則氣
象益開闊矣

唐任藩詩存者五言十首而已然多佳句象鳥已歸樹旅人猶過山贈僧云半
頂髮根白一生心地清居然可愛今人動為千百首而無可傳者

薛能詩格不甚高而自稱譽太過五言云空餘氣長在天子用平人不但自譽
其詩又自譽其材然位歷節鎮不為不用矣卒以驕恣陵忽僨軍殺身其才安
在妄庸如此乃敢妄議諸葛可謂小人無忌憚者

揚州在唐時最繁盛故張祜云人生只合揚州死蜀都在本朝最繁盛故放翁
云不死揚州死劍南

杜牧許渾同時然各為體牧于唐律中常寓少拘峭以矯時弊渾則不然如荆

樹有花兄弟樂橋林無實子孫忙之類律切麗密或過收而抑揚頓挫不及也
二人詩不著姓名亦可辨樊川有續別集三卷十之八九皆渾詩收佳句自多
不必又取它人詩益之若丁卯集割去許多傑作則渾詩無一篇可傳矣牧仕
宦不至南海別集乃存南海府罷之作甚可笑

韋蘓州話舊云昔事武皇帝無賴恃恩私身為里中橫家藏亡命兒朝携樽蒲
局暮竊鄰家姬司隸不敢捕立在白玉墀此蓋韋公身在三衛日擊其類如此
非自謂也王建羽林行亦云長安惡少出名字樓下劫商樓上醉天明下直明
先宮散入五陵松柏中百回殺人身合死赦書尚有收城功九衢一日消息定
卿吏籍中重改姓出來仍舊屬羽林立在殿前射飛禽可與韋詩互看韋詩律
深妙流出肝肺非學力世言其所至埽地焚香而坐不應為人老少頓異可見
前詩寓言爾

子美送孔巢父云若逢李白騎鯨魚道甫問訊今何如蓋李杜與巢父一輩人
也又云詩卷長留天地間釣竿欲拂珊瑚樹則巢父亦能詩者偶失傳耳子美
間閔亂離挺節無所汙巢父後效王事惟太白坐永王璘事流夜即按璘嘗辟
巢父而巢父不應可見太白當來去就欠商量也新史謂白佐璘起兵頗佻文
致但不當就其辟爾

李遠贈寫御容李長史云初分陰隲山河秀再點重瞳日月明極工及坡公仰

觀眩晃目生暈但見曉色開扶桑迎陽晚出步就座絳紗玉斧光照廊野人不
識日月角髣髴尚記重瞳光之篇一出光焰萬丈視遠所作真小兒語

歐陽率更貌寢長孫無忌嘲之云誰令麟閣上畫此一獼猴好事者遂造白猿
之說謗及其親

鄭畋名相父亞亦名卿或為李娃傳証亞為元和畋為元和之子小說因謂畋
與盧攜並相不咸攜詬畋身出倡妓按畋與攜皆李翱甥畋母攜姨也安得
如娃傳及小說所云唐人挾私忿騰虛謗良可發千載一笑亞為李德裕客白
敏中素怨德裕及亞父子娃傳必白氏子弟為之托名行簡又嫁言天寶間事
且傳作于德宗之貞元追述前事可也亞登第于憲宗之元和畋相於僖宗之
乾符豈得預載未然之事乎其謬妄如此如周秦行記世以為德裕客章絢所
作二黨真可畏哉

張籍還珠吟為世所稱然古樂府有羽林郎一篇後漢辛延年所作云昔有霍
家奴姓馮名子都依倚將軍勢調笑酒家胡胡姬年十五春日獨當壚長裾連
連帶廣袖合歡襦頭上藍田玉耳後大秦珠兩鬟何窈窕一世良所無不意金
吾子娉婷過我廬銀鞍何煜燭翠蓋空踟躕貽我青銅鏡結我紅羅裾男兒愛
後婦女子重前夫人生有新故貴賤不相踰多謝金吾子私愛枝區區籍詩本
此然青于藍

送宮人入道唐人多有此作荆公止選項斯一首云願從仙女董雙成王母前
頭作伴行初戴玉冠多誤拜欲辭金殿別稱名將敲碧落新齋磬却進昭陽舊
賜箏且暮焚香繞壇上步虛猶作按歌聲未脫唐體也韋蘓州詩家最高手亦
有此作云捨寵求仙畏色衰辭天素面立天墀金丹擬駐千年貌寶鏡休勻八
字眉公主與收珠翠後君王看戴角冠時從來宮女多相妬聞向瑤臺搃淚垂
絕不類韋詩與斯輩竟何以異風俗移人如此或是韋公戲效時人體爾
牛奇章有夜入真珠室朝游玳瑁宮之謗張祐上牛相亦云四十便封侯名居
第一流下有綠鬟紅粉之語末云知君年少貴不信有春愁蓋前詩非謗矣牛
女嗜好如水炭惟愛石則如一人然贊皇生相門無聲色之好奇章起寒士備
貴人之奉不及贊皇遠矣

唐詩人與李杜同時者有岑參高適王維後李杜者有韋柳中間有盧綸李益
兩皇甫五竇竇後有姚賈諸人學者學此足矣長慶體太易不必學王逢原題
樂天墓末云若使篇章深李杜竹符還不到君分豈亦病其詩之淺耶

王鐸畫忠唐室奮討策賊初節與鄭畋畧同大功垂就令致問之于內解其都
統鐸詩云三塵上相逢明主九合諸侯愧昔賢可謂慨然有志者然居亂世要
須十分清苦庶可自全孔明躬耕娶阿承醜女相蜀不殖產其慮深矣鐸當國
家板蕩之際居將相鉞之任乃携妓妾輜重慢藏治容行於虎狼之都三百

口遂併命于高難泊哀哉

後村居士集卷第十七

後村居士集卷第十八

詩話下

楊劉諸人師李義山可也又師唐彥謙唐詩雖雕斲對偶然求如一杯三尺之
聯惜不多見五言叙亂離云不見泥函谷俄驚火建章剪茅行殿濕伐柏舊陵
香語猶渾成未甚破碎若西崑酬唱集對偶字面雖工而佳句可錄者殊少宜
為歐公之所厭也

王之被遇熙陵知制誥因救徐鉉貶商州為內相因議孝章后喪貶滁州真
皇登極召還將用矣其詩乃云兩制舊臣生白髮一番新貴上青天未幾再謫
黃州遷蘄州而卒豈新貴有所未平乎

王之挽趙中令云太常草儀注全似葵周公且以稱其勛業

魏野五言云常憐李斯首不及嚴光且真處士語也潘閔云白日昇天易清朝
取士難野聘名而不至閔叫呼而求用味其詩與張元姚嗣宗何異

潘閻客舍詩土床安枕穩紙被轉身鳴定非慵便枕玉涼繡被春寒夜者所能道也

詩家評論古人多是書生空言爾晏元獻書平津侯傳云主父仲舒容不得未知賓閣是何人公能容富歐二公于門下然後可以為此言但主父非仲舒之倫宜以汲黯代之

夏英公宮詞云絳唇不敢深深注却怕香脂汗玉蕭不減香奩花間之作王岐公夫人閨端午帖子云後苑尋青趁午前歸來競闋玉欄邊袖中獨有香芸草留與君王辟蠹編出新意于綵絲巧粽之外可喜也

將飛更作迴風舞已落猶成半面粧宋景文落花詩也為世所稱然李義山固云落時猶自舞掃後更聞香李下句尤妙

君謨以詩寄歐公公答云先朝楊劉風采聳動天下至今使人傾想世謂公尤惡揚劉之作而其言如此豈公特思其碑板奏疏磔裂古文為偶儻者其詩之精工律切者自不可廢歟又云近時換梅二窮士爾主張風雅人士歸之自二窮士死文士滿朝而使斯道寂然中絕每念此事竊歎乃知文士滿朝而詩道寂然不但近歲祖宗盛時固已然矣歐帖在鄭子敬左司家

歐公詩如昌黎不當以詩論本朝詩惟宛陵為開山祖師宛陵出然後桑濮之哇淫稍熄風雅之氣脉復續其功初不在歐尹下世之學梅詩者率以為淡集

中如對上春田潤蘆中立吏參高程海貨通閭市漁歌入縣樓餘姚白水照茅

屋清風生稻花霜落熊升樹林空鹿飲溪河漢微分練星辰淡布螢每

令夫結友不為子求即挽齊國長公主山形無地接寺界與波分金山山風來

虎嘯江南過龍腥之巔殊不草草蓋逐字逐句銖銖而較者決不足為大家數而前輩號大家數者亦未嘗不留意於句律也

菴子美歌行雄放于聖俞軒昂不羈如其為人及蟠屈為吳體則極平夷安帖絕句云別院深深夏簟清石榴開遍透簾明樹陰滿地日卓午夢覺流鶯時一聲又云春陰垂野草青青時有幽花一樹明晚泊孤舟古祠下滿川風雨看潮生極似韋蘓州垂虹亭觀中秋月云佛氏解為銀世界仙家多住玉華宮極工而世惟詠其上一聯金餅彩虹之句何也山蟬帶響穿疎戶野蔓蟠青入破窓亦佳句

子美送李生云李生以病廢東入徂徠峯志氣尚突兀形骸已龍鍾男兒生世間有如絕壑松誤為風雷傷不與匠石逢哀哉千尺榦摧朽似秋蓬此詩悲壯之甚李生何如人且以當之竊意子美自謂也

雁湖注半山歸腸一夜繞鍾山之句引韓昌黎詩腸胃繞萬象非也孫堅母懷妊堅夢腸出繞吳閭門半山本此見吳志和王賢良龜詩云世論安似虫疑冰注雖引莊子但出處無疑字意公別有所本後讀盧鴻嵩山十志有疑冰之語

又唐彦謙中秋詩云霧淨不容玄豹隱冰寒却恐夏蟲疑乃知唐人已屢用之矣

半山挽裕陵云玉暗蛟龍蟄金寒雁鷺飛挽吳春卿云曲突非無驗方字有不

行鍊事斷對無遺巧

劉原父詠春草云春草綿綿不可名水邊原上亂抽榮侶嫌車馬繁華處總入城門便不生負父絕句云青苔滿地初晴後綠樹無人畫夢餘惟有南風舊相識逕開門戶又翻書皆有元和意度不似本朝人詩

劉貢父詠史云自古邊功緣底事多因嬖倖欲封侯不如直與黃金印惜取沙場萬鬪屨往往指王韶李憲輩唐人曹松亦云憑君莫話封侯事一將功成萬骨枯

王逢原暑旱苦熱云清風無力屠得熱落日着翅飛上山人固已懼江海竭天豈不惜河漢乾崑崙之高有積雪蓬萊之遠常遺寒不能手提天下往何忍身去游其間其骨氣老蒼識度高遠如此豈得不為荆公所推

富公由并州入相外廷至于舉笏相賀王逢原獨云要預待見成堯舜未敢輕浮作頌聲所見高于石祖徠一等矣荅孫莘老云生無人愧寧非樂死有天知豈待名其回窮自守亦士之高致也

王逢原聞雁云萬里波濤九秋後五更風雨一燈旁不待着雁字而題見矣

滕白題汶川村舍云種茶崑接紅霞塢灌稻泉生白石根瞠腹老翁頭似雪海棠花底戲兒孫可入圖畫

坡詩畧似昌黎有汗漫者有典嚴者有麗縟者有簡澹者翁張開闔千變萬態蓋自以其氣魄力量為之然非本色也它人無許大氣魄力量恐不可學和陶之作如海東青西極馬一瞬千里了不為韻束縛

陳洙書御史臺壁云清朝無事諫章疎竊祿經年卧直廬惆悵平生不如夢春來三度到溪居與荆公三年衣染禁城塵撫事茫然愧古人明月滄波江萬頃扁舟長載夢中身之作暗合

唐子西諸文皆高不獨詩也其出稍晚使及坡門當不在秦晁之下集中有聞坡貶惠州詩云元氣脫形數運動天地內東坡未離人豈比元氣大天地不能容伸舒輒有礙低頭不能仰閉口焉敢款東坡坦率老局但應難耐何當與道俱逍遙天地外此詩甚佳狀得出

潮田無惡歲酒國有長春草木疑靈藥漁樵或異人花開不旋踵草雜復齊腰團扇侵時令方書遣畫長問學兼儒釋交游半士農國計中宵切家書隔歲通閩河先壠遠天地小臣孤山靜侶太古日長如小年皆唐子西惠州詩也曲盡南州景物畧無遷謫悲酸之態七言如身雜蟄中誰是我食除蛇外總隨鄉驥子能吟青玉案木蘭堪戰黑山頭亦甚工

後人取前作翻騰勘辨有工於前作者唐子西過田橫墓云滄溟無際何妨死却死東都未耿光乃反退之祭文之意此詩必有謂不獨為橫發

元祐後詩人迭起一種則波瀾富而句律疎一種則煅煉精而情性遠要之不出蘓黃二體而已及簡齋出始以老杜為師墨梅之類尚是少作建炎以後避地湖嶠行路萬里詩益奇壯元日云後飲屠蘇驚已老長乘舴艋竟安歸除夕云多事鬢毛隨節換盡情燈火向人明記宣靖事云東南鬼火成何事終待

作爭臣

謂方臘不能為患直待粘幹耳

岳陽樓云登臨吳蜀橫分地徙倚湖山欲暮時又云

乾坤萬事集雙鬢臣子一謫今五年聞德音云自古安危閱政事隨時憂喜到漁樵五言云泊舟華容縣湖水終夜明淒然不能寐左右菰蒲聲窮途事多違勝處心亦驚三更螢火鬧萬里天河橫腐儒憂平世况復值甲兵終然無寸策白髮滿頭生造次不忘憂愛以簡嚴掃繁縛以雄渾代失巧第其品格故當在諸家之上

徐師川聞捷云時時傳破虜日日問修門又云諸公宜努力荆棘已千村陳簡

齋感事云風斷黃龍府雲移白鷺洲菊花分四野作意為誰秋頗逼老杜

宣靖之禍自滅遼取燕始韓子蒼挽中山韓帥云金絮盟猶在仄釘事已新語妙而意婉上句指韓下句指童蔡作詩法當如此

崔德符詩幽麗高遠了不蹈襲蓋用功最深者觀魚云小魚喜親人可釣亦可

網大魚自有神隱見誰能量老禪雖無心施食不肯嘗時於千尋底噉見如龍章桃花云如何一朽株孕此千億花雖云行且闌明歲亦再華豈如世上人一老不復佳過湖云誰見詩顛顛發時却陽湖裏月明知無人為覓昭華管自捲秋蘆片葉吹皆精詣可吟諷

江端友字子我鄰幾之孫靖康間以布衣召用同時詩人感慨北狩南渡之作多矣子我云楚欲圖周鼎湯猶繫夏臺又云比年螢惑犯南斗何日燕人祭北門事的切而語回互

江子我詠象云倉舒止用兒童計亦自能知爾重輕蓋用王內翰元之譏玩張相齊賢之語但含蓄而不刻露爾

朱希真七言如幾許少年春欲夏一番夢事綠催紅過時不語鴛鴦事怕客深藏魚見機人間萬事老無味天下四時秋最愁五言如剪茅編窟屋篩米聚雞糧燈昏鼠窺研雨急犬穿籬皆警策不蹈襲

前輩記朱新仲舍人天氣未佳宜且住風濤如此亦安歸之聯取其自然不煩斷削然新仲此等句尚多如招郭侯飲云此時老子興不淺且日將軍幸早臨如何以報之青玉案我姑酌彼黃金壘凡引用前人語皆蟠屈排弄使之妥帖它句如滿地落花春病酒一簾明月夜登樓親相多謝風標子可欺豈無瀟灑侯何從可覓秋消息忽有先鋒到白蘋如水篆行科斗林樵嚙畫眉若不經思

而俱出人意表讀杜集云縱之逼論劍收之入檀弓尤前人所未發也
劉屏山題李忠愍集云二帝蒙塵方幸六臣奉鬻更朝梁叙當時事忠憤悲
壯尹少稷聞偽齊入寇云鼎功不惜賞千布送死惟堪縛一驢且與前句相上
下

先朝上元駕御端門示與民同樂之意而已宣和間燈尤盛至于騎年連月警
蹕夜出尹少稷靖康元夕詩云景龍只是當時路不見金錢打着人劉屏山亦
云淒涼但有雲頭月曾照當時步輦歸皆記向來期門之事

汴都角妓却六李師師多見前輩雜記御即蔡奴也元豐中命待詔崔白圖其
貌入禁中師師著名宣和入至掖庭頃見鄭左司子敬云汪端明家有李師師
傳欲借抄不果劉屏山詩云鞞鼓繁華事可傷師師垂老過湖湘縷衣檀板無
顏色一曲當年動帝王亦前人感慨杜秋娘梨園弟子之類

茶山種竹云餘子不足數此君何可無上句雖非竹事不覺牽強荔支云絕知
高韻傾珠柱未覺豐肌病玉環上下句皆切又妙于融化送別云不堪相背處
何況獨歸時行役云一寸客亭燭數聲村舍雞絕似唐人

紹興初虜歸我河南識者知和約之不堅久錢氏之後自中原遷幸三世喪柩
窆于越上諸公皆為哀挽茶山獨云摸金千騎去埋玉幾人歸可謂妙于用事
余為袁守項容孫被召過袁自言其先世墳域皆沙市者皆已遷葬公安國愈

盛矣士大夫得無感慨乎

王嘉叟侍郎柳色知春淺鐘聲覺寺深避虎連村靜分魚一市腥之句甚佳
初以鹽鈔僧牒羅軍儲夏均父詩云坐食今添幾支遁煮鹽却得百弘羊及本
之論也

士大夫當離亂時有幸有不幸者簡齋云浮世身難料危途計易非東萊云後
死翻為累偷生未有期誦之皆可悲慨

趙忠簡當國以近臣薦起處士劉致中至則趙去秦代之矣劉報罷歸尹少稷
東之云徒然五侍從不辦一書生史相力薦放翁賜第其去國自是臺評然王
景文乃云直翁自平平生事不了山陰陸務觀放翁見詩亦笑云我字務觀乃
去聲如何把作平聲押了

陸放翁少時調官臨安得向云小樓一夜聽春雨深巷明朝賣杏花傳入禁中
思陵稱賞由是知名

古人好對偶被放翁用盡 箱帙尾摸床稜 烈士壯心狂奴故態 生希李

廣名飛將死慕劉伶贈醉侯 下澤乘車上方請劍 酒寧剩欠尋常債劍不

虛施細碎讎 空虛腹壘塊膏 爰山入骨髓嗜酒在膏肓 手版有與 鬼

子天公 貴人自作宣明面老子曾聞正始音 床 周易架上漢書 温卷

熱官 醉學究病維摩 無事飲不平鳴 乞米帖借車詩 趙道士楮先生

土偶天公 長劍拄頤短衣掩脰 已得丹換骨肯求香返魂 子午谷丁
郊橋 洛陽二頃光範三書 酒聖錢愚 茶七椀稷三升 一彈指三折肱
天女散花麻姑擲米 玉塵尾金裏蹄 虎頭雞肋 金鷄箭玉鞭轡 客
至難令三握髮佛來僅可小低頭 百衲琴雙鈎帖 藏經閣帖 維摩病說
法虞卿窮著書 讀書十帙上樹千回 風漢醉疾 見虎猶攘臂逢孤肯叩
頭 天愛酒地埋憂 一齒落二毛侵 癡頑老嬰蹀翁 曲肱縱理 竹即
木客 百錢掛杖一鉢隨身 百甕壅兩困棗 鍊炭勞薪 銅臭飯香 記
書身大似椰子忍事瘦生如瓠壺 笑爾輩愛吾廬 僧坐夏士防秋 塵尾
清談蠅頭細字 巖下電霧中花 唐夾寨楚成臯 劍南集八十五卷八千
五百首別集七卷不預焉似此者不可殫舉姑記一二於此
近歲詩人雜博者堆垛仗空疎者窘材料出奇者費搜索縛律者少變化惟放
翁記問足以貫通力量足以驅使才思足以發越氣魄足以陵暴南渡而後故
當為一大宗末年云客從謝事歸時散詩到無人愛處工又云外物不移方是
學俗人猶愛未為詩則皮毛落盡矣
舊讀楊誠齋絕句云飽喜飢嘆笑殺僕鳳皇未必勝狙公幸逃暮四朝三外猶
在桐花竹實中不曉所謂晚始悟其微意此自江東潛奉祠歸之作也鳳雖不
聽命于狙公然猶待桐花竹實而飽以花實况祠廩也欲併祠廩掃空之爾未

幾遂請桂冠

誠齋挽張魏公云出畫民猶望迴軍敵尚疑只十箇字而道盡魏公一生其得
人心且為虜所畏與夫罷相解都督時事皆在裏許然讀者都草草看了
今人不能道語被誠齋道盡 宿草春風又新阡去歲無 江水夜韶樂海棠
春貴妃 橘中招綺夏瓜處屏任文東宮 晉殿吳宮猶碧草王亭謝館儘黃
鸝 春歸便肯平平過須做桐花一信寒 東風染得千紅紫曾有西風半點
香 年年不帶看花福不是愁中即病中 昇平不在蕭韶裏只在諸却打柏
聲 六朝未可輕嘲謗王謝諸賢不偶然 山根玉泉仰面飛飛出山頂却下
馳自從廬阜瀉雙練至今銀灣乾而支雷聲驚裂龍伯眼雪點濺濕姮娥衣寄
言蘓二李十二莫愁瀑布無新詩題漱 羲和夢破欲啓行紫金畢通啼一聲
聲從天上落人世千卣萬落難爭鳴素娥西征未歸去簸弄銀盤浣風露一丸
玉彈東飛來打落桂林雪毛兔誰將紅錦幕半天赤光絳氣貫山川須臾却駕
丹砂轡推上寒空碾蒼玉詩翁已行十里強羲和早起道無雙義娥 子雲到
老不曉事不信人間有許由釣臺

放翁學力也似杜甫誠齋天分也似李白 放翁云膽薄沾官釀睡昏讀監書
杜荀鶴云欺春秣愛和醅酒諱老猶看夾注書二聯皆佳
李伯紀丞相過海絕句云假使黑風漂蕩去不妨乘興訪蓬萊與坡公九死南

荒吾不恨茲游奇絕冠平生之句殆相伯仲異乎李文饒虛多遜窮愁無慘之作矣

御相陳魏公去位詩云病深老迫宜歸去莫作留侯范蠡看時公年五十四而其言如此

艾軒讀江西詩云神仙本自無言說尸解由來最下方

山谷與坡公云只欠小蠻樊素在我知造物愛公深屏山問李漢老疾云欲袖雲門竹篋子室中驅出散花人愛朋友之言也白公云病與樂天相伴住春同樊子一時歸放翁云九十老農緣底健一生強半是單栖自愛之言也

陳邦光以金陵降虜游士或題其先壟云牙郎一去杳無踪惟有青青夾道松若使人能全此操松應合受大夫封其家執而訟於郡某守餉士人酒遣去牙郎用唐人賈國語

范石湖賞海棠云憶向宣華夜倚闌花光妍暖月光寒如今聞颯颯風露且只銅餅滿揀香宣華王蜀宮名也蕭千巖機杼與誠齋同但才慳于誠齋而思加苦亦一生屯蹇之驗同時獨誠齋樊重以配范石湖尤遂初陸放翁而放翁絕無一字及之今捕其律帖精詣不甚費研尋者於此 著語能奇怪呼天與倡鼎中秋疾走建德國乃為淵明先失脚墮榛莽劉伶扶我還 和陶乾坤生長我貧病怨尤誰 湘妃危立凍蛟背海月冷掛珊瑚枝醜怪驚人能嫵媚斷魂只

有曉寒知百千年蘚着枯樹一兩點春供老枝絕壁笛聲那得到直愁斜日凍

蜂知古梅造物巧能相補得破慳餘與一天秋山中六一第時到雀窠上有底

魚勞得給扶 秋浩蕩中遙指點一螺許是定玉城波湘稚子推窗窺過雁數

峰乘隙入西軒 眼冷寒梢明數點知它是雪是梅花 秋陽直為田家計饒

得漢村一抹紅真誠齋敲手也 故參與龔公行役過一山有老木參天再過

其山童矣居人云巨室以此造屋公記以絕句云千章古木轉頭空去與人間

作棟隆未必真能庇寒士不如留此貯清風晦翁後見此詩歎曰此龔公一生

詩識意謂公初為諫官負重名晚不必為執政也

黃芻季野名士也既登第夢婦人素服扇上題云恨君青袖短誤妾白羅鞋季

野遂不肯婚余大父著作與之友善責以嗣續大義陳魏公素重其人以聶夫

人女弟婦之既娶宛然夢中所見者季野果天無子大父葬之於吾家祖塋

李雁湖悼亡云一杯謾道愁能遣幾度醒來錯喚君然元稹已云怪來醒後傍

人泣醉裏時時錯問君此猶是暗合若四靈唐碑入宋稀與唐人階柳入唐跡

之句則是明犯

安晚丞相昭君詩云解移尤物柔強虜延壽當年合議功意新而理長

杭相李文靖乞去題六和塔云經從塔下幾春秋每恨無因到上頭今日始知

高處險不如歸卧舊林丘

高續古題四聖觀云射熊館暗花扶辰下鵝池深柳拂舟極藻繪追琢之功二聖殆不能過晚兼都官題直舍云無詩如鄭谷有髮似馮唐亦警策

趙忠定當國招蔡季通不至猶坐趙黨論死道州偽禁方巖朱文公題其墓云有宋西山先生蔡季通之墓章泉哭之云鶴叫春林辱贈詩雁迴湘浦忽傳悲蘭枯蕙死迷三楚雨暗煙昏礙九疑早日力辭公府檄暮年名入黨人碑烏虜季子延陵字不待銛詞行可知是時章泉句律如此宜為一世所宗晚年詩太坦率幾于風德之衰矣

趙南塘挽餘干相云樞前留素仗簾下進黃袍語簡而事該又云漢閣新圖迥秦箏舊曲長挽鞏仲至云萬卷非其崇單方或以封有無窮之味和韓止仲懷蹈中弟云黃臺斥辭可憐美老根連蒂摘都稀風流遂至爾身盡衰病况堪吾道非少日梨旗豪索酒暮年絲竹淚沾衣人生到此將何遣一卷南華坐掩扉立春云蒼規不與圓生智白髮惟添老在身絕句云我欲將君洞庭野斜河淡月聽雲和要眇之音也

端平初除拜一新趙南塘起散地掌內制元夕觴客客散家集有觀傀儡詩云酒闌有感牽絲戲也伴兒童看到明余謂康節遂令高卧人敬枕觀兒戲之句蓋局外旁觀者之言爾若同局而為此言似乎未可

南塘評臨中詩文貌節奏似韋謝信有之至于慕先儒而遐想挽名流以自近

則居然懸隔南塘惜其未撥棄浮論可謂名言其豪心俠氣極力指磨不盡不若南塘之近道也題會春苑云草荒故苑幾春風尚想花開春樹紅欲問當時馬王事寂寥殘照野亭中寒食云人家插柳春將過時節澆松老未歸挽趙從善尚書云先朝懷族遠平世責人深皆於近體中有遠意

公友臨川曾景建博學強記無所不通工詩有金陵百詠同泰寺云此身終屬庚丞相誰辦金錢贖帝婦澄心堂帟云一幅降牋何用許價高緣寫宋文章荆公書堂云愁殺天津橋上客杜鵑聲裏兩眉攢皆峭拔有風骨其少作云九十日春晴意少一千年事亂時多佳句也

曾景建送蔡季通赴貶云四海朱夫子徵君獨典刑青雲伯夷傳白首大玄經有客憐孤憤無人問獨醒瑤琴空鏤匣絃絕不堪聽其後景建亦坐詩禍謫春陵而卒

建人朱復之字幾仲多材藝為詩有思致初夏云忽聽夏禽三五弄新紅突過石榴枝秋日云紅蕖老去羞明鏡推讓朱榮上蓼梢視趙紫芝一樹木犀供夜雨清香移在菊花枝之句尤覺工緻

黃天谷名春伯白玉蟾姓葛名長庚皆自言得道後死乃無它異二人頗涉文墨所至牆壁淋漓揮掃能聳動人谷有詩云半篙春水一簑煙抱月懷中枕斗眠說與時人休問我英雄回首即神仙嘗訪蟾直其出題壁云怪訪怪怪不在

茅君山來相待

侂冑既誅或托巢鳥以譏當時朝士云衆鳥不喜亦不悲又復別尋高樹枝
丁卯和議虜索首謀函首予之或為樂府云寶蓮山下韓家府主人飛頭去和
虜高九萬吳山絕句云拂曉官來簿錄時未曾吹徹玉參差傍人不忍聽鸚鵡
猶向金籠喚太師

范石湖坐上客有談劉婕妤好事者公與客約賦詞游公先成公不復作衆亦
飲手游詞云暖霽烘晴黛鎖垂楊籠池罩閣萬絲千縷池上曉光分宿霧日近
羣芳易吐尋並蒂欄邊凝望不信釵頭雙鳳去奈寶刀被妾先留住天一笑萬
花妬阿嬌好在金屋貯甚秋風易得蕭疎扇鸞塵汗一自昭陽宮閉後牆角土
花無數况多病情傷幽素百花臺上空雨露望紅雲杳杳知何處天尺五去無
路次公字子明定夫諸孫禮部侍郎操之子詩詞皆工

疎明瘦直不受東皇識留取伴春應肯萬紅裏怎着得夜色何處笛曉寒無奈
力若在壽陽宮院一點點有人惜王深身甫落梅詞也身甫嘗為太常博士
潘柝字庭堅落筆皆不凡有鐔津懷舊詞云怕見倚闌干閣下溪聲閣外山空
有舊時山共水前歡暮雨朝雲去不還想是躡飛鸞月下時時認佩環月又漸
低霜又下更闌折得梅花獨自看
余涉世齟齬每誦歐公平生名節為後生描畫畧盡之言輒為慨然晚遂于朝

交游皆掉臂去惟湯伯紀寄詩云唐朝空自貴宏詞科目何嘗得退之掌制徒
聞誇子厚殘編僅見命教詩堪嗟寶錄無完傳太息淮西有後碑寄語蕭田紫
微老文章蓋世例如斯余固不足以當此詩然在西掖草制七十不止一首伯
紀未之見爾

後村居士集卷第十八

後村居士集卷第十九

詩餘

哨遍昔坡公以盤谷序配歸來辭然閩詞既彙括入律韓序則未也暇

勝處可宮平處可田泉土尤甘美深復深路絕住人稀有人兮盤旋于此送子
歸是他隱居求志是要明主媒當世嗟此意誰論其言甚壯孔顏猶有遺旨大
丈夫之被遇于時入則坐廟朝出則旗麾列屋名姬夾道武夫滿前才子噫
有命存焉吾非惡此而逃之富貴人所欲如之何幸而致向茂樹堪休清泉可
濯谷中別有閑天地况繪細于絲蕨甜似蜜采于山釣于水大丈夫不遇之所
為唐處士依稀是吾師覺山林尊如朝市五侯門下賓客擾擾趨形勢嗟盤之

樂誰爭子所占斷千秋萬歲呼僮秣馬更膏車便與君從此逝矣

六州歌頭 客贈牡丹

維摩病起兀坐等枯株清晨裏誰來問是文殊遣名姝奪盡羣花色浴終出醜
初餅千萬態嬌無力困相扶絕代佳人不入金張室却訪吾廬對茶鐺禪榻笑
殺此翁矐珠髻金壺始消渠憶承平日繁華事修成譜寫成圖奇絕甚歐公
記蔡公書古來無一自京華隔問姚魏竟何如多應是彩雲散劫灰餘野鹿街
將花去休回首河洛丘墟謾傷春弔古夢繞漢唐都歌罷欲賦

賀新郎

吾少多奇節頗揶揄玉関定遠壺頭新息一劍防身行萬里選甚南溟北極者
塞雁街來秋色不但禦棋夸妙手管城君亦自無勅敵終賈輩恐難匹酒勝
詩膽新來窄向西風登高望遠亂山斜日安得良弓并快馬聊與諸公角力漫
醉把闌干頻拍莫恨寒蟬離海晚待與君秉燭游今夕歡易買健難得

賀新郎 送陳倉却知真州

北望神州路試平章這場公事怎生分付記得太行山百萬曾入宗爺駕馭今
把作握蛇騎虎君去京東豪傑喜想投戈下拜真吾父談笑裏定齊魯兩河
蕭瑟惟狐兔問當年祖生去後有人來否多少新亭揮淚客誰夢中原塊土算
事業須由人做應笑書生心膽怯向車中閉置如新婦空目送塞鴻去

賀新郎 杜子昕貺歌

盡說番和漢這琵琶依倚佞曲焉然絃斷作麼一年來一度欺得南人技短歎
幾處城危如卯元凱後身居玉帳報 休作尋常看布嚴令運奇算 開門
決鬪雌雄判笑中宵奚車穩屋獸驚禽散箇箇魏冠橫塵柄誰了君王此段也
莫靠長江能限不論周郎并勿度使仲尼復起嗟微管馳露布葉京觀

賀新郎 跋唐伯玉奏藁

宣引東華去似當年文皇親擢馬周徒步殿上風霜生白簡下殿扁舟已具怎
不與官家留住古有一言腰相印誰教他滿篋嬰麟疏還芻退不回顧 新來
邊報猶飛羽問諸公可無長策少寬明主攀檻朱雲頭雪白流落如今底處但
一片丹心如故賴有越臺堪眺望那中原莫已平安否風色惡海天暮

賀新郎 送唐伯玉還朝

驛騎聯翩至道臺家籌邊方急酒行姑止作麼携將琴窅去不管州人墮淚富
與貴平生無味可但紅塵難着脚便山林未有安身地搔白髮兀相對 前身
小范疑公是憶當年天章閣上建明允偉慶曆諸賢方得路便不容他老子須
著放延州城裏一句啟勤牢記取在朝廷最好圖西事何必向玉関外

賀新郎 送黃成父還朝

飛詔從天下道中朝名流欲盡君王思賈時事抵今堪痛哭未可徐徐俟駕好

着手扶將宗社多少法筵龍象眾聽靈山祝付些兒話千百世要傳寫 子方
行矣乘駃馬又送它江南太史去游檀厦老我伴身惟有影倚遍風軒月榭悵
玉手何時重把君向柳邊花底問省貞元朝士誰存者桃滿觀幾開謝

賀新郎 戊戌壽張史君九月十八日

南國秋容晚曉寒輕芙蓉臺榭拒霜池館試向壺山堂上望萬頃黃雲刈遍
揆着君侯方寸不要漢庭誇擊斷要史家編入循良傳春脚到福星現 家家
香火人人願要還它慶元我座建炎蟬冕穩奉安輿迎兩國誰謂山遙水遠福
壽比河沙難算來歲而今黃花節早驂鸞入侍瑤池宴風浩蕩海清淺

賀新郎 端午

深院榴花吐畫簾開練衣紈扇午風清暑兒女紛紛夸結束新樣釵符艾虎早
已有游人觀渡老大逢場慵作戲任陌頭年少爭旗鼓溪雨急浪花舞 靈均
標致高如許憶生平既紉蘭佩更懷椒糝誰信驂魂千載後波底垂涎黍又
說是蛟饒龍怒把似而今醒到了料當年醉死差無苦聊一笑弔千古

賀新郎 九日

湛湛長空黑更那堪斜風細雨亂愁如織老眼平生空四海賴有高楼百尺看
浩蕩千崖秋色白髮書生神州淚儘淒涼不向牛山滴追往事去無迹 少年
自負凌雲筆到而今春華落盡滿懷蕭瑟常恨世人新意少愛說南朝狂客把

破帽年年拈出若對黃花孤負酒怕黃花也愛人岑寂鴻北去日西匿

賀新郎 寄題聶侍郎鬱孤臺

絕頂規危榭跨高寒鳥飛不過雲生其下斤斲無聲人按堵翁多青紅變化覽
城郭山川如畫閣老鳳棲修造手談笑突出凌雲厦臺上景買無價 唾壺塵
尾登臨暇侶當年滁陽太守歐陽公也傾倒贛江供硯滴判斷雪天月夜更喚
取鄒枚司馬銅雀凌敲歌舞散訪殘磚斷甃無存者餘翰墨被風雅

賀新郎

動地東風起畫橋西遶溪桑柘漫山桃李寂寂墻陰蒼苔迺印前回屐齒驚
歲月颺馳雲駛太息攀翻長亭樹是先生手種今如此君不樂欲何俟 傍人
錯會淵明意笑斯翁皇皇汲汲登山臨水佳處徑呼籃輿去髣髴紫桑栗里從
我者門生兒子嘗試平章先賢傳屈原醒不似劉伶醉判酌酹臥花底

賀新郎 宋庵訪梅

鵲報千林喜還猛省謝家池館早寒天氣要與瑤姬叙離索草草杯盤藉地悵
減盡何郎才思不願玉堂并金屋願年年歲歲花間醉餐秀色挹高致 西園
飛蓋東山妓問何如半山雪裏孤山烟外管甚夜深風露冷人與長筇共睡任
翠羽枝頭多事老子平生無他過為梅花受取風流罪簪白髮莫教墜

賀新郎

溪上收殘雨倚畫欄薄綿乍脫日陰亭午開市不知春色處散在荒園廢墅漸
小白長紅無數客子雖非河陽令也隨緣暫作營花主那可負甕中醋 碧雲
四合千巖暮恨匆匆余方有事子姑歸去趁取羣芳未搖落暇日提魚就煮歎
激電光陰如許回首明年何處在問桃花尚記劉郎否公莫笑醉中語

賀新郎 和人咏荼蘼

曾與瑤姬約恍相逢翠裳搖拽珠鞦聯絡風露青冥非人世攬結玉龍驂鶴愛
萬朵千條纖弱禱祝花神憐惜取到開時晴雨須斟酌枝上雪莫銷却 幽人
匹似中狂藥凭危欄燭光交映樂聲送作身上春衫香薰透看到參橫月落算
茉莉猶低一着坐有緱山王郎子倚玉簫度曲難為醉君不飲鑄成錯

賀新郎

用前韻賦黃荼蘼

想赴瑤池約向東風名姪駿馬翠鞦金絡太液池邊鵝羣下又似南樓呼雀畫
不就穠纖嬌弱羅帕封香來天上瀉銅盤沆瀣供清酌春去也被留却 芳魂
再返應無藥似詩詠綠衣黃裏感傷而作愛惜尚嫌蜂採去何況流鶯蹴落且
放下珠簾遮着除却江南黃九外有何人敢與花酬酢君認取莫教錯

賀新郎

再用約字

淺把宮黃約細端相普陀煙裏金身珠絡萼綠華輕羅鞦小飛下祥雲仙鶴朶
柔賽蜂腰纖弱已被色香撩病思儘懣兒酒美無多酌看不足怕殘却 人間

難得傷春藥更枝頭流鶯喚起少年狂作留取姚家花相伴羞與萬紅同落未
肯讓蠟梅先着樂府今無黃絹子問斯人清唱何人醉休草草認題錯

賀新郎

客贈芍藥

一夢揚州事畫堂深金瓶萬朶元戎高會座上祥雲層層起不減洛中姚魏歎
別後關山迢遞國色天香何處在想東風猶憶狂書記驚歲月一彈指 數枝
清曉煩馳騎向小牕依倚重見蕪城妖麗料得花憐儂銷瘦儂亦憐花憔悴漫
悵望竹西歌吹老矣應無騎雀日但春衫點點當時淚那更有舊情味

賀新郎

郡宴和韻

草草池亭宴又何須珠鞦絡臂琵琶遮面賓主一時詞翰手倏忽龍蛇滿案傳
寫處塵飛鷺轉但得時平魚稻熟這腐儒不用青精飯陰霧掃霽華見 使君
償了豐年願便從今也無敲朴也無厨傳試拂籠紗看壁記幾箇標名渠觀想
九牧聞風爭羨此老飽知民疾苦早歸來載筆薰風殿詩有諷賦無勸

賀新郎

再和前韻

夢斷釣天宴怪人間曲吹別調局翻新面不是先生瘖啞了怕殺烏臺舊案但
掩耳蟬嘶禽轉老去把茅依地主有瓦盆盛酒荷包飯停造請免朝見 少狂
誤發功名願苦貪他生前死後美官佳傳白髮歸來還自笑管轄希夷觀看一
道水街堪羨妃子將軍嗔未已問匡山何似金鑿殿休更待杜鵑勸

賀新郎 題蒲澗寺

風露驅炎毒記仙翁飄然謫墮吹笙騎鶴歷歷漢初秦季事山下水猶未熟過
眼見羣雄分鹿想得拂衣游汗漫試回頭劉項俱蠻觸斫鯨鱗脯麟肉越人
好事因成俗擁遨頭如雲士女山南山北問訊先生無恙否齊魯干戈滿目且
游戲扶胥黃木不是世無爪樣棗便有來肯飽癡兒腹聊舉酒笑相屬

賀新郎

王實之喜予出嶺命愛姬歌新詞以相勞輒次其韻

此腹元空洞少年時諸公過矣上天吹送老大被他禁宮殺身與浮名孰重這
鼓笛休休拈弄綵筆擲還殘錦去鮑江淹願今生來世無妖夢且飯犢莫吞鳳
新來暗啞如翁仲羨王郎驂鸞縹緲玉簫吹動應笑夔州村裏女欠面生愁
進奉要絕代傾城安用今古何人知此理有吾家酒德先生頌三萬卷謾充棟

賀新郎

崇恩主崇禧再用前韻

主判茅君洞有簷間查查喜鵲曉來傳送幾度黃符披戴了此度君恩越重五僕
任祠廟一南岳二仙都被賀監天隨調弄做取散人千百歲笑渠儂一霎即卸
三玉局四雲臺五崇禧夢歌而過鳳兮鳳淮園織履希陳仲問先生賀齊卿相可無心動除却醴泉
中太乙棟箇名山自奉那捷徑輸它藏用有耳不曾聞黜陟免教人貶駁徂
頌服蘭佩結茅棟

賀新郎

三和

謫下神清洞更遭它柳榆點鬼路傍遞送薄命書生雞肋爾却笑尊拳忒重破
故紙誰教繙弄一枕茅簷春睡美便周公大聖何須夢門前客任題鳳卜隣
羊仲并求仲願春來西疇雨足土膏犁動白髮巡官占歲稔不問京房翼奉棹
與甕從今無用醉與老農同擊壤莫隨人投獻嘉禾頌在陋巷勝華棟

賀新郎

席上聞歌有感

妾出於微賤小年時朱絃彈絕玉笙吹遍粗識國風閔昨亂羞學流鶯百轉搃
不涉閨情春怨誰向西隣公子說要珠鞍迎入梨花院身未動意先懶主家
十二樓連苑那人人靚粧按曲繡簾初卷道是華堂簫管唱笑殺街坊拍袞迴
首望侯門天遠我有平生離鸞操頗哀而不愠微而婉聊一奏更三歎

賀新郎

生日用實之來韻

鬢雪今千縷更休休癡心欲望故人明主晚學瞿聃無所得不辭飛昇減度佞
曉鼓葵葵搗五散盡朝來湯餅客且烹雞要飯茅容母怕迴首太行路麟臺
學士微雲句便尊前周郎復出雷音無誤安得春鶯雪兒輩輕拍紅牙按舞也
莫教儂家蠻語老去山歌尤協律又何須手筆如燕許援琴操捉筆柱

賀新郎

再用前韻

放逐身繼縷被門前羣鷗戲狎見推盟主若把士師三黜比老子多他兩度袖
手看名場呼五不會車邊望塵拜免它年青史羞潘母勾曲洞是歸路平生

怕道蕭蕭句况新來冠欹弁側醉人多誤管甚是非并禮法頓且低昂起舞任
百鳥喧啾春語欲托朱絃寫悲壯這琴心脉脉誰堪許君按拍我調柱
賀新即 實之三和有邊邊之語走筆答之

國脉微如縷問長纓何時入手縛持戎主未必人間無好漢誰與寬些尺度試
看取當年韓五豈有穀城公分授也不干曾遇驪山母談笑起西河路 少時
棋枰曾聯句歎而今登樓攬鏡事機頻誤聞說北風吹面急邊上衝梯屢舞君
莫道投鞭虛語自古一賢能制難有金湯便可無張許快投筆莫題柱

賀新即

四用縷字韻為王實之壽

萬字如鍼縷憶王郎丹墀大對氣為文主貴近傍觀俱失色仰止如天聖度笑
杜牧成名居五晚面清光猶苦諫伯封人懇切言君母諫塵世錯行路 當時
宜和薰風句又那知青雲一跌被才名誤輸與靈和殿前柳柔軟隨風學舞怪
西鳥新來停語不是先生高索價問何時宰相先生許舉杯祝莫傾柱

賀新即

實之用前韻為老者壽感答

身畔無絲縷但從前練裳練悅做他家主甲子一周加二紀免走鳥飛幾度賽
孔子如來三五徐陵云小如來五鶴髮蕭蕭無可截要一杯留客慙陶母門外
草欲迷路 朗吟白雪陽春句待夫君驪駒不至鵲聲還誤老素聊攀萊子例
倒着斑衣戲舞記田舍火爐頭語肘後黃金腰下印有高堂未敢將身許且扇

枕莫倚柱

沁園春

夢方孚若

何處相逢登寶釵樓訪銅雀臺喚厨人所就東溟鯨膾圍人呈罷西極龍媒天
下英雄使君與操餘子誰堪共酒杯車千兩載燕南趙北劍客奇材 飲酣畫
鼓如雷誰信被晨雞輕喚回歎年光過盡功名未立書生老去機會方來使李
將軍遇高皇帝萬戶侯何足道哉披衣起但淒涼感舊恍慨生哀

沁園春

送孫季藩弔方漕西歸

歲暮天寒一劍飄然幅巾布裘儘綠雲鳥道躋攀絕頂拍天鯨浸笑傲中流疇
昔奇君紫髯鐵面生子當如孫仲謀爭知道向中年猶未建節封侯 南來萬
里何求因感慨橋公成遠游歎名姬駿馬都成昨夢隻雞斗酒誰弔新立天地
無情功名有命千古英雄只麼休平生客獨羊曇一箇洒淚西州

沁園春

送包尉

我羨君歸一路秋風芙蓉木犀想慈顏望久靈烏乍噪新眉畫就即馬頭嘶
脫征衫快呼斗酒細為家人說建谿爭知道這中年懷抱最怕分携 丈人南
北東西應笑殺離筵粉淚啼悵佳人來未碧雲冉冉王孫去後芳草萋萋明日
相思山重水複古道入稀茅店雞元龍老有高樓百尺誰共登梯

沁園春

答九峯葉賢良

一卷陰符二石硬弓百斤寶刀更玉花駝噴鳴鞭電抹烏絲欄展醉墨龍跳牛
角書生虬鬚豪客談笑皆堪折簡招依稀記曾請纓繫粵草檄征遼當年目
視雲霄誰信道淒涼今折腰張燕然未勒南歸草草長安不見北望迢迢老去
胸中有些磊砢歌罷猶須着酒流休休也但帽邊鬢改鏡裏顏凋

沁園春 同前

我夢見君戴飛霞冠着宮錦袍與收之高會齊山詩酒謫仙同載采石風濤萬
卷星羅千篇電掃貴學窮兒事楚騷掀髯嘯有魚龍鼓舞狐兔悲嘯 英雄埋
沒蓬蒿誰摸索當年劉與曹歎事機易失功名難偶誅茅西崦種秫東臯柵有
雞豚底無羔雁道是先生索價高人間窄待相期海上共摘蟠桃

沁園春

癸卯佛生翌日將曉夢中作既醒但易數字

有箇頭陀形等枯株心猶死灰幸春山笋賤無人爭喫夜爐芋美與客同煨何
處簪花忽相導引莫是天宮迎赴齋又疑道向毘耶城裏講席初開 這邊尚
自徘徊笑那裏紛紛早見猜有尊神奮杵拳簷似鉢名緇豎拂喝猛如雷老子
無能山僧不會誰誤檀那擊請哉山中去便百千億劫休下山來

沁園春

和吳尚書叔永

我所思兮延陵季子別來九春笑是非浮論白衣蒼狗文章定價秋月華星獨
步岷峨後身坡穎何必荀家有二仁中朝裏看叔兮衮斧伯也絲綸 洛中曾

識機雲記玉立堂堂九尺身嘆若溪漁艇幽人孤往雁山馬鬣吊客誰經宣室
燈殘玄都花謝回首舊游存幾人新腔美堪洗空恩怨喚起交情

沁園春

吳永叔尚書和予舊作再答

莫羨渠儂白玉成樓黃金築臺也不消顛怪騎驎被髮誰能委曲令鶴為媒鬢
有一毛袖閑雙手只了持螯與把杯公過矣賞陳登豪氣杜牧簾才 便煩問
訊張雷甚斗宿無光劍不迴想閣中鳴珮時携客去壁間懸榻近有誰來撤我
虎皮讓君牛耳誰道兩賢相厄哉中年後向歌闌易感樂極生哀

沁園春

維揚作

遼鶴重來不見繁華只見凋殘甚都無人誦何郎詩句也無人報書記平安閣
里俱非江山畧是縱有高樓莫倚闌沉吟處但螢飛草際雁起蘆間 不辭露
宿風餐怕萬里歸來雙鬢斑算這邊贏得黑貂裘喚那邊輸了翡翠衾寒檄草
流傳吟牋倚閣開到瓊花亦懶看君記取向中州差樂塞地無歡

摸魚兒

怪新年倚樓看鏡清狂渾不如舊暮雲千里傷心處那更亂蟬疎柳凝望久愴
故國百年陵闕誰迴首功名大謬歎采藥名山讀書精舍此計幾時就 封侯
事久矣輸人妙手滄洲聊作漁叟高冠長劍渾閑物世上切身惟酒千載後君
試看拔山扛鼎俱烏有英雄骨朽問顧曲周郎而今還解來聽小詞否

摸魚兒 海棠

甚春來冷煙淒雨朝朝遲了芳信
驀然作暖晴三日又覺萬株嬌困
霜點鬢潘令老年年不帶看花分
才情減盡悵玉局飛仙石湖絕筆
辜負這風韻傾城色懊惱佳人薄
命墻頭岑寂誰問東風日暮無聊
賴吹得胭脂成粉君須認花共酒
古來二事天尤吝年先去
迅漫綠葉成陰青苔滿地
做取異時恨

摸魚兒 用寶之韻

便披蓑荷鋤歸去何須身著官錦
與誰共話桑麻事
朱老阮生尤稔
節樣餅甕樣繭長鬚亦脚供樵
飪清流濁品盡掃去胸中置諸
膜外對酒莫辭飲華胥夢怕殺
人驚枕踈窻惟月來闌
一生常被弓旌誤且告朝家
追寢愁箇甚君管取有薇堪采
松堪陰節山再任幸不是謀臣
又非世將免犯道家禁

一剪梅 袁州解印

陌上行人怪府公還是詩窮還是文窮
下車上馬太匆匆
來是春風去是春風階街
免得帶兵農
嬉到昏鐘睡到齋鐘
不消提獄與知宮喚作山翁
喚作溪翁

一剪梅 余赴廣東實之夜餞于風亭

東緬宵行十里強挑得詩囊
拋了衣裳天寒路滑馬蹄僵
元是王郎來送劉郎酒酣
耳熱說文章
驚倒鄰牆推倒胡床
傍觀拍手笑踈狂
又何妨

滿庭芳 記夢

涼月如水素濤翻雪人世依約三更扁舟
乘興真計水雲程忽到一洲
奇絕花無數多不知名
渾疑是芙蓉城裏又似牡丹坪
蓬萊應不遠天風海浪滿日
淒清更一聲鐵笛石裂龍驤
回巖歷震局但揮袂去散髮騎鯨
遂遂覺元來是夢鐘動野雞鳴

鷓鴣天 腹疾因睡和朱希真詞

前度看花白髮即平生
痼疾是清狂幸然無事污青史
省得教人奏赤章游俠
窟少年場輸他厚謝與諸王
居人不識庚桑楚弟子誰從魏伯陽

鷓鴣天 戲題周登樂府

詩變齊梁體已洗香奩
新製出唐朝紛紛競奏
桑間曲寂寂誰知爨下焦
揮綵筆展紅綃十分峭措
稱妖嬈可憐才子如公瑾
未有佳人敵小喬

卜算子 指海棠

畫是手成持合得天饒
借風雨於花有底
讎着意相陵藉做暖逼教開
做冷催教謝不負明年花
下人只負栽花者

卜算子 同前

片片蝶衣輕點猩紅
小道是天公不惜花百種
千般巧朝見樹頭繁暮見枝
頭少道是天公果惜花
雨洗風吹了

卜算子

後村集卷十九

亂似盤中絲密似風中絮行遍茫茫禹迹來底是無愁處
好客挽留難俗事
推難去惟有翻身入醉鄉愁欲來無路

後村居士集卷第十九

後村居士集卷第二十

詩餘

滿江紅

金甲瑠戈記當日轅門初立磨盾鼻一揮千紙龍蛇猶濕鐵馬曉嘶營壁冷樓
船夜渡風濤急有誰憐猿臂故將軍無功級 平戎策從軍什零落盡傭收拾
把茶經香傳時時溫習生怕客談榆塞事且教兒誦花間集嘆臣之壯也不如
人今何及

滿江紅 二月二十四夜飲海棠花下作

老子年來頗自許心腸鐵石尚一點消磨未盡愛花成癖懊惱每嫌寒勒住丁
寧莫被晴烘拆奈暄風烈日太無情如何得 張畫燭頻頻惜憑素手輕輕摘
更幾番雨過彩雲無迹今夕不來花下飲明朝空向枝頭覓對殘紅滿院杜鵑

啼添愁寂

滿江紅 題梅谷

赤日黃埃夢不到清溪翠麓空健羨君家別墅幾枝幽獨骨冷肌清偏要月天
寒日暮允宜竹想主人杖屨繞千迴山南北 寧委澗嫌金屋寧映水羞銀燭
歎出羣風韻背時裝束競愛東鄰姬傅粉誰憐空谷人如玉笑林逋何遜謾為
詩無人讀

滿江紅 送宋惠父入江西幕

滿腹詩書餘事到穰苴兵法新受了烏公書幣着鞭垂發黃紙紅旗喧道路黑
風青草空巢穴向幼安宣子頂頭行方奇特 豁胸事聽儂說龔遂外無長策
便獻俘非勇納降非法帳下健兒休盡斃草間赤子俱求活到崆峒快寄凱歌
來寬離別

滿江紅

落日登樓誰管領倦游在客待喚起滄浪漢父隔江吹笛看水看山身尚健憂
晴憂雨頭先白對暮雲不見美人來迷天碧 山中鶴應相憶沙上鷺渾相識
想石田茅屋草深三尺空有鬢如蒲騎省斷無面見陶彭澤便倒傾海水浣衣
塵難滌

滿江紅 送王實之

天壤王郎數人物方今第一談笑裏風霆驚座雲烟生筆落落元龍湖海氣琅
琅董相天人策問如何十載尚青衫諸侯客 易愛底些官職難保底些名節
擬閉門投轄劇談三日疇昔評君天下寶當為天下蒼生惜向臨分陳慨出商
聲摧金石

滿江紅 壽王質之

鶴馭來時長占定一年清絕九萬里纖雲收盡帝青空澗月露偏為丹桂地風
霜欲放黃花節聽玉笙縹緲度縱山吹初徹 曾直把龍鱗批曾戲取鯨牙拔
向絳河濯足咸池晞髮俗子底量吾輩事天仙不在懼儒列世豈無瑤草與蟠
桃堪攀掇

滿江紅 和王質之韻送鄭伯昌

怪雨盲風留不住江邊行色煩問訊冥鴻高士釣鰲詞客千百年傳吾輩話二
三子繫斯文脉聽王郎一曲玉簫聲淒金石 晞髮處怡山碧垂釣處滄溟白
笑而今拙宦它年遺直只願長留相見面未宜輕屈平生膝有狂談欲吐且休
休驚鄰壁

滿江紅 四首並和質之

往日封章曾聳動君王玉色今侶得三閭公子四明狂客古不能籍言者口天
方欲壽中朝脉算人間豈有病無醫須鍼石 年冉冉袍猶碧心耿耿頭先白

笑臣舒迂緩臣山愚直拂袖歸來羞炙手望塵拜了難伸膝把富春瀨與首陽
山圖齋壁

滿江紅

三黜歸來飯蔬食渾無愠色中年後家如旅舍身如行客軒冕豈非疣贅具烟
霞已是膏肓脉有些兒隙地更疏泉堆卷石 鄰媪餉新菊碧溪友賣鮮鱗白
向陳編冷笑孔明元直俗事不教汙兩耳燕居聊可盤雙膝取當年行脚一枝
筇懸高壁

滿江紅

疇昔臚傳仗下奏祥雲五色何況是西山弟子鶴山賓客上帝照臨忠義瞻老
師付受文章脉問此君鬢髯侶何人祖徠石 園官菜登盤碧田舍米翻匙白
懶投詩見素寄書杓直德耀不嫌為隱髻龜兒已解搖吟膝有誰憐給札老相
如家徒壁

滿江紅

下見西山料它日面無慙色君記取不為呂黨亦非秦客檜有十客有意挽回當世
事無方延得諸賢脉笑海波渺渺幾時平空啣石 園五畝紛紅碧家四世傳
清白任天孫笑拙女嬃嫌直老去何煩援以手向來不要加諸膝待深齋深處
着茅齋看青壁

滿江紅 壽唐夫人

八十加三人盡訝還童返少爭信道夜春曉織總曾經了凜凜共姜當日誓諄諄
諄孟母平生教到如今象服擁魚軒天之報如船藕如瓜棗斑衣舞金鍾醕
望秋宵一點老人星照塵世少如壤福壽上蒼知得兒忠孝待看它生子又生
孫添懷抱

滿江紅 和吳永叔尚書省吳喪少子

着破青鞵渾不憶躡它龍尾更冷笑癡人擘劃二三百歲殤子彭錢誰壽天靈
均渙父爭醒醉向江天極目羨禽魚悠然矣杯中物姑停止床頭易都拋廢
慨事常八九不如人意白雪調高尤協律落霞語好終傷綺待煩公老手一摩
挲文公記

風入松 福清道中作

索泉夢斷夜初長別館淒涼細思二十年中事歎人琴已矣俱亡改盡潘郎鬢
髮銷殘荀令衣香多年布被冷如霜到處同床蕭聲一去無消息但回首天
海茫茫舊日風煙草樹而今搃斷人腸

風入松 同前

歸鞍尚欲小徘徊逆境難排人言酒是銷憂物奈病餘孤負金壘蕭瑟搗衣時
候淒涼鼓走情懷遠林搖落晚風哀野店猶開多情惟是燈前影伴此翁同

去同來逆旅主人相問今迴老似前迴

風入松 癸卯至石塘追和十五年前韻

殘更難睡抵年長曉月淒涼芙蓉院落深深閉歎芳卿今在今已絕筆無求皇
曲癡心有返魂香起來休鑷鬢邊霜半被堆床定歸堦牽蓬萊去奈人間無
路茫茫綠斷謾三彈指憂來欲九迴腸

風入松 同前

攀翻宰樹暫徘徊草草安排昔人徒步陳雞絮愧公家僕馬觥壘華表舊愁滿
目黃梁殘夢傷懷欲將莊列等歡哀對卷慵開憑高指點虛無路問何年途
鶴歸來宿酒得風漸鮮小輿待月同迴

水龍吟 二首 己亥自壽

年年歲歲今朝左弧懸罷渾無事吾衰久矣我辰安在老之將至懶寫家書怕
看除目欺人佳思把東籬掩定北窓開了悠然酌頽然睡客有過門枝贄道
先生訪華胥氏誰能辛苦陪他綺語記它奇字屈指先賢戴花老監豈其苗裔
待異時約取寬夫彥園入耆英會

先生放逐方歸不如前輩抽身早臺即舊秩看來俗似散人新號起舞非狂行
吟非怨高眠非傲嘆終南捷徑太行盤谷用卿法從吾好閉了草廬長嘯後
將軍來時休報床頭書在古人出處今人非笑製箇淡詞呷些薄酒野花簪帽

願雲臺任滿又還因任賚汾陽考

水龍吟二首 自和前韻

病翁一榻蕭然劉屏山不知世有歡娛事雀羅庭院載醪客去催租人至報答
秋光要些酒量要些詩思奈長鯨罷吸寒蛩息響茶甌外惟貪睡窮巷幸無
干贅或相過莫知誰氏柴門草戶闕人守舍任伊題字自和山歌國風之變離
騷之商待從今向去年年強健插花高會
平生酷愛淵明偶然一出歸來早題詩信意也書甲子也書年號陶侃孫兒孟
嘉甥子疑狂疑傲與柴桑樵牧斜川魚鳥同盟後歸於好除了登臨吟嘯事
如天莫相詰報田園閑靜市朝翻覆回頭堪笑節物催人東籬把菊西風吹帽
做先生處士一生一世不論資考

浪淘沙

紙帳素屏遮全似僧家無端霜月闌牕紗喚起玉闌征戍夢幾疊寒茄歲晚
客天涯短髮蒼華今年衰似去年些詩酒新來俱倚闌孤負梅花

浪淘沙

疊嶂碧周遊子思家掩藏白髮賴烏紗落日倚樓千萬恨社鼓城笳老去
淡生涯虛擲年華臘茶孟子太清些待得癡兒公事畢謝了梅花

浪淘沙二首 丁未生日

去歲詣公車天語動渠絳紗玉斧照寒儒恰似昔人曾夢到帝所清都骨相
太清臞謫墮須臾今年黃勅換稱呼只為此翁霜鬢老不中書
早歲類寒蛩晚節遭逢曾開黃卷侍重瞳歸去青藜光照牖塔藥翻紅出晝
頗匆匆主眷猶濃除官全似紫陽翁寶文換箇新街頭面改又似包公辭即得

念奴嬌 木犀

透籬柔荑猶遲舍北芙蓉渾未却似小山叢桂裏一夜天香飄墜約束奴兵
丁寧稚子莫掃青苔砌風高露冷倚欄疑匪人世客有載酒過予朗吟招隱
洗盡悲秋意白髮長官窮似虱剛被天公調戲遍地堆金滿空雨粟不濟淵明
事殘英賸馥明朝猶可同醉

念奴嬌 菊

老夫白首尚兒嬉廢園一番料平理餐飲落英并墜露重把離騷拈起野艷幽
香深黃淺白占斷西風裏飛來雙蝶繞叢欲止還止嘗試詮次羣芳梅花差
可伯仲之聞耳佛說諸天金色界未必莊嚴如此尚友靈均定交元亮結好天
隨子籬邊坡下一杯聊泛霜葉

念奴嬌 壬寅生日

比如去歲前年今朝差覺門庭靜玉軸錦標無一首知道先生遠佞假使文殊
携諸菩薩來問維摩病無花堪散亦無香積齋觀回首雪浪驚心黃茅過頂

瘴毒如炊甑山鬼海神俱長者饒得書生窮命不慕飛仙不貪成佛不要鑽天
今年年今日白頭母子家慶

念奴嬌 壽方德潤

卯君來處與眉州僊子依稀同日一自前朝龔蔡後頗覺壺山岑寂誰料端平
繼居遺補復有斯人出幅巾林下姓名玉座長憶 須信諛語尤甘忠言最苦
橄欖何如蜜諸老蕭疎星欲曉留取南都鐵壁洛社自佳鏡湖雖好莫問君王
乞年年歲歲大家同做真率

念奴嬌 丙午鄭少師生日

禁中張讌苦留公未許歸尋初服千載君臣魚有水不比嚴光文叔火德中天
客星一夕草草聊同宿重來凝碧依然賡載相屬 過眼夸奪紛紛浮雲野馬
幾度棋翻局客話鳳池三入事洗耳湖光一曲伯始泉荒穉珪圃冷占斷西風
菊年年歲歲金英常泛芳醪

木蘭花慢 壽王質之

瀛洲真學士為底事在紅塵為語觸宮闈沉香亭裏嗔謫仙人為親近君側者
見萬言策了甚劉蕡為是尚方請劍漢廷多憚朱雲 君言往事勿重陳且闌
酒邊身也不會區區算它甲子記甚庚寅爾曹譬如朝菌又安知老柏與靈椿
世上榮華難保古來名節如新

木蘭花慢 癸卯生日

病翁將耳順牙齒落鬢毛疎也慚愧君恩放還田舍免詣公車兒時某丘某水
到而今老矣可樵漢寶馬華軒無分蹇驢破帽如初 浮名箕斗竟成虛磨折
總因渠帝錫余別號江湖聲叟山澤仙臞尊前未宜感慨事猶須看歲晏何如
衛武耄年作戒伏生九十傳書

木蘭花慢 送鄭伯昌

古人吾不見君莫是鄭當時更築就山房躬耕谷口名動京師諸公任他家
與杜陵野老共襟期有客至門先喜得錢沽酒何疑 昔年聯轡柳邊歸陳迹
恍難追况種桃道士看花君子回首皆非相逢故人問訊道劉郎老去久無詩
把做一場春夢覺來莫要尋思

木蘭花慢 丁未中秋

水亭凝望久期不至擬還差隔翠幌銀屏新眉初畫半面猶遮須臾淡煙薄靄
被西風掃盡不留些失了白衣蒼狗奪回雪兔金蟾 乘雲徑到玉皇家人世
鼓三過試自判此生更看幾度小住為佳何須如狗似玦便相將只有半菱花
莫遣素娥知道和它髮也蒼華

最高樓 戊戌自壽

南嶽後累任作祠官試說與君看仙都玉局總交卸新御又管華州山怪先生

吟膳壯飲腸寬 去歲擁旌旗稱太守今歲帶笈著稱漫叟慵入閣慣投閑有時拂袖尋種放有時携枕就陳搏任旁人嘲潦到笑癡頑

最高樓 再題周登樂府

周郎後直數到清真君莫是前身八音相應諧韻樂一聲未了落梁塵笑而今輕卸客重已人 只少箇綠珠橫玉笛更少箇雪兒彈錦瑟欺賀晏壓黃秦可憐樵唱并菱曲不逢御手與龍巾且醉眠蓬底月甕間春

臨江仙 縣圃種花

落魄長官江海客少豪萬里尋春而今憔悴向溪濱斷無觴詠興惟有薄書塵

手插海棠三百本等閑粧點芳辰他年絳雪映紅雲丁寧風與月記取種花人

臨江仙

庚子重易余以漕攝帥會前帥唐伯玉前漕曹成父于越王臺明年是日寓海豐縣驛作

去歲越王臺上飲席間二客如龍憑高弔古壯懷同馬嘶千嶂暮樂奏半天中

今歲三家村市裏故人各自西東花時節酒樽空可憐雙雪鬢禁得幾秋風

臨江仙

潮惠道中

不見仙湖能幾日塵沙變盡形容夜來月冷露華濃都忘茅屋下但記畫船中

兩岸綠陰猶未合更須補竹添松最憐幾樹木芙蓉手栽纔數尺別後為誰紅

臨江仙

已酉和寶之燈夕

玉筵鈿車當日事東塗西抹都曾等閑曲子壓和凝曲子縱游非草草已醉強相公

惺惺 今向三家村送老身如罷講吳僧高樓百尺不須登半爐燒葉火一瓊
勘書燈

昭君怨 牡丹

曾看洛陽舊譜只許姚黃獨步若比廣陵花大虧他 舊日王侯園圃今日荆

榛狐兔君莫說中州怕花愁

昭君怨

瓊華

后土宮中標韻天上人間一本道號玉真妃字瓊姬 我與花曾半面流落天

涯重見莫把玉簫吹怕驚飛

清平樂 五月十五夜觀月

纖雲掃迹萬頃玻璃色醉跨玉龍游八極歷歷天青海碧 水晶宮殿飄香羣
仙方按霓裳消得幾多風露變教人世清涼

清平樂

同前

風高浪快萬里騎蟾背曾識姮娥真體態素面元無粉黛 身游銀闕珠宮俯
看積氣濛濛醉裏偶搖桂樹人間喚作涼風

清平樂

贈陳參議師文侍兒

宮腰束素只怕能輕舉好築避風臺護取莫遣鷺鴻飛去 一團香玉溫柔笑
顰俱有風流貪與蕭郎眉語不知舞錯伊州

清平樂 丹陽舟中作

休彈別鶴淚與絃俱落歡事中年如水薄懷抱那堪作惡 昨宵月露高樓今
朝煙雨孤舟除是無身方了有身長有閑愁

長相思 惜梅

寒相催暖相催催了開時催謝時丁寧花放時 角聲吹笛聲吹吹了南枝吹
北枝明朝成雪飛

長相思 寄遠

朝有時暮有時潮水猶知日西迴人生長別離 來有時去有時燕子猶知社
後歸君行無定期

長相思 餞別

風瀟瀟雨瀟瀟相送津亭折柳條春愁不自聊 煙迢迢水迢迢準擬江邊駐
畫橈舟人頻報潮

長相思

烟淒淒草淒淒野火原頭燒斷碑不知名姓誰 印累累冢累累千萬人中幾
箇歸榮華朝露晞

長相思

勸一杯復一杯短鍾相隨死便埋英雄安在哉 眉不開懷不開幸有江邊舊

釣臺拂衣歸去來

菩薩蠻 戲林推

小鬟解事高燒燭羣花圍繞揆蒲局道是五陵兒風騷滿肚皮 玉鞭鞭玉馬
戲走章臺下笑殺灞橋翁騎驢風雪中

玉樓春 戲林推

年年躍馬長安市官舍似家家似寄青錢換酒日無何紅燭呼盧宵不寐 易
挑錦婦機中字難得玉人心下事男兒西北有神州莫滴水西橋畔淚

生查子

元夕戲陳敬叟

繁燈奪霽華戲鼓侵明發物色舊時同情味中年別 淺畫鏡中眉深拜樓西
月人散市聲收漸入愁時節

憶秦娥 暮春

游人絕綠陰滿野芳菲歇芳菲歇養蠶天氣采茶時節 枝頭杜宇啼成血陌
頭楊柳吹成雪吹成雪淡煙微雨江南三月

憶秦娥 上巳

修禊節晉人風味終然別終然別當時賓主至今清絕 等閑寫就蘭亭帖豈
知留與人間說人間說永和之歲暮春之月

憶秦娥

泥滑滑一聲聲喚征鞍發征鞍發客亭楊柳不禁攀折
荀郎衣上香初歇蕭娘心下書難說書難說霎時吹散一生愁絕

憶秦娥

春醒薄夢中毡馬豪如昨豪如昨日月明橫笛曉寒吹角
古來成敗難描摸而今却悔當時錯當時錯鐵衣猶在不堪重着

憶秦娥

梅謝了塞垣凍解鴻歸早鴻歸早憑伊問訊大梁遺老
浙河西面邊聲悄淮河北去炊烟少炊烟少宣和宮殿冷煙衰草

鵲橋仙

金風浙浙銀河淡淡長少羣賢畢會平生心事翅生知怪此夕惺惺相對
玄花生眼新霜點鬢不肯遮藏老態人間何處有仙方擘劃得二三百歲

踏莎行

日月跳丸光陰脫兔登臨不用深懷古向來吹帽揷花人盡隨殘照西風去
老矣征衫飄然客路炊煙三兩人家住欲携斗酒答秋光山深無覓黃花處

水調歌頭

游蒲湖追和崔菊坡韻
余頃為儀真即督郵白事維揚崔水調歌頭
公鏡後致屬先受制置使李公之辟崔公始聘洪公舜俞以寓悲慨
二十五年奉使嶺外拜公祠像俯仰今昔輒和公所作水調
救使竟空返公不出梅閣當年玉座記憶仄席問平安羽扇尉佗城上野服仙

再和喜歸

游閣下遼窠幾時還賴有蜀書舊健筆與書丹
青油士珠履客各凋殘四方

再和喜歸

遣作嶺頭使似成玉閣閣來時送者舉酒珍重視身安街畔小兒拍笑馬上是
翁雙鑠頭與璧俱還何處得仙訣髮白顏猶丹
茅屋破籬菊瘦架籤殘老夫自計甚審忙定不如閑客難楊雄拓落友笑玉良來往面汗背芒寒再拜謝不

三和

敏早晚乞還山
解印有期戲作

四和

老子頗更事打透利名關百年擾擾于役何異入槐安夢裏偶然得意醒後終
堪發笑蟻穴駕車還恰佩南柯印髻鬢數曾丹
客未散日初暝酒猶殘向來幻境安在回首捻成閑莫問浮雲起滅且跨剛風遊戲露冷玉簫寒寄語抱朴

子候我石樓山

半世憤岐路不怕唱陽關朝來印綬解去今夕枕初安莫是散場優孟又似下
棚傀儡脫了戲衫還老去事多忘公莫笑師丹
筆端花胸中錦兩消殘江湖水草空曠何必養天閑久苦諸君共事更盡一杯別酒風露夜深寒回首行樂

四和

八月上游解印別同官席上賦

水草空曠

何必養天閑久苦諸君共事更盡一杯別酒風露夜深寒回首行樂

地明日隔雲山

五和 客散循堤步月而作

落日幾呼渡佳夕每留閑有時來照清淺鬢雪似潘安一曲親蒙君賜而岸更無人迹惟見鷺飛還隙地欠栽接蕉荔雜黃丹 柳全疎松尚幼怕摧殘傍人笑我癡計管鑰費防閑翁意在乎林壑客亦知夫水月滿腹貯清寒賦詠差有愧赤壁與滁山

六和 次夕鷓鴣客湖上賦葛仙事

羯虜問周鼎柱史出秦閔苦求勾漏何意身世遠差安不見跼蹐墮水時有飛鴻遵渚樂此久忘還采藥寓言耳曾次有靈丹 釣游處榕葉暗荻花殘自翁仙後千載輸與水鷗閑我讀內篇未竟忽被急符驅去洞閉白雲寒回首愧幽子隱約海中山

七和 十三夜同官載酒相別不見月作

怪事廣寒殿此夕不開閨林間鳥鵲相賀暫得一枝安只在浮雲深處誰駕長風扶取明鏡忽飛還玉兔呼不應難覓日中丹 酒行深歌聽徹笛吹殘嫦娥老去孤令離別匹如閑待得銀盤擊出只怕玉峯醉倒衰病不禁寒卿去我欲睡辜負此湖山


水調歌頭 癸卯中秋作

老去有奇事大放西中秋使君飛榭千尺縹緲見麟洲景物東徐城上歲月北征詩裏圓缺幾時休俯仰慨今昔惟酒可澆愁 風露高河漢澹素光流賈胡野老相慶田海十分收競看姮娥金鏡爭信仙人玉斧費了一番修衰晚筆無力誰伴賦黃樓

門人建功郎新差昭州司法叅軍林秀發編次

後村居士集卷第二十





卷之二

三

易

